



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A

3124/A

N. VI

Her

HERMES TRISMEGISTUS

WELLCOME
HIST. MED. MUSEUM

✓
22525


S

e-
rò
&
t,

ui
z.

33
169

1.6



HERMETIS TRISMEGISTI
TRACTATUS
VERE AUREUS,

De Lapidis Philosophici secreto, in capitula septem divisus: nunc verò à quodam Anonymo, scholijs tam exquisitè & acutè illustratus, ut qui ex hoc libro non sapiat, ex alio vix sapere poterit, similis enim huic vix hodie reperitur.

Tandem operâ & studio


*Dominici Gnosij Belgæ, utr. M. D.
in lucem editus.*

Qui, quid novit, loquitur, index Iustitiæ est: Qui autem mentitur, testis est fraudulentus. *Pro. 12.*



Lipsiæ, Sumptibus THOMÆ SCHWABER.





ILLUSTRI AC GENE-
ROSO VIRO,

LADISLAO
WELEN, BARONI A
ZIEROTIN, DOMINO IN
TRIBA, LONTENBURCK,
& HONSTEIN,

Domino suo clementissimo.

S. P. D.



ERMETEM Trif-
megistum, apud Æ-
gyptios, Illustris ac
Generose Baro, ma-
ximi sacerdotis, maximi Re-
gis, maximi Philosophi axi-
omata, multis modis clarissi-
misque meritis obtinuisse, ne-

)(2

mini

E P I S T O L A

mini est ignotum. Inter alia
is libris suis, quæ extant, eam
Philosophiam, præsertim de
naturæ secretis, admiscuit,
quam non nisi ex sanctis divi-
nisque Patribus Ægyptios i-
pso accepisse, plurima sunt,
quæ nobis fidem faciunt plus
quàm plenam & certam.

Et istius verò Philosophiæ
patrum de naturæ secretis quàm
sit arguta ratio, admirabilis
jucunditas, evidentissima cer-
titudo, & ineffabilis utilitas, il-
lorum confirmabitur punctis,
quos non invidus & iniquus
vexat affectus, sed æquus a-
mavit Jupiter, ut in proverbio
dici solet. Cum igitur tanti
aucto-

D E D I C A T O R I A .

auctoris & secretorum naturæ scriptoris, & abstrusæ Philosophiæ patris hic liber ab omnibus solidæ physicæ viris amantibus & doctissimis desideratus nuperrimè in manus meas incideret, & quidem de quo sibi omnes docti magnopere gratulabuntur, commentario supra modum egregio & per necessario exornatus; Utiq; peccati in publica commoda commissi ne reus perhiberi possem, nolui eundem diutius latere, sed è vestigio typis exscribendum curavi. Et hoc unum est, de quo lectorem Hermeticis *παραδείκταις* non assuetum admonere visum fuit.

)(3

Alte:

E P I S T O L A

Alterum est de causâ, cur
hunc librum Tibi viro tam
literis quàm bello exercita-
tissimo inscribendum curavi.
Illud utique nemo mirabitur,
quòd pro eâ, quæ publicè re-
cepta est, consuetudine, pro-
pter & adversus imperitos &
iniquos iudices, huic libro
patronum & vindicem inqui-
rere fategi. Ergò cum ex fa-
miliari multorum doctissi-
morum virorum conversatio-
ne, plusquàm perspectum ha-
berem Te, non tantùm cun-
ctis viris doctis, sed omnibus
alijs liberalibus scientijs im-
pensè delectari, & in naturæ
secretis investigandis omnes
contendere nervos; jure quo-

DEDICATORIA.

dam singulari antiquissimorum & eruditissimorum Philosophorum princeps ille Hermes Trismegistus quasi redivivus cum doctissimo suo commentatore Tuæ Fidei & Curatellæ fuit commendandus. Et apud quemnam potius deponeremus auctorem & commentatorem de tantis abstrusis & secretis naturæ disserentes, quam apud eum, qui totus totus, quantus quantus est, nil nisi in abstrusis & secretis investigandis occupatus est.


Accipe igitur utrumque fereno vultu, & utrumque adversus iniquos censores, si opus fuerit, viriliter tuere. DEUS
(4 omni-

EPIST. DEDICAT.


omnipotentissim. felicia sub-
inde excitet ingenia, quæ so-
lidam secretorum naturæ in-
vestigationem strenuè ur-
geant, & ad nominis sui glo-
riam, & ad publicam generis
humani utilitatem expoliant.
Vale *Ἀμήν*.

T. G. obsequentissimus

Dominicus Gnosius Bel-
ga Utr. Med. Doct.



Pbi-



*Philosopho ter Maximo,
Theosopho: Jurisperito: Medico*

*Hoc est,
Comiti Palatino*

**Dn. JACOB O
ALSTEINIO PATRI-**

**TIO Romano: Equiti aurei calcaris,
& Regiæ Majestati in Gallijs à con-
silijs valetudinis.**

S. P. D.



*Ulemadmodum Chy-
mici Philosophi so-
lent omnes mundi
Lapides in tres præ-
cipuos, tanquam ge-
nerales reducere, in
animalem videlicet, vegetalem & mi-
neralem: Sic Tu quoq, ALSTEINI,
vir inclyte, Patrone & Mecænas
X S Summe*

P R E F A T I O.

Summe observande, qui à cunctis nomen habes Lapidibus, hac principali nominum triplicitate conspicuè adornatus, instar stellæ matutinæ præ multis alijs fulges: & sic es Theosophus: Jurisperitus; & medicus. Libera enim ac supercœlestis Civitatis muncipus factus, hanc à Deo nactus es gratiam, ut cum quibusvis, etiam summi judicii Theologis conferre possis. Aurei verò calcaris Eques, imperterrefacto animo accipis armaturam, & armas te ad Pseudojuridicorum, passim hinc in mundo occursantium ultionem. Induis enim pro thorace justitiam, & accipis pro Galeâ judicium, certum: & sumis tandem scutum inexpugnabile æquitatis, ut illos in auream justitiæ veritatisq; viam reducas. Quanta etiam tua sit in Medicinâ præstantia, novit non tantum Gallia: verum Anglia, Belgia, Helvetia, Italia,

P R A E F A T I O.

Italia, Bohemia, Moravia, Hungaria, Polonia: imò tota etiam Germania. Quapropter non solum Reges & Principes te magnificiunt; sed summum totius Romani Imperij caput, te aliquoties ad colloquium Sophicum spontè accersi jussit. Ut autem paucis multa complectar, tot tantosq; honorum titulos unicus sub se, comprehendit Comitatus Palatinatus, hoc est Privilegium & libertas in splendidissimum & sacrum Philosophorum palatium ingrediundi: ex quo solo hujusmodi dignitatum ornamenta, tanquam spolia Achyllis ex bello Trojana reportasti. Sed queris fortasse, quisnam ego sim. Anonymus, qui tam audacter te compellare audeam? Dicam id, & hoc quidem Disticho:

Ignis me genuit: sic nomen ab igne resumo:

Non secus ac LAPIDIS tu quoq; nomen amas,

Fam quidem satis me nosse debebas: sed

pro-

P R Æ F A T I O.

propter alios imbecillioris judicij, nominis mei rationem luculentius exponam. Vulcani naturam habeo, omniaq; corpora, quibuscunq; subijcior, temporis longinquitate demulceo, & in meam verto naturam subtilem & spiritualem: imò lapidem ipsum, quavis compactissimum & Adamantis instar durissimum, tandem flecto, solvo, & in tantam adduco mollitiem, ut cere instar fluat. Mollior hætenus, an durior mihi factus sis, ô ALSTEINI, nondum, sat constat. Hoc tamen scio, quia & JACOB diceris, me jampridem, à te supplantatum. Sed diuturniori hac supplantatione, quid quæso effectum iri putas? supplantator nimirum Tu, me tandem victorem sine dubio reddes: sicq; Tu JACOBUS, ego verò, qui igneâ virtute tandem prævalebo, ISRAEL vocabimur: & sub duobus bis nominibus,

P R Æ F A T I O.

bus, uno eodemq; animorum consensu
 & conspiratione, constanter invi-
 cem juncti permanebimus. Ulterius
 nihil addens de nomine, hunc saltem
 foetum meum Philosophicum, aborti-
 um quidem & tumultuarium tibi le-
 gendum examinandumq; offero: in
 quo præter infinita alia, quæ brevita-
 tis causa nunc omitto, hoc unum haud
 dubiè improbabis, quod à consueto
 Philosophorum tramite discedens, de
 tantis mysterijs, paulò liberiùs, quàm
 par sit, scribam. Sed utut se res
 habeat, non tamen id, qualecunq;
 tandem sit, rudiori promiscuæq; ple-
 becule objectandum esse censui, prius-
 quàm tuæ subicerem censuræ. Mul-
 to enim rerum usu, me longè antecel-
 lis, ita ut tuo judicio, tanquam firmo
 & solido lubens meritòq; acquiescam.
 Te igitur vehementer etiàm atq; et-
 jam rogatum volo: ut id placido sere-
 noq;

P R Æ F A T I O.

noq; accipias vultu: meq; tibi unice
commendatum habeas: majora verò
magisq; expolita aliquando à me, si De-
us longiorem mihi vitæ usuram con-
cesserit, expectes. Vale. Aurelijs ad
Ligirim, 23. Octobr. Anno recupera-
tæ salutis 1608.

Tux Magnif.


Subjectissimus Anonymus.

Sap. 3.

Fulgebunt justi, & tanquam scintillæ
in arundinetis discurrent.



Aros





Aros in turba.


EXcelsum est hoc apud Philosophos magnos, Lapidem non esse lapidem: apud Idiotas vile & incredibile: quis enim credit lapidem aquam, & aquam lapidem fieri, cum nihil sit diversius? Attamen revera ita est.



Geber C. 11. summa perfectionis.

ET hoc est, quod facit eos opinari, impossibile esse ejus constructionem, quia destructionem artificialem (auri videlicet) ex cursu naturæ ignorant. Attentaverunt fortè, quòd sit fortis compositionis, sed quàm fortis compositionis sit, non attentaverunt.

Philo-



Hermetis Trismegisti

TRACTATUS AVREVS

DE LAPIDIS PHYSICI
SECRETO, IN CAPITULA SE-
ptem diuisus: nunc verò à quodam
Anonymo scholijs illustratus.


CAPITVLVM

PRIMUM.

HERMES.

Hermes enim inquit. In tam longa
ætate non destiti experiri, nec ani-
mæ à labore peperci, artem & hanc sci-
entiam solius Dei vivi inspiratione ha-
bui, qui mihi famulo suo pandere di-
gnatus est.

SCHOLIUM.



*T*ria potissimum sunt artis discipulo sex
doctrinae filio necessaria: Studium,
Experientia, & Benedictio divina.

A

Quic-

2 DE LAPIDIS PHYSICI SECRETO

Quicquid enim studio & diligenti meditatio-
ne in intellectum nostrum primo implantatum
ac inferitur, id postea experientia, siue oculari
demonstratione, ab operatione manuali produ-
ctum confirmatur. In neutra tamen actione fe-
lices tibi pollicearis progressus, nisi favorem
ac benedictionem divinam, tibi prius quoque
conciliaveris. In humanis enim rebus pera-
gendis, primis occupat partes voluntas & de-
cretum DEI: sicut scriptum est, Rom 9. Non
est currentis, neq; volentis, sed misferentis DEI.
Hanc si propitium & benevolum habueris,
nullum extimesces obstaculum, licet vel letus
etiam mundus, & diabolus ipse tibi adverse-
tur: nihilominus tamen feliciter tuum persi-
cies propositum. Contra tamen si iratum e-
undem senseris, omnis labor erit irritus, va-
nus & inanis, juxta illud:

Nullius est felix conatus, & utilis unquam:

Consilium si non detq; juvetque Deus.

Hippocrates ad perfectam medicinam se-
ptem hac sufficere contendit: Naturam, prae-
ceptionem, locum studijs aptum, institutio-
nem à pueris, studium, industriam, tempus.
Sed quod praeteris summè necessarium est
praeter-

prætermittit, divinam nempe benedictionem: idq; vel ex DEI ignorantia, vel ex suorum Deorum, quorum infinitum numerum gens olim ethnica colebat, contemptu. Ac quamvis propterea excusandus videatur, quod Ethnicus fuerit: ingens tamen inde discrimen apparet inter ethnicos Chymie peritos & imperitos. Sed dicēs, Hermetem quoq; Aegyptium ex ethnica gente oriundum fuisse. Pareor id quidem, ethnicus fuit natione: religione tamen proximè accessit ad verum & legitimum Dei cultum. Magi, qui veniebant ab oriente ad Christum, non additi Iudeorum ceremonijs in colendo DEO, neq; ex eorundem populo, sed ex gentilitia familia orti, nihilominus tamen singulari DEI gratia illuminati erant: & dubio percul, in divino cultu fideliter & realiter persequendo non cessissent vel ipsis Iudæis, multis vè hodie pseudo-Christianis. Sed quinam sit, quod quidam Ethnorum, ut Hermes, Plato, tres Magi, & similes adhuc plures videntur tam præclaram, alij verò adeò exiguam, aut planè nullam de DEO habuisse cognitionem? Hunc questionis modum solvit D. Paulus in epist. ad Rom. cap. i.

4 DE LAPIDIS PHYSICI SECRETO

Ubi geminam proponit Ethnicorum differen-
tiam, quorum alios dicit DEUM cognovisse
quidem, sed non ut DEUM glorificasse & gra-
tias egisse: alios autem occasionem, DEUM
ex natura cognoscendi, suâ propriâ culpâ ne-
glexisse. Præterea si omnium ætatum tempo-
ra percuramus, conspicuè videre licet, Ethni-
cos illos philosophos, qui Chymiam simul exco-
luerunt, præ cæteris majori pietatis virtutum-
que splendore emicuisse. Absit enim ut Her-
mes, Pythagoras, Plato, Anaxagoras, aliq̃ plu-
res Chymici Philosophi, tam scabiosè & impiè
loquantur de DEO, ac ipse Galenus Chymia ig-
narus loquitur de Christo & Moyse. Mul-
tò enim majori pietate & veneratione excolu-
erant alium illud & divinum æternitatis
NUMEN: cujus infinitam potestatem &
immensam gloriam ac majestatem non obscu-
rè intuebantur in unico omnis mirabilitatis
subjecto, in lapide nempe suo Philosophico: in
quo tanquam in lucido speculo videbant
omnes omnium rerum naturalium, celestium
& elementarium vires atq; virtutes. Unde
palàm professi sunt in suis scriptis: *Artem*
Chymicam aut invenire hominem pium, aut
redde-

reddere illum pium. Hos igitur nostro seculo omnes veri Chymici, viri probi ac cordati, DEUM q̄ timentes, meritò imitantur. Galenum autem qui sequuntur, majori periculo expositi sunt. Verendum enim, ne discipuli ex diuturna & crebra Galenicorum scriptorum lectione, praeceptoris mores & vitia imbibant, & eandem atheismi labem fortè contrahant. Si libèret medicam historiam à centenis tantum annis repetere, plurimos utiq; viros doctissimos & celeberrimos adducere possem, qui praeceptoris nimio amore effascinati, in hanc temeritatis, ne dicam impietatis, scenam prodire, non sunt veriti.

Sed his oblivione sepultis, sequamur potius Hermetem nostrum, qui ingenuè, sine q̄ omni tergiversatione fatetur se in huius scientiae artisq; possessionem non per tectum, ut fures, lupi rapaces, & Pharisei solent, sed per legitimum Philosophiae ostium ex impulsu & inspiratione solius DEI intrasse. Huius enim sacrae Philosophiae ostium unicum ac solum verum est Spiritus veritatis: qui spirando, ubi vult, aperit & commonstrat Chymiae studiosis viam rectam, eosq; deducit in omnem verita-

6 DE LAPIDIS PHYSICI SECRETO

tem. Nam in quorum animis semel ardet
 ille veritatis lucifer ac stella benedicta, è ve-
 stigio inde fugantur & radicibus expelluntur,
 omnes errorum tenebræ. Divinitus itaq; nec
 aliunde inspiratur Hermetica Philosophia:
 nec eadem plures, quam unum solum autho-
 rem, nempe DEUM agnoscit. Ab hoc una
 qui aberrat in hac scientia per vestiganda, su-
 am miseriam & errorem haud dubie tandem
 deplorabit. Artes reliquas vulgares qui
 scire vult, eas poterit facile ab artificibus &
 præceptoribus, in scholis ad hanc rem destina-
 tis perdiscere. Conati quidem sunt hætenus
 multi in Scholis & Academijs, Philosophiæ fun-
 damenta, causas & principia quoq; juxta ean-
 dem methodum, è proprio cerebro enatam stu-
 diose juventuti inculcare: sed quo fructu, ex-
 perientia satis superq; demonstrat. Puris enim
 Philosophiæ fontibus relictis, qui à solo patre
 luminum desuper in fidelium corda influunt,
 ad inanes & aniles quorundam Ethnicorum
 nugas & hominum otiosorum figmenta atq;
 deliria delapsi sunt: & non solum hunc sacrum
 & fertilissimum Philosophiæ agrum, innume-
 ris mendaciorum commentis conspurcarunt &
 devasta-

devastarunt: sed alias quoque scientias, puras
 atque sanctas, suis quisquiliarum sordibus simul
 inquinarunt, & tam horrendè deformarunt:
 ut vix ac ne vix quidem scintillam adhuc in
 illis agnoscas residuam, genuina ac primæve
 integritatis. Tante cladis causa non mini-
 ma existit mendosum illud & rixosum artis
 disputatricis inventum, de qua paulò post in-
 frà dicetur. Hinc in varias adeò partes di-
 stracta Philosophia, modò ab hoc, modò ab illo
 violentos depravationum insultus passa est.
 Quid enim operæ pretium hac in re facerent
 isti, qui lumine Naturæ destituti, ex proprio ce-
 rebro, uno atque altero argumento dialectico in
 medium prolato, fabulosa principia & causas,
 pro artis fundamento, simplicioribus ac rerum
 ignavis obtruderent? Ex qua re tanta opinionum
 varietas emerfit, quantus philosophantium
 numerus, ut quem nunc sequaris aut deseras,
 vix perspicias. Tam obstinato sunt interim
 quidam animo, ut quamvis apud multos
 authores evidenter satis agnoscant rei falsi-
 tatem, tamen mordicus eos, tanquam milites
 veterani & strenui antiquitatis defensores
 propugnent, ac ignominiosum sibi fore existi-

I DE LAPIDIS PHYSICI SECRETO
ment, si à sententia tot seculorum serie sta-
ta, & tam longo artificum usu compro-
desciscant. Nec satis est, seipsos in tam
hominum mancipia degenerasse, sed ejus-
calamitatis participem quoq; fieri cupiunt.
neram & innocentem studiosam juventutem.
Hinc suos discipulos nolentes volentes in su-
pertrahunt sententiam, ijsq; voce & scrip-
minis & objurgationibus omnem interdici-
philosophandi libertatem: sicq; claudunt
gnum philosophicum ante homines, & ipse
trare non contendunt, nec advenientes intro-
re sinunt. Rectius facerent hujusmodi My-
sophi, si in tam ancipiti authorum electione
stituti, repudiata Aristotelis, Galeni, aliorum
authoritate, ad ipsum fontem suos deducere
discipulos. Fons autem iste ubi? Disce ha-
à Sapiente, si sapis; qui lib. Sap. cap. 7. inquit
DEUS est Sapientia DUX, & sapientium
emendator: in manu ipsius, & nos & sermo-
nes nostri, & omnis sapientia, & operum sci-
entia & disciplina. Ex hoc eodem fonte Her-
mes quoq; noster suam hausit scientiam, ut i-
psemet fatetur his verbis; Hanc scientiam,
inquit, solius DEI vivi inspiratione habui.

Pudens

Pudeat hodierno seculo Christiani nomi-
 nis Philosophos, quod se patiantur superari ab
 Ethnicis: quibus olim nihil constabat de veri-
 tatis luce, nempe de CHRISTO, in hunc
 mundum venturo: qui fons omnis scientiae ac
 intelligentiae, ipsaq; vera & aeterna DEI sa-
 pientia, saepenumero nos insuper in verbo suo
 paternè ac fraternè allicit, vocat, & amicè hor-
 tatur, viamq; ac rationem nobis ostendit am-
 plissimam, quâ possimus non tantum in ejus-
 modi scientiarum abstrusarum penetralia per-
 venire, sed etiam his majora desuper à patre
 luminum adipisci: sed ingratus mundus plus
 diligit tenebras, quàm lucem, potius delecta-
 tur in impuro ethnicorum impiorum caeno vo-
 lutari, quàm puro ac salutari DEI verbo ob-
 temperare. Quid igitur expectandum his
 erit, pro tanta ingratitude & summa contu-
 macia? Nihil sanè aliud, quàm simile respon-
 sum, quale tulisse legimus inobedientes Israë-
 litas apud Esaiam cap. 30. quod verbis paucis
 ad nostrum propositum mutatis ita habet: Vae
 vobis Philosophi & Medici desertores, dicit
 Dominus, ut faceretis consilium, & non ex me:
 & ordiremini telam, & non per spiritum meum,

10 DE LAPIDIS PHYSICI SECRETO

ut adderetis peccatum supra peccatum: qui
ambulatis, ut scētemini Græcos mendaces. &
os meum non interrogastis, sperantes singula-
rem sapientiam ac scientiam in nugis Aristote-
lis & Galeni: & habentes fiduciam in delira-
mentis Græcorum. & erunt vobis nugæ Aristot-
elis & Galeni in confusionem, & fiducia men-
dacium Græcorum in ignominiam.

Noli mihi hic exprobrare illud tritum in
scholis, quod vis suo loco & tempore agendam,
neg. scientias sacras cum profanis confunden-
das. Nam si me rectē capis, nihil profanum e-
rit in Philosophia: eundem enim cum Theolo-
gia authorem habet. Tibi autem fortasse
vana & profana videtur philosophia, quicquid
didicisti à nugaci & vano magistro. Rectē igitur
tibi erit in confusionem, mihi verò in se-
mitam rectam ad sacras & profundissimas
scientias indagandas. Si ex eodem fonte hau-
reres philosophiam tuam, ex quo eam hausit
Hermes, nihil utiq. profani relinqueretur, de
quo conqueri posses. Considera quæ sunt tres il-
las tuæ Philosophiæ partes, Ethicam, Physi-
cam & Logicam: nonne omnium harum
authorem censes DEUM esse? Pra ni-
mie

miopudore id quidem vix negare audes, sed quomodo factō id neges, mox intelliges.

In prima parte, quam Ethicam appellas, precipuè agitur de virtutibus moralibus, quæ à moribus vel ab assuefactione ita dicuntur. Quare? quia prout tua fert opinio, Virtus est habitus bonus, inclinans ad rectè agendum. Habitus rectè agendi unde comparatur? Longo usu & assuefactione. Usus autem & assuefactio consistit in arbitrio & voluntate hominis. Ergo virtus moralis pendet non à divina benedictione, sed ab homine: qui ex proprijs viribus, usu & assuefactione virtutis habitum sibi comparare potest. Sed quàm absurdum hoc sit, palàm fit ex eo, quod inter virtutem Theologicam & Ethicam, differentia, quam pro tua opinionis fundamento perperam constituisti, planè nulla sit. Omnium enim ejusmodi virtutum essentia, mediatè & immediatè procedit ex DEO. Mediatè per thronos, potestates, dominationes, angelos & archangelos. Immediatè per DEUM ipsum. Fortitudinis igitur in Alexandro Magno, Julio Cesare, Lucullo, Sylla,

Sylla, Mario, caterisque heroibus ethnicis alius
 author statuendus non est, quam fortitudinis
 in Samfone, qui unctus erat Domini. Et ne
 impiè hoc fortè dictum putes, pro certo habeto:
 DEUM Solem suum oriri sinere super bonos &
 malos: neq. hoc solummodo intelligas de Sole
 caelesti sive firmamentali, sed de supercaelesti
 etiam, de Sole nempe iusticiae, qui filius DEI
 est ab aeterno genitus, in quo Deitas plenariè,
 omnesq. virtutes divinae corporaliter inhabi-
 tant. Unde Corn. Agrippa lib. 3. cap. 58. Qui
 virtutem, inquit, aliquam possidere cupiunt,
 orandum illis est, & supplicandum crebrò ad
 eum, qui in se omnem continet virtutem.
 Quis autem is est, qui omnem continet vir-
 tutem? nonne Christus Salvator noster, &
 DEUS, cum Patre & Spiritu sancto, qui re-
 ste Malachia cap. 1. aequè versatus & operatus
 est in gente ethnica, quam in populo suo electo.
 Sic enim scriptum legimus apud Prophetam:
 Ab ortu Solis usq. ad occasum magnum est no-
 men meum in gentibus, & in omni loco sacri-
 ficatur & offertur nomini meo oblatio munda:
 quia magnum est nomen meum in gentibus
 dicit Dominus exercituum. Sed reprobat
 fuerunt

fuerunt multi ethnicorum, quod cum DEI
gloriam & magnificentiam non tantum in
externis creaturis, sed in seipsis quoque cogno-
scerent, aut cognoscere potuissent: DEUM non
ut DEUM glorificarent, nec ipsi pro tam infi-
nitis bonis ac donis gratias agerent: sed fortis
fortitudinem sibi, non DEO: justus justitiam
sibi, non DEO: dives divitias sibi, non DEO
acceptas ferrent. Quod conspicuo Nebucho-
donosoris Regis Babylonis exemplo facile pro-
babimus, si res postulat. Is enim non DEO,
sed sibi ipsi adscribit regni sui splendorem &
amplitudinem: dum imprudens in hac erum-
pit verba: Nonne, inquit, hæc est Babylon
magna, quam EGRO edificavi in domum re-
gni, in robore fortitudinis MEÆ, & in gloria
decoris MEI: Sed cum adhuc sermo esset in
ore regis, vox de cælo ruit: Tibi dicitur Ne-
buchodonosor rex: Regnum tuum transibit à
te, & homines ejicient te, & cum bestiis & feris
erit habitatio tua: fœnum quasi bos comedes,
& SEPTEM tempora mutabuntur super te,
donec scias, quod DOMINETUR EXCEL-
SUS IN REGNO HOMINUM, & cui-
cunque voluerit, det illud. Dan. cap. 4. Quale
quæso

quæso hoc regnum erat, Israëliticumne siue fidelium electorum DEI? an verò Babylonicum ac infidelium ethnicorum? Maxime infidelium, in quo tamen nihilominus dominabatur EXCELSUS. Dominari autem dicitur Dominus in regno hominū, quod idē est ac dominari in hominibus regno præfectis. Ex quo meridiana luce clarius patet, virtutē Theologicam & Ethicam, fidelium & infidelium, ratione essentiali & originis non invicē differre, sed ab uno eodēq; autore, nempe Deo proficisci: fidelibus autē in salutē, infidelibus verò & ingratis cuculis in iudicium & eternā condemnationē cedere.

Hinc facile elucescit discrimen inter Ethicam Hermeticam, quam potius Christianam appellare fas est, & inter Ethicam Peripateticam siue paganam. Hermetica siue Christiana agnoscit DEUM, unum omnium virtutum authorem, ad eundemq; colendum, tanquam ad finem ultimum refert omnium quoq; virtutum actiones. Peripatetica verò siue pagana in virtutibus excolendis, non DEI benedictione, sed proprijs nititur viribus, quod fundamentum est falsissimum, finemq; similiter spectat spurium & adulterinum, gloriā videlicet

videlicet vanam & inanem. Et quod mi-
ror, hic paganismus nondum exolevit in
Christianorum scholis, sed tanquam pars Phi-
losophiæ summoperè necessaria, excolitur.
Ex quo si nulla capitur utilitas, ejus Professores in
Academijs hanc capiunt solam, ut con-
scribant theses Ethicas, quas defendendas ob-
trudunt studiosis, a quibus postea amplum ali-
quod expectant honorarium: quale non ita
pridem quidam de liberalitate disputans,
præsidi suo pro præsidio exhibuit, viginti ni-
mirum aliquot thalerorum imperialium.
quam liberalitatem ut summoperè in hoc lau-
davit præsides, sic vicissim alios vituperavit, qui
minus obtulerant. Hac scilicet à professione
Ethices emanat utilitas, ut Doctores nunc
questum ex ea faciant: sed dum illi leges &
præcepta virtutum alijs præscribunt, sibiipsis
non cavent, quin interim in horrenda vitia,
in avaritiam nempe, & similia plura, impru-
denter incurrant. Quod si quis præter enume-
ratam utilitatem, & hanc intrudere conc-
tur, quod nimirum Ethices præcepta pluri-
mum inserviant studiosæ juventuti in mo-
ribus externis informandæ; tunc huic telo
oppo-

oppono unicam pietatem, quæ utilis est ad omnia, habens promissionem tam presentis, quàm secuturæ vitæ. In hac una si benè erudiantur, & proficiant adolescentes: tam externorum quàm internorum morum elegantia, vitæq; integritate præstantissimi evadent. Valeat igitur cada verosa illa & emortua Paganorum Ethica, cum Christiana nostra è vivis divinitatis fontibus profecta, nos non tantum secularis felicitatis in hoc mundo, sed æternæ etiam beatitudinis in secutura vitæ, participes efficiat. Hujus namq; virtutes fiunt ex fide vera in Christum, sine qua nemo hominum DEO placere, aut salvari unquam poterit. Sin verò quis iterum hîc inferat, quasi Ethicam cum Theologia confundam: sciat is me non authorem esse tantæ affinitatis, vel potius identitatis in utraq; scientia, sed ipsam æternam DEI sapientiã, à qua tanquam a centro emanarunt omnium scientiarum, artium & disciplinarum radij, & rursus in eandem quæq; tanquam in idem centri punctum collimant simul omnes: ita ut quascunq; scientias hominum curiositas & superstitio disjunctit & divisit in Theologiam, Ethicam, Jurispruden-

prudentiam, Politicam, Physicam, Logicam,
Astronomiam, Cabalam, Magiam, Chymiam,
& alias plures: hæc omnes complectitur sub
se unica Philosophia Hermetica sive Christia-
na: quæ una unico æternæ veritatis funda-
mento, firmo & immoto stabilita, plures qui-
dem in aspectum externum producit, quæ tamē
omnes in idem redeunt principium internum.
Omnia namq; ab uno, & omnia ad unum.
Hinc D. Paulus recte & Christianè philosopha-
tur, inquiens: Divisiones sunt gratiarum, i-
dem autem spiritus: Et divisiones ministrati-
onum sunt, idem autem Dominus: Et divisio-
nes operationum sunt, idem autem DEUS, qui
operatur omnia in omnibus, 1. Cor. 12. Redite
ergo in viam o pagani Philosophi, & DEO
reddite gloriam, non vestræ inani Philosophiæ,
per quam ne seducamini, fideliter vos admonet
idem Apostolus. Abdicare falsas de virtutum
habitu comparando persuasiones: DEUM o-
mnium donorum & honorum authorem, assi-
duis exorate precibus, ut vobis mittat intelli-
gentiæ & sapientiæ spiritum, qui vos in veri-
tatis hortum, sanctis & angelicis virtutum
flosculis fragrantissimum deducat: in quem se
B intromis-

intromissi fueritis: oculi vestri aperientur, & pulsus errorum tenebris, videbitis philosophica lucis claritatem, in qua postea pijs votis & meditationibus pascetis oculos vestros: suavissimâq; spiritualium melodiarum consonantia, harmonicoq; concordie concentu unanimes, TE DEUM LAUDAMUS cantabitis, & remotis tandē cunctis inanibus & frivolis disputationibus, etatem invicem in pace transigetis.

Transeamus nunc ad Physicam, alteram Philosophiæ vestre partem: quæ quàm fadē ementitis & fictis hominū opinionibus inquinata sit, vel cuius in hac parte leviter initiatopalam est. Hanc non repetitis à primo & vero fonte, qui est Deus, author, conditor, & creator rerum omnium, sed ab Aristotele, quem propterea per excellentiam Philosophum appellatis, quasi is solus sit primus inventor, princeps & monarcha hujus scientiæ. At si Physices principia vera & genuina conferamus cum Aristotelis fictis & commentitijs: tantum discrimen inter utramq; animadvertemus, quantum cælum distat à terra. Hermetici cum Moyse, verè & rectè statuunt, mundum hunc, & quicquid in eo continetur,

netur, conditum & creatum esse à DEO, ex
nulla alia praeexistente materia, quam per so-
lum verbum FIAT. Ut primum enim Deus
dixit: Fiat caelum: fiat terra: facta sunt: ita
ut principium rerum omnium, non investigan-
dum sit aliud, quam solum hoc verbum,
procedens ex ore DEI.

Sed obstat hic quidā nasutuli, dicentes, quod
quamvis abnegari nō possit, verbū Domini esse
causā & principiū rerum omniū, tamen id so-
lummodo intelligendum esse de causa efficiēti,
non autem de causa materiali. Absurdum
enim esse autumant, si quis asserat, hoc VER-
BUM, quod non est nisi flatus, spiritus & an-
helitus essentialis DEI, corporeum, & visi-
bile factum abisse in lignum, lapidem &c.

Sed quā ridicula omniq; explosione dig-
na, hac sit objectio, ex eo constat, quod diffē-
rentia hac inter causam formālē & materialē
locum tantum habeat in rebus artificialibus:
non autem in naturalib. multo minus in opere
creationis. In artificialibus quidem, lignū tan-
quam subiecta materia, ex qua formatur men-
sa, separatū quid est ac diversum à scri-
nario sive artifice, qui efficiētis sive formalis

B 2

causa

causa officio persungitur. In naturalibus au-
 tem materia & forma non separatim quid ex-
 istunt, neq³ ullam in ijs diversitatem quis in-
 veniet, nisi idem velit quoq³ sensuum fideli te-
 stimonio relicto fingere ea, quæ nullus morta-
 liū unquam vel vidit, vel audivit, gustavit,
 olfecit, palpavit. Sed obstinati illi nimis in
 sua opinionis perversitate, non sensuum iudicio
 semper standum esse dicunt: illudq³ Galeni
 placitum, tanquam clypeum æneum huc ve-
 ritati opponunt, quod 2. de simpl. fac. cap. 2. &
 3. author his ferè verbis descriptū habet: Ubi,
 inquit, sensus hebescit, ibi ad rationem cen di-
 viniorē hominis partem deveniendum est.
 Sensus quippe bratis una cum homine commu-
 nis est: rationis autem lucidior ille oculus ea
 percipit, quæ sensus aciem nimis hebescentem
 effugiant. Sed quā sophisticium hoc sit ho-
 minis versatilis inventum, quo quidvis pro-
 bare, quidvis etiam diluere proclive sit homini
 impudenti: facile percipiet is, qui recto valet
 iudicio, & vel tantillum in veritatis lumine
 versatus est. Videamus igitur, quomodo A-
 ristotelis principia physica cum Hermeticis con-
 veniant. Diximus, principium omnium re-
 rum

rum creatarum fuisse unicum DEI creantis
verbum: quod essentialiter ex ore DEI ema-
nans, adhuc inseparabiliter rebus omnibus in-
hæret, illas conservat, & vivifico suo vigore
ad novam iteratamq; generationem continuè
à primo creationis puncto usq; permovet, & in
seculi usq; consummationem permovebit. Ari-
stoteles non ex ore DEI, sed ex vertiginoso suo
& insipido cerebro proponit tria principia, ma-
teriam, formam & privationem. Materiam
videlicet informem: & formam immateri-
atam. Privationem autem dicit esse tertium
principium, quod concludat duo in sese: nega-
tionem formæ introducendæ, ne prius sit res,
quàm fieri incipiat; & aptitudinem ad illam
recipiendam, quæ dynamis seu potentia est. Sed
mera somnia mihi videntur narrare Peripa-
tetici, quoties ejusmodi fabulorum & sterili-
um principiorum mentionem faciunt: imò ma-
jorem certitudinem tribuo somnijs, quibus in-
terdum utcunq; eventus respondet, quàm illis
principijs.

Si enim verum est hoc axioma philoso-
phicum ejusdem Aristotelis, ut ipsemet non du-
bito verissimum esse: Nihil videlicet cadere

in sensum, quod non prius fuerit in mente: nihilq. verè existens in mente esse, quod non cadat in sensum: si, inquam, hoc verum est, falsissimum e contra & mendacissimum, erit hoc de tribus principijs commentum. Quis enim unquam tam acuto sensu præditus fuit, ut p- tuerit vel oculis, vel lingua, vel reliquis sensuum organis comprehendere materiam, sine forma, aut formam sine materia. Sed, inquires, ubi sensus hebescit, ibi ad rationem veniendū est: scilicet idem est, ac dicas: ubi veritatis lux non illucescit, ibi ad mendaciorum diverticula fugiendum est. Hinc emergit manifestum discrimen inter Physicam Hermeticam & Peripateticam. Ut enim illa à patre luminum, nempe à DEO desuper hominibus fidelibus donatur: ita hac à patre tenebrarum & mendaciorum, cacodæmone nimirum, infidelium turbe, Aristoteli scilicet & ejus affectis insusurratur. Quamvis autem cogantur Peripatetici nolentes volentes fateri primum ac supremum motorem esse Deum: tamen gloriam DEI non querentes, id rursus negant per traditionem suarū fabularum de dictis illis tribus principijs & de æternitate mundi. Dolendum sanè est, tam

tam infirmo ac debili Peripateticorum fundamento superextrai, tam elegans ac pulchrum physices ædificium: quod ex falsis & adulterinis principijs, corrumpi quoque & depravari necesse est. Dato enim uno inconvenienti sequuntur innumerabiles falsæ conclusiones. Quod cum maximo suo damno prohi dolor experiuntur Naturalis Philosophiæ studiosi: qui de causis physicis disputantes perpetuis incertitudinis fluctibus agitantur, adeo ut nusquam locum inveniant, quò pedem tutò figere possint. Nihil dicam de medicina, his iisdem suffulta principijs, qua nulla artium incertior ac mendosior sub Sole existit. Theologi quoque hujus calamitatis consortes, ex horum principiorum falsitate, in plurimas hætenus inciderunt absurditates & errores, quos facile evitarent omnes quarumlibet scientiarum ac disciplinarum alumni, si spretis ethnicorum fabulis, Hermetice & solè veræ Philosophiæ operam suam addicerent. Credite mihi, inter Hermeticos Philosophos (loquor de veris, non de Sophistis & Pseudochristianis) nullum in scientijs & artibus dissidium aut dissensionem unquam fuisse, nec in æternum fore.

In unico enim veritatis centro, quod simplex, stabile, & immotum semper manet, conveniunt omnes.

Tandem adhuc videamus reliquam vestrae Philosophiae partem, Logicam videlicet, siue Dialecticam: quae definitur esse ars bene differendi, ratiocinandi, argumentandi, verum à falso discernendi, disputandi, disceptandi, vel potius rixandi, altercandi, controversas excitandi, lites spargendi, excitas & iras pertinaciter & petulenter fovendi, rarissime easdem componendi: dubia proposita frigide & jejune, vel vix & nunquam solvendi, & denique in salebroso incertitudinis labyrintho perpetuo versandi. Hac enim arte in utramque partem, ut vocant, pro & contra disputandi in usum vocata, tot infinitarum opinionum portenta in lucem prodierunt, quae alias suo tenebrarum pulvere obiecta diutius latuissent, nisi horum auctores tam speciosis probabilium, hoc est, incertarum, infirmarum, fucatarum, non verarum, ac falsissimarum rationum armis freti in quamvis disputandi arenam descendere se animose quidem, sed satis proterve ac impudenter obtulissent. Vis scire, unde

tot schismata in Ecclesia sint orta. Solo dialecticorum sive disputatorum, vel potius hominum contentiosorum & litigatorum vitio: qui arte bene differendi inflati, in ambitionem & glorie cupiditatem inciderunt. Ambitio verò excitavit novam opinionem. Nova verò opinio peperit dubium. Dubium Syllogismos. Syllogismi pro & contra disputandi libidinem & emulationem. Aemulatio contentionem. Contentio discordiam. Discordia verò schismatum proxima causa, est à Diabolo. Pax verò & concordia à DEO. Ergo omnes Theologi seditiosi, rixosi & contentiosi sunt à Diabolo, & ejus ministri. Pacifici verò & concordie amantes, à DEO, ejusq. fideles servi. DEUS enim noster, non dissensionis DEUS est, sed pacis. 1. Corinth. 4. Sed dices, has ultimas enumeratas Logices proprietates, non legitimo artis usui, sed ejusdem abusu adscribendas esse: quem si spectare quis vellet, posset pari ratione arguere, ceteras artes omnes non solum reprehendendas, sed è medio penitus tollendas esse. Rectè sanè occurrìs abusu prætendendo: in quo quidem ambo in eandem inus sententiam. Nihil enim magis

B s ipsemet

ipsemet improbo ac detestor, quàm malum rei
 usum. Sed opinionum diversitatem tantum
 in eo habemus: quod ejusmodi abusus originē
 aliunde, quàm mea fert sententia, derives.
 Existimas enim artem, quam ex Aristotelis
 aliorumq; authorum voluminibus hausisti,
 per se esse bonam & laudabilem: abusum au-
 tem ejusdem supervenisse petulantum quorū-
 dam & sceleratorum hominum malitia. Ego
 verò contrà primario artem ob culpam ipso-
 rum authorum, jam vitiosa imperfectionis
 (omne enim donum imperfectum est à Diabo-
 lo: perfectum solum à DEO: ut Paracelsi do-
 cet Symbolum) veneno infectam & deprava-
 tam esse affirmo: adeò ut idem venenum in ar-
 tis cultores derivatum, tantæ abusionis pestem
 introduxerit. Clarius hoc patebit, si artem per-
 fectam & sinceram, cum imperfecta & con-
 taminata conferamus. Contraria enim sibi in-
 vicem opposita magis elucescunt. Perfecta ni-
 hil aliud est, quàm impressio radiorum divino-
 rum, quorum vis sola, nulla librorum scripto-
 rum, aut axiomatum, dialecticorum ope,
 Philosophus rectè ratiocinatur, & verum
 à falso discernit. Liber autem in quo con-
 scrip-

scripti isti radij reperiuntur, est multò major, quàm, ut tam angustis Logices carceribus includatur. Est enim abyssus divinitatis, in quo infinitus rationum, apodicticarum, certarum, firmarum, verarum, ac planè irrefutabilium thesaurus viget. Ex his locis si Philosophus argumentum, aliquod sumserit: certam utiq; & infallibilem inferet conclusionem, contra quam omnes paganorum colonie non prævalebunt. Imperfecta autem & corrupta Logica, est solummodo mancum mutilumq; curiosorum hominum inventum, qui totum hoc universum, cælum, & terram, DEUM, angelos & homines, occulta, & manifesta, certis & paucis quibusdam regulis ac locis Dialecticis, ut vocant, comprehendere temerario ausu conantur. Quid enim ineptius vel auditu absurdius excogitari potest unquam, quàm ex tam strictis & fictis Logices cancellis, ratiocinari velle de infinita DEI majestate & potentia, tam in verbo suo, quàm in natura, partim manifestata, partim non manifestata. Infinitum enim perscrutari nemo potest per finitum, sed

sed per infinitum. Quod autem ut fiat, non ad organum Dialectices finitum, sed ad fontem infinitatis, DEUM nempe ipsum, omnium artium authorem recurrendum erit: qui solus ex inexhausto & infinito suae benignitatis scrinio, petentibus & fidelibus suis liberalissime largitur spiritum discretionis inter verum & falsum, adeo ut de quavis questione proposita, rectum & inculpatum ferre queant iudicium. Cum e contra pagani, certis axiomaticum limitibus in nimiam coacti angustiam, de rebus iudicandis timide admodum pronuncient, & è mille propositionibus, vix unam veram & stabilem, qua non levissimo quovis rationum momento everti possit, proferant. Hinc nempe fundi istius calamitas, quod disputantes, copia rerum superati & confusi, in tot inextricabiles errorum syrtes precipitentur. Quomodo enim inde pedem retrahant, cum canonum locorumque penuria pressi, quò se vertant, amplius nesciant. Ne autem idcirco videantur indocti & artis rudes, nominis sui & existimationis salutem quarunt rixis & altercationibus: ex quibus postea prolabantur in convitia & calumnias: sicque continuata serie de vitio in vitium

vitium progrediuntur. Vides ergò abusum
Logices primariò adscribendum esse vitiosæ
artis inventoribus: secundariò verò horum
affectis & sectatoribus, qui nimio paganorum
suorum præceptorum amore excacati, verita-
tis lumen minus inspicunt, sed ita antiquam
illam erroris cantilenam cum ipsis canere per-
gunt: nec ab instituto desistunt, priusquam
Mosaicam vel Hermeticam scholam ingressi
discant, omnium artium & disciplinarum stu-
dia vana esse & irrita, nisi à D^E illarum
unico authore inspirentur, & ejusdem favore
& benedictione foveantur & conserventur.
Sed non absurdum Davidicum illud Psal. 13.
in modernos Peripateticos & paganos usurpare
nunc licet: Ubi scriptum legimus: Omnes
declinaverunt simul inutiles facti sunt: Cor-
rupti sunt, & abominabiles facti, non est, qui
faciat bonum, non est usq; ad unum. Ac
licet ex tanto numero vix unus atq; alter ve-
ritatis lumine irradiatus resipiscat: vix ta-
men palàm id profiteri audet, sed ex metu reli-
quorum Phariseorum, hominum fanatico-
rum, cogitur tanquam alter Nicodemus no-
ctu, hoc est, in occulto sua artis negotia tracta-
re,

re, nisi velit audire hereticus, magus, exorcista, sophista, Ramista, Paracelsista, Alchymista, etc.

At sufficit his generatim tantum ostendisse differentiam inter Philosophiam Hermeticam sive Christianam, & Peripateticam sive paganam: ac breviter simul originem, causam & principium utriusq. lectoris iudicio subiecisse. Qui ex veritate est, inquit ipsa veritas, Salvator noster Christus, vocem meam audit: qui vero amat mendacium, in via sua, antequam dimidium mundani absolvat itineris, miserè peribit. Resipiscite o pagani philosophi: paganisimum illum vestrum in Philosophia DEO & omnibus bonis abominabilem exuite, & Christianisimum verum induite: hunc non ore tantum profiteamini, sed re ipsa & factis ostendite, ac cogitate, quod ratio unicuiusq. verbi otiosi sit reddenda. Quæ autem major vanitas, quàm sectari & defendere paganorum deliria, quæ tot manifestis abundant nugis ac mendacijs, ut in illorum scriptis vix occurrat unica pagella, quæ non totidem errores, quot lineas atq. verba contineat, adeò ut ijs emendandis una litura sufficiat. Hæc itaq. de inspiratione divina, tanquam præcipuo artis capite, paullo

paullò fusiùs ab initio tractare volui, ut lecto-
rum animi hoc Hermetis exemplo pellekti, pri-
mo statim limine aptiores redderentur ad ea,
quæ sequuntur, per vestiganda & cognoscenda.

Quemadmodum autem in hortulano, cæli
clementia & astrorum influentia non sufficiunt
ad plantulas suas fovendas & educandas, nisi
diligens quoque accedat soli agrig, cultura: ita
Philosophus vix aut nunquam dignabitur in-
spiratione illa divina, nisi animũ debito modo
preparatum & instructũ adferat. Preparatio
autem huiusmodi in duobus potissimum officii-
nis perficitur. In oratorio videlicet & labora-
torio: quorum quodlibet proprijs & peculiari-
bus utitur instrumentis. Oratorij præcipue
hæc sunt: Preces, orationes, vota, gemitus, &
suspiria, incessabilia ad DEUM opt. max. I-
tem studium, diligentia, industria, assiduitas,
indagatio & frequens meditatio in libris Bi-
bliorum & Naturæ. Laboratorij autem in gene-
re ferè sunt carbonēs, furnus, forceps, vas, follis,
& huius generis infinita alia, quæ omnia sin-
gulatim recēdere nimis longũ foret. His paucis
tantũ in laboratorio rectè aptatis, igneq, tum
in furno philosophico, tum in pectore pie accēso,

art.

artifex tam demum DEI imploret auxilium, nec cesset ab instituto: donec voti compos, expectatam certamq; DEI benedictionem experiatur: non secus ac ipse Hermes, qui post varios labores, divinam sibi gratiam contigisse, liberè ac ingenuè profitetur, dum inquit: Anima non peperci à labore, & hanc scientiam solius DEI vivi inspiratione habui, qui mihi famulo suo pandere dignatus est.

HERMES.

VERum rationabilibus judicare vim rabitrandi tribuit, sed nemini occasionem delinquendi reliquit.

SCHOLIUM.

DEUS hominem à ceteris animantibus ideò distinxit, ut ratione præditus ceteris creaturis præesset, & cuncta suo dominio subderet. Hæc autem rationis vis nihil aliud est, quàm portiuncula sive scintillula quedam divinitatis spiritus invisibilis, sive spiraculum vitæ, quam inspiravit DEUS in faciem hominis, & fecit hominem in animam viventem, Gen. 2. In hac rationis luce vult DEUS, ut pie & sapienter ambulemus; & in lege ejus
tum

tum scripta, tum per Naturam & Creaturam nobis revelata meditemur die ac nocte.

Adam quidem Protoplastus in ea luce, qua ante lapsum perfectè ornatus, præ cæteris omnibus creaturis, sicut Sol inter astra, fulgebat, tanquam in lucidissimo speculo contemplabatur omnia mirabilia DEI. Sed quia post transgressionem legis, hoc rationis lumen in posteris ejus, à prima sua perfectione & claritate multum defecit: ad hujus instaurationem sese ultrò obtulit filius DEI Christus Jesus, qui nobis fidelibus suis factus est in animam vivificantem, spiritualem, cælestem. Hac anima in nobis, tanquam media natura, duce, cooperante simul sacrosancto gratiarum ac donorum flamine, rursus à somno ignorantia, improbitatis & mortua Philosophia resurgentes, & in latissimum scientiæ, sinceritatis, & vivæ Philosophiæ campum excurrentes, in eoq; strenuè & assiduè nos exercentes, meritò gloriari possumus, quod in reparata rationis Luce, & in vjs Domini, prout decet sapientes, fideliter ambulemus. In hac enim luce si ambulaverimus, voluntati divinæ minime reluctabimur. DEUS, autem, ut

C

Her-

Hermetus est sententia, hanc libertatem siue arbitrium philosophandi homini permisit. Contra verò nequaquam DEI voluntas est, ut homo peccatorum vitis se polluat, aut qualemcung, delinquendi occasionem oblatam arripiat. Hostis enim peccati insensissimus est, nec impune abibit ullus, quicumq, peccatorum domino obnoxius, frena nimis laxata nō inhibet.

HERMES.

EGo autem nisi iudicii diem, aut animæ damnationem, ob absentionem huius scientiæ metuerem, nihil de hac scientia patefacerem, nec cuiquam prophetisarem. Volui verò debitum fidelibus reddere, uti author fidei mihi largiri dignatus est.

SCHOLIUM.

Si cui dubium est de Philosophia Hermetica, num Christianismo conformis sit, nec ne, huic relata modò verba dubitationis istius scrupulum mox excutient. Quæ enim maior possit esse affinitas & cognatio, quæ propius accedat ad Christiani hominis veram notam, quàm qualis ex his Hermetis verbis percipitur. Mandatum enim habemus, ut DEUM diliga-

[mte]

mus ex toto animo, & omnibus viribus, & proximum sicut nos ipsos. Author DEUM tanta cum reverentia & timore amat, ut, nisi in amore & timore ejus constans persistat, vereatur, ne reus fiat judicij æternæ damnationis. Proximum autem non aliter ac seipsum, fidei etiam amore prosequitur in eo, quod communem scientiæ suæ socium illum reddere percipiat: quod utiq; nunquam in animum induxisset suum, nisi extremi judicij terror & DEI ac paucorum fidelium amor animum ejus inflexisset. Sed quares forsân, quænam sit hujus tenacitatis in arcano isto revelando causa? impietas nempe hominû, quorum plurimus numerus indignus est, ut in sacrariû Philosophia intromittantur: propter hos nimirum, inquit, nihil se patefacturum fuisse: sed quia ex tanta impiorû & sceleratorû hominum multitudine, DEUS semper in quibusdam quantumvis paucissimis reliquit semen Philosophicæ pietatis: propter hos paucos dicit, se rationis legem sanctè servaturum: hisq; eandem scientiam, quam à DEO revelatâ impetravit, literis ita consignatam tradituram: ut nihilominus non nisi digni doctrinæ filij.

filij, ad quos, ut mox audiemus, hunc sermonem instituit, verum inde sensum elicere possint.

HERMES.

INtelligite filij sapientum præteritorum Philosopherum, non corporaliter, nec imprudenter 4. elementorum scientiam, quæ sunt patientia suis rationibus, & cum sua abscondita operatione. Est enim eorum occulta operatio. Nam nihil agit, nisi componatur, quia non perficitur, nisi prius sui colores peragantur.

SCHOLIUM.

Compellat author filios sapientum, hoc est, discipulos artis dignos, pios, & electos. Non enim omnes, qui se dicunt filios doctrine, in intima artis penetralia introibunt. Sunt enim pauci, quos Jupiter æquus amavit. Frustrà igitur conantur, huic sese arti ingerere, qui natura sua ad hanc minus apti sunt. Eundem enim eventum tandem experiuntur, qualem plurimi monachorum experiri solent: qui dum pueri adhuc, de naturali inclinatione
non

non satū constantes inconsulto quodam zelo in
canobia ingrediuntur, adulti verò ad ingenium
redeuntēs, longè ad diversa feruntur studia.
Hinc vitā monasticā exosi, monasterijs valedi-
cunt, exeunt, discedunt, erumpunt, evadūt sitq;
sepenumero ex monacho machus, ex raso Thra-
so, ex religioso agaso. In idem turpitudinis
barathrum incurrunt quoq; ii, qui ultra genij
& ingenij vires se insinuare conantur huic
profundissima scientia: post varios enim labo-
res, frustra susceptos & insuitos, de summo
artis fastigio assequendo desperantes, mirabili
quadam metamorphosi fiunt tandem ex Philo-
sophis sophista, ex medicis medicastri: quorum
hodie ingens numerus ubiq; locorum occurrit:
qui multivarijs constructis fornaculis, dies ac
noctes coquendo, distillando, extrahendo, (vel
potius expilando nummos putā ex proprijs &
alienis oculis) subtiliando, incrassando, sum-
maq; imis confundendo, magnum medicamen-
torum Chymicorum, ut vocant, acervum sibi
comparant, sibiq; multum in vano isto labore
sapere videntur: ac nisi manifesta reclama-
ret experientia, multis equidem, nec non do-
ctis ac eruditis sua persuaderent garrulitate.

fatida sua. stercora esse meros ficos dulces & suaves. Ex Chymicis autem vulgaribus, neq; adeo doctis sunt Chyrurgi, balneatores & circumforanei: Ex deploratis verò & desperatis Alchymistis impostores, fures & furciferi, quorum non pauci nostra quoq; aetate, paribulo suspensi & suffocati vitam misere finierunt. Ergo

Tu nihil invita dices faciesvè minerva.
 Observavi frequenter in colloquijs, cum huiusmodi farina hominibus institutis, ipsos neglecta omni scriptorum Philosophicorum lectione ac meditatione tantum in ore habere nummos: nummos loqui, nummos somnare, nummos vigilare. Ex quibus nonnulli tanta aviditate auri argentiq; corradendi tenentur, ut non homines, sed lupos referant famelicos, qui octo pluriumvè dierum inedia emaciati, escam ex rapina oblatam, ardentissimo deglutiendam stomacho appetunt. Ejusmodi lupi voraces & Chrysophagi longè ab arte arcendi sunt, utpote quos voluntaria Philosophorum paupertas non agnoscit pro genuinis discipulis, sed pro spurijis, è regno Philosophiae procul hinc in exilium relegandis, nec in aeternum nisi sorte resi-

respiciant, revocandis. Ridet enim Natura (inquit doctissimus Severinus) avaras spes: ac multo tolerabilior est in Philosopho imperitia, quam avaritia: tolerabilior item ignorantia, quam intemperantia & luxuria. Decet enim Philosophum esse virum pium, probum, constantem in dictis & factis, firma fide in Deum, prudentem, & nullius rei avarum, præterquã sapientie.

Præmissis igitur his, quæ præcipuè in vero artifice reperiuntur, Hermes nunc orditur operis magni descriptionem, quod appellat scientiam elementorum. Ne autem quis putet, illum loqui de clementis, prout ea vulgò in scholis peripateticorum accipiantur: qui elementum ajunt esse corpus simplex, ex quo quidq; primum constituitur; addit hæc duo verba, non corporaliter, nec imprudenter: Si non corporali- ter nec imprudenter: Ergò πνευμαλινῶς ἔν σοφίᾳ, hoc est, spiritualiter & sapienter. Utuntur Philosophi Chymici semper hac licentia in docendo, ut artis vocabula, fingant pro suo cujusvis arbitrio. Nam quidam, principia artis dixerunt esse 4. elementa, terram, aquam, aërem, & ignem, ut hic Hermes noster:

47 DE LAPIDIS PHYSICI SECRETO

alij verò tria tantum statuerunt principia, animam, spiritum, & corpus, ut idem Hermes tibi: vel salem, sulphur, & mercurium, ut Paracelsus: alij duo, agens & patiens: masculinum & feminam: sulphur & Mercurium: alij unum tantum, aquam videlicet Philosophicam. Sed relictâ nominum multitudine, quæ penè infinita existit, artis potius studiosi se convertant ad indagandum noscendumq; unicum istud subiectum, de quo Philosophus hoc versu: Est in Mercurio quicquid quærunt Sapientes. Quia verò rei cardo in eo potissimum vertitur, ut artis discipulus omnium primum, exploratum benè habeat hunc Philosophorum Mercurium: in ejus gratiam, hic proponam figuras aliquas hieroglyphicas: quibus varij Mercurij proprietates & conditiones, quanta fieri potest luce & brevitate, adumbrabo.

I.

Circulus simplex.



Hic

Hic circulus nihil aliud significat, quàm
verum & unicum Philosophorum Mercurium,
materiam primam, aquam Philosophicam pri-
mordialem, simplicem & sine divisione unam.
Nam rotunda circuli figura, carens angulis,
unitatem simplicem denotat. Si quis enim cir-
culum descripserit, neq. principium inveniet,
neq. finem. Ex quo colligitur, hunc eundem
Mercurium esse principium, medium & finem
operis: sine quo qui laborare præsumet, oleum &
operam perdet, & nunquam ad veritatis lu-
cem perveniet.

2.

Circulus duplex.



Gemina circuli descriptio indicat duplica-
tū illum Bernhardi Trevisani Mercurium, agēs
videlicet & patiens: sive sulphur & Mercuriū.
Ac quamvis binarius numerus confusionis au-
thor dicatur, & proinde materie diversitatem
aliquam arguere videatur: nulla tamen plane

C 5

est


42 DE LAPIDIS PHYSICI SECRETO

est diversitas. Ambo enim Mercurij ejusdem sunt originis, ejusdemq; natura & essentie, quod vel ex utriusq; forma circulari facile innotescit. Nihil autem refert, quod interior minor appareat exteriori. Majoris enim perfectionis ac praestantiae id tantum signum est. Res enim quo apparentior, eo quoq; corpulentior: quo vero abstrusior & abditior, eo spiritualior, perfectior & nobilior existit. Minor autem occultatus in majorem agit, eumq; sibi assimilat.

3.

Triangulum Philosophorum triplex.

Sal five corpus.



Eadem est utrobique horum ternorum triangulorum significatio. Sicut enim corpus & anima: sal & sulphur non possunt invicem conjungi, & per minima uniri, nisi mediantibus spiritu & Mercurio: sic quoque Luna & Sol procreare non possunt sobolem sibi similem, nisi mediante Mercurio, qui loco seminis elicitur ex amborum corporibus, inque terræ centro tanquam proprio vase digeritur & perficitur. Hoc autem centrum est in quovis triangulo vel punctum illud medium, vel numerus unarius, vel circulus iste medius. In secundo vero circulo observanda quoque est numerorum multiplicatio denaria. Non enim fit progressus ab unario ad centenarium & millenarium, omnium numerorum ultimum & perfectissimum numerato enim millenario, non datur alius numerus: sed per hunc fit progressus in infinitum, nisi per denarium. Nam, ut ait author libri, qui inscribitur Aurora consurgens cap 2. Decem in Decem respondent.

4.

Quadrangulum secretum
sapientum.

Terra

44 DE LAPIDIS PHYSICI SECRETO
TERRA




Hac in figura manifestè declaratur scientia
elementorum, de qua Hermes agit in hoc capi-
tulo. Rectè igitur Aristoteles Chymicus ait: Di-
vide lapidem tuum in quatuor elementa, recti-
fica ea, & conjunge in unum, & totum habe-
bis magisterium. Hoc unum, in quod redigenda
sunt elementa, est circulus ille exiguus, centri-
locum in quadrata hac figura obtinens. Est e-
nim is mediator, pacem faciens inter inimicos
sive elementa, ut convenienti amplexu se invi-
cem diligant: Imo hic solus efficit quadraturam
circuli, à multis hætenus quæsitam, à paucis
verò inventam. Radijs enim suis ferit omnes
elementorum angulos, & longa circumrotatio-
ne angularem hanc quadraturam formam vertit in
circularem sibi conformem: de quo satis.

5.

Anatomia magica vocabuli
MERCURIO.

He



Haec tres figurae eodem significato unum ta-
cite pandunt arcanum, quod non promiscue
cunctis prostituendum.

Sufficiat tibi Lector, quod elicere inde possis
veritatem istius versiculi:

Est in MERCURIO, quicquid quaerunt sapientes.
Vides enim, quanta secreta comprehendat haec
unica vocula: adeo ut sagax indagator, modo
literalem hanc anatomiam in essentialem con-
vertere

vertere noverit, ex illa dictione omnia ad artem Chymicam necessaria, h. e. principium, medium & finem operis magni, facile eruere queat. Majora autem magisq; stupenda perficiet, si centralia ista tria interius adhuc occultè latentia, punctum videlicet, numerum octonarium, & circulum, in apicem Solis sive in lucem externumq; aspectu produxerit. Hoc enim miraculosè perpetrato, sequens tandè schema prodibit ultimum, omniq; perfectione astrali, spiritali ac regali absolutu: a pluribus hætenus visu: vix autem à millesimo intellectu.



Cognito itaq; Philosophorum Mercurio, occultum operandi modum Hermes in sequentibus indicat verbis. Nihil agit, inquit, (puta Mercurius) nisi componatur. Rationem hanc addit, quia non perficitur, nisi prius sui colores peragantur. Sed quid aliud innuit autor per colorum signi-

significationē, quā operis totius complemen-
tum a principio ad finē usq. Non enim fit tran-
situs de uno extremo ad alterū, nisi per mediū.
A primo itaq. colorum, opus incipiendum, h. e.
Mercurius per se perfectus nihil agit, neq. pro-
dest quicquam in opere Alchymico, nisi mortifi-
cetur. Granū enim tritici, nisi in terrā cadens
putrescat, nullum fert fructū, sed solum manet.
Eodem modo Mercurius suam in terram proje-
ctus, novum generationis vigorem recipit Ru-
sticis enim notū est, quod quævis semina quā-
vis aresacta & semimortua videatur, si rursus
mandentur suæ terræ, in secundum resusciten-
tur vigore, & pro fatali cuiusvis seminis con-
ditione & interna naturaliq. scientia totū re-
generationis opus ad finem feliciter perducant.
Terra enim matricis sive uteri, vasisq. rei ge-
neranda idonei vicem gerit. Estq. terra nostra
adhuc virgo, quæ nullius viri consuetudine fæ-
data supercælesti quodam modo concipit Pura
enim cū sit, omnisq. labis ac maculæ expers, si-
mile quoq. semen purū & immaculatū concipe-
re gestit. Quicquid enim seminaverit homo, hoc
& metet. At quāvis hoc quod seminatur sit per
se simpliciter perfectum, in eo tamen s. n. pluri
per se.

perfectionis statu non permanet, sed per nostrā
 putrefactionem solvitur & corrumpitur. Est
 autem corruptio hac non ad speciei interitum,
 sed ad ejusdem conservationem, & ad mayo-
 rem perfectionē eidem inducendam. Legimus
 de tribus Magis, qui ab oriente ad Christum ve-
 nerunt, quod tres fuerint reges, procul aubio
 potentes satis & opulēti. Hi licet regna pro hac
 vita simpliciter sustentāda satis ampla & spē-
 dida possiderent: de alio tamen regno non ad
 centum annorum numerum, sed in sempiterna
 usq; secula duraturo sunt solliciti. Quod ut im-
 petrent, adeunt regem omnium regum, cumq;
 ante pedes prostrati adorant. Quod nisi fecis-
 sent, suis regnis simplici illo mundano & caduco
 splendore nitidis frui, quidē potuissent, nunquā
 verò illa terrena ac momentanea cum cælesti
 aeterno permutassent. Quemadmodum i-
 gitur his Magis, primum instrumentum
 & quasi clavis ad aeterna salutis portam,
 aperiendam, fuit animi submissio ergā Re-
 gem cælestem, cujus potestas infinita, est:
 ita, primus in arte gradus est Mercurij,
 per se simpliciter perfecti solutio, & in
 terra sua Philosophica putrefactio:
 quam

quam postea sequitur digestio & concoctio continua: donec omnes colores appareant.

HERMES.

SCitote filij sapientum, quod prisco-
rum Philosophorum aqua est divisio,
qua dividit ipsam in alia 4. Vnam duo-
bus, & tria uni: quarum colori tertia
pars est, humor scilicet cum coagulan-
ti: duae vero tertiae aquae sunt pondera
sapientum.

SCHOLIUM.

Quod supra author elementorum scienti-
am appellavit, nunc Philosophorum a-
quam nominat. Hanc in quatuor partes
dividendam ait: nempe unam partem in duas:
tres vero partes uni addendas. Ex quibus o-
mnibus conjunctis septem inde partes, tanquam
sparsim in verborum contextu disseminata re-
sultant. Unum enim & duo faciunt tria:
Tria & unum, quatuor: Hunc quaternari-
um si addideris priori ternario, conficies septe-
narium. Colorum autem differentias dividit
in duas tertias, hoc est, in tres rubeos spiritus,
& in tres albos. Spiritus autem hos, primum

D

ab

ab unica Philosophorum aqua ortos, & in eandem resolvi posse, certum est. Ita ut similiter inde ceruatur numerus ille septenarius per additionem unitatis, quam supplet aqua. In his autem numeris tacite occultari sapientum pondera auctor non obscure astruere videtur, præcipue in septenario, qui numerus sacer habitus fuit antiquitus, utpote in quo plurimum sapientiæ sit reconditum: sed vim & virtutem ejus mentis oculis contemplari debes. Vulgaris enim hic oculus, teste Joanne Dee Londinensi, caligabit diffidetq; plurimum.

HERMES.

Accipe de humore unciam unam & mediam, & de rubore meridionali, id est, anima Solis, quartam partem, id est, unciam mediam, & de Seyre citrino, similiter unciam mediam, & de auripigmento dimidium, quæ sunt octo, id est, unciæ tres. Scitote, quod vitis sapientum in tribus extrahitur, ejusq; vinum in fine triginta peragitur.

SCHOLIUM.

Pergit

Pergit Hermes sapientum pondera ulterius explicare, adductis varijs nominibus. Humor enim, Rubor meridionalis, Anima Solis, Seyr citrinum, Auripigmentum, vitis sapientum, & vinum nihil aliud significant, quam aquam Mercurij septies distillatam: quæ post octenam destillationem, vi ignis vertitur in cinerem sive pulverem subtilissimum: qui ob puritatem & perfectionem suam igni resistit. Ne igitur mireris, quòd octo partes & tres uncia equiparentur: Ternarius enim numerus, qui etiam per trigesimarium repetitur, æquè perfectionis nota est, ac octonarius secundum illud tritum: Omne trinum perfectum.

HERMES.

Intelligite igitur operationem; decoctio ipsum diminuit: tinctura ipsum augmentat, quia Luna post 15. dies diminuitur, & in tertio augmentatur. Hoc igitur est initium & finis.

SCHOLIVM.

Sunt qui operationem lapidis dividunt in duas partes; in priorem & posteriorem.

D 2

Prior

Prior, quam Hermes exprimit per decoctionis nomen, ipsum diminuit, hoc est, lapidem in simplici suo ac naturali perfectionis statu existentem solvit ac destruit: solutum & corruptum per regenerationis medium pristino perfectionis splendori restituit. Quo peracto, incipit posterior operationis pars, cuius beneficio lapidis virtus, maximo cum favore multiplicatur in infinitum. Hoc confirmat author exemplo Luna, quæ post 15. dies, suæ scilicet plenitudinis, diminuitur: & in tertio, videlicet quadrato, rursus incrementum sumit. His paucis totum comprehenditur opus, ac tam initiū, quam finis tō & egvōti aperte satis detegitur. Sed non mirum videri debet, quod tam arduum & magnum secretum tanto sermonis lacinismo possit explicari: cum quidam reperiantur, qui propter simplicem decoctionis viam, quæ in opere adhibetur, non verentur asserere, totum opus posse tribus tantum verbis perfecte & sufficienter edoceri. Sed non statim in censu Philosophorum habendus est, quicumque tam facili & compendiosa via, in artem intraverit. Nullum quod memini extat exemplum in historijs Chymicis, quo probari possit, aliquem

aliquem aliquando fuisse, qui hoc pacto artem edoctus, in Philosophum statim evasisset. Eodem enim modo, & quilibet rusticus Philosophi titulo salutandus esset, qui, licet perspectum habeat modum, agrum bene colendi, in tempore seminandi & metendi, ignorat tamen internum, & precipuum frugum maturandarum motorem: quo ignorato nemo se Philosophie peritum, nisi forte quidam audaculus, mentisq; inops, profitebitur.

HERMES.

ECce vobis exposui, quod celatum fuerat, quoniam opus vobiscum, & apud vos est, quod intus arripiens & permanens, in terra vel in mari habere potes.

SCHOLIUM.

OPeris secretum commendat suis filiis, & vocabulo ECCE ostendit, se rem perfecisse maximi momenti in explicatione artis nobilissimæ & abditissimæ. Gebcr, Morienus, alijq; Philosophi jubent artis indagatores, mineralium radices in seipsis inquirere. Unde inquirunt: si ortus tui noveris principia, semen

siue materia prima, ex qua lapis componitur,
 te amplius latere nequit. Jam vero rudi im-
 peritoq; naturalium arcanorum homini, ab-
 surda videbitur hac locutio: cum non possit si-
 bi ex suo cerebro somniare ullam similitudi-
 nem aut cognationem, quam semen hominis
 animatum habeat, cum inanimatis ut quidam
 ignari dicunt, metallorum aut lapidū corpori-
 bus. Sed si te cum Abrahamo ex crasso tuo &
 corporeo domicilio foras eduxero, teq; in spiri-
 tualium astrorū omnibus in rebus occulte lati-
 tantium contemplationem induxero: non am-
 plius eris tam refractarius, sed ambobus ultrò
 pedibus in nostram ibis sententiam. Tolle igitur
 oculos, & nostrum suspice cælum. Philoso-
 phicum infinita astrorum multitudine mirificè
 exornatum. Sicut enim vides, in superiori fir-
 mamento, astralia illa corpora tantum in eo
 differre, quod alia alijs præstent magnitudinis
 & luminis splendorisq; claritate: omnia au-
 tem in uniuersū constent ex una eademq; ma-
 teria purissima, diaphana, & pellucida. Ita o-
 mnia corpora in hoc inferiori mundo, ad exter-
 nū quidem aspectum multum inter se differre
 videntur: quæ tamen omnia intrinsecus consi-
 derata,

lerata, ab uno eodemq; principio siue primo en-
 e processerunt. Illud autem internum princi-
 pium aliud nihil est, quam secundum Salomo-
 nem Sap. cap. ii. materia quædam inuisa, ex
 qua orbis terrarum creatus est: siue iuxta
 Joannem Evangelistam cap. i. VERBUM, per
 quod facta sunt omnia, & sine quo factum est
 nihil, quod factum est. Sed dices, si ergo ver-
 bum est omnium rerum principium: teste au-
 tem scriptura idem verbum sit nunquam inte-
 riturum sed in æternum permansturū: non igitur
 querendū aut investigandū illud erit in his
 sublunarib. & corruptibilib. rerum corporibus,
 quæ cuncta moriūtur, pereūt & intereunt. Ad
 quā objectionē ut succinctē tibi & breviter re-
 spondeā: cuncta equidē, quæ creata sūt per ver-
 bū, erant valdē bona hoc est, summa beatitudi-
 nis perfectione à Deo ornata. Sed quia propter
 prauaricationē Adami terra quoq; fuit maledi-
 cta, mors introiuit in mundū, ita ut nil jā sit in
 toto mundo, quod nō spoliatū & orbatū existat
 primitiva ista perfectione, & morti per conse-
 quēs obnoxiiū factū. Misert 9 a. omnipotens cre-
 aturæ, hanc ut liberaret à morte, & vitæ regno
 restitueret, idem verbū, quod est LUX & VITA
 mundi,

mundi, in mundum misit, & ita secunda vice mundum per hoc VERBUM regeneravit. Unus enim vitæ dator & regenerator semper manet idem DEUS, extra quem nulla salutis spes. Per hanc autem regenerationem facta est creatura nova: Vetera enim transierunt, & ecce facta sunt omnia nova. 2. Cor. 5. Verbum igitur hoc non secundum creaturam veterem, sed secundum novam considerandum nobis est. Neminem enim nunc novimus secundum carnem, hoc est, veterem creaturam, sed secundum spiritum, hoc est, novam creaturam. Sed quemadmodum Christus in renatis suis invisibili modo inhabitat, nec manifestatur in hoc, sed in altero demum mundo: sic omnibus rebus VERBUM regenerationis invisibiliter quidem inhaeret: quod tamen in elementaribus & crassis corporibus non manifestatur, nisi reducantur in essentiam quintam sive naturam cælestem & astralem. Hoc itaque regenerationis verbum, est semen istius promissionis sive cælum Philosophorum, infinitis astrorum luminibus nitidissimum, ac quod suspiciendum & contemplandum eductus fuit Abraham. Quamobrem quicunque
ho

hoc cœlum nostrum, quod ratione quidem mundi minoris ac majoris, in duplicis salvatoris cōsiderationem cadere potest (quamvis idem DEUS operetur omnia in omnibus) intueri volet, is abjectis oculis Adamicis, hoc est, carnalibus, qui nimis hebetes, non nisi de externorū & corruptibilium intuitu censuram faciunt, spiritualia visus organa, ex nova creatura recipiat: his facile agnoscet totius mundi tam creati, quam regenerati unum solummodo esse authorem, unum rerum omnium opificem & effectorem, unum principium, unum ens primum, quod à natura nunquam separatur, sed ipsam potius à corruptione & labe repurgat, revivificat, & in pristinam perfectionis libertatem vindicat. Noli autem mirari, quod res morti subjectæ, veteris creaturæ formam exuant, & quasi in nihilum reduci videantur. Est enim mors vitæ principium: vetusq; tantum siue Adamicum corpus moritur: Spiritus autem: novæ creaturæ, novum sibi fabricat corpus multò nobilius & gloriosius veteri. Quod enim seminatur, non vivificatur, priusquam moriatur. Seminatur autem in corruptione, & resurgit in incorruptione: semi-

natur

natur in ignobilitate, & resurgit in gloria: seminat in infirmitate, & resurgit in virtute. 1. Cor. 15. Et hac quidem omnia teste Hermene in Smaragdina tabula, sunt ab uno, meditatione unius. Idem enim DEUS, qui dixit, morte morieris, dixit quoque, salvus eris. Mors igitur & vita per idem DEI VERBUM, efficacem obtinuerunt operandi vim & potestatem. Essentiale enim est quod vis verbum, ex ore DEI procedens. Nec est spiritus sive halitus vanus & evanesceus, ut multi ignari ac impij ex incredulitate sua in hac perniciosissima sunt opinione. Verba mea, inquit ipse Christus Salvator noster, sunt spiritus & vita, hoc est, nova creatura semen substantificum & essentialiter: & qui in hoc credit, salvus est, & essentialiter cum Christo unitur ac conglutinatur, ita ut caput & membra, hoc est, Christus & Ecclesia, sint duo in carne una. Qui autem non credit, manet in peccato: & quia stipendium peccati mors est, per VERBUM jam omnis incredulus judicatus condemnatur, & morte moritur eterna. Sicut igitur hominis salus pendet à sola cognitione Christi & vera in eundem fide: ut
pote

pote qui unicus est & solus microcosmi Salvator: sic verò Philosopho summè necessaria, est cognitio macrocosmici Salvatoris: qui cælum est Philosophorum sive verbum regenerationis: quod non nisi unum solum per totum mundum diffusum, ubiq; in omnibus rebus, in corporibus animalium, hominum, brutorum, plantarum, arborum, fruticum, metallorum, mineralium, & lapidum reperitur. Hoc unum ergò si semel cognoveris, ac intus in arcanum & intimum cordis scrinium abscondideris, secretò illud ac tutò tecum portare quovis gentium poteris, sive per mare, sive per terram, sive per saxa, per ignes iter facere libuerit.

HERMES.

Custodi igitur argentū vivum, quod fit in intimis thalamis, in quibus coagulatum est. Ipsum enim est argentum vivum, quod dicitur de terra residua.

SCHO.

60 DE LAPIDIS PHYSICI SECRETO
SCHOLIVM.

Argentum vivum esse primam materiam,
sive primum ens omnium metallorum,
apud Philosophos Chymicos sat constat. Sed
cave existimes id esse argentum vulgare, vel
mercurium vulgi, quem lythargyrum quoq;
nominant. Argentum quidem est, sed non
vulgare. Vulgare enim mortuum, & ad o-
pus physicum per se minus aptum: sed vivum
est, Philosophicum, hoc est, arte coadjuvante
natura ritè preparatum. Mercurius est,
non vulgi, sed Philosophorum, igneus, vitalis,
currens, qui miscetur omnibus corporibus, &
rursus ab iisdem separatur. Locus, in quo ge-
neratur argentum v. v. m., indicatur his ver-
bis: sit, inquit author, in intimis thalamis,
in quibus coagulatum est. Philosophorū
alias tritum est, quod ijs in locis, ubi crescunt
metalla, nulla reperiantur metalla.

Inventu igitur erit locus eò difficilior, quò
abstrusior est in mineris terræ absconditus. Sed
hic distinctionem notabis inter mineras me-
tallicas vulgares, & mineras Philosophicas oc-
cultas. In illis reperiuntur, sed non crescunt:
in his verò crescunt, & non reperiuntur. Lege
de.

de his & conomiam mineralem Paracelsi, qui
fasse illic tractat huius differentia causam: Hoc
ipsum argentum vivum de terra Philosophica
residuum, si rectè noveris, accuratè custodien-
dum erit. Si fortè metus est, ne diuturnita-
te temporis vitium contrahat: exemplum
imitari poteris Romana Ecclesia: in qua um-
bilici infantum aduruntur in cineres, ut diu
ad diem videlicet usq. cinerum, qui Mercurij
dies est, Gallicè des cendres, conservari queant.
Si pari modo argentum tuum vivum vi ignis
combusseris, ac in cinerem converteris, edaci-
tati temporis magis resisteret, & in infinitos con-
servabitur annos. Dignū certè, ut diligenter
custodiatur. Est enim thesaurus incomparabi-
lis, & res auro ipso preciosior: Unde etiam au-
ro longè antefertur à Philosophis. Aurum enim
in Ros. Philosophorum fingitur ita mercurium
compellare: An, inquit, prefers te mihi, & ego
sum Dominus lapidum expectans ignem. Di-
cit ei mercurius: Utiq. sed ego genui te, &
ex me natus es: & ego sum secretum totum,
& in me occultatur scientia: quia converto o-
mnia corpora in Solē & Lunā, cum natura mea
ialis sit, quod durū molifico, & molle in duro.

Her-

62 DE LAPIDIS PHYSICI SECRETO
HERMES.

Qui igitur verba mea nunc audit, ipse ab eo inquirat, qui nullius malefactoris opus justificat, & nullum benefactorem præmijs privat. Quia omne quod celatum fuerat, de hac scientia detexi, maximum arcanum & scientiam, intellectum habentibus patefeci.

SCHOLIUM.

Philosophorum sermo parabolis, anigmatibus & mille troporum involucris tectus, non prima statim fronte cuivis patere debet. Neque etiam omnibus conveniunt omnia. Causa autem obscurioris dictionis in Chymicorum scriptis, partim supra explicata est, partim in sequentibus explicabitur. Sin vero quis diuturnioris meditationis ac inquisitionis impatiens, expeditiorem viam ex hoc Chymico labyrintho evadendi desideret: en fidele authoris consiliū, qui jubet à Deo sensum suorum verborum petere. DEUS enim in pravis impiorum consilijs haudquaquam connivet: nec vicissim pijs & cordatis viris sua denegat præmia. Fugere autem mala, & bona sectari, decet verum artis discipulum.

discipulum ab ejusmodi pietatis armis, qui instructus & probe munitus fuerit, intrepidè ad hoc sacrum accedere potest studium, & sine dubio voti compos fiet.

Nam tantum lacris hæc sacra nosse datum est.

In male volam autem animam non introibit sapientia, nec habitabit in corpore peccatis subdito. Sap. i. A quam vis author multa de hoc nobilissimo arcano dixerit, & nihil intermiserit de his omnibus, quæ scitu in hac scientia sunt necessaria: tamen palàm fatetur, hoc tantum revelatum esse mysteriū intelligenti.

Ex quo sequitur, eos qui fatuè & tardo sunt ingenio & animo malitioso, ab hoc arcano penitus excludi. Spiritus enim sanctus disciplina effugiet fictum, & auferet se à cogitationibus, quæ sunt sine intellectu, Sap. i. 6.

HERMES.

SCitote ergo rumoris inquisitores, & sapientiæ filij, quod vultur super montem existens, clamat voce magna: Ego sum albus nigri, & rubeus albi, & citrinus rubei, & certè veridicus sum. Et scitote, quod caput artis est corvus, qui in nigredine noctis, & claritate diei volat

lat sine alis. Ex amaritudine in guttore existente, coloratio accipitur: à suo verò corpore, rubor exijt, & de suo dorso mera aqua accipitur.

SCHOLIUM.

Quare studiosi Chymia, ab Hermete appellentur rumoris inquitores, videtur ideò fieri: quod utramq. fame fortunam, bonam & malam, laudem & vituperium experta sit alchymia: utpote de qua varij per totum terrarum orbem sparguntur rumores. Sunt enim qui laudibus eam in cælum usq. extollunt, nullamq. artem generi humano utiliore post SS. Theologiam predicant. Alij rursus eandem à Plutone inventam, & ab inferis in humani generis perniciem productam, impiè blasphemare non erubescunt: & propterea non tantum artem abrogandam, sed simul etiam artifices è medio nefandè & crudeliter tollendos esse contendunt: immemores videlicet hujus, quod quodam in loco Poeta canit:

Inscius, quæ non capit, ea carpit:
Doctus at myſteria tanta ridet.

Ambo

Ambo sic pergant : fatuus sed unus
Invidus alter.

Et sic ars innocentissima, per ora hominum pas-
sim volitans, culpatur ab his, laudatur ab illis;
adeo ut famosissima merito dici, ejusque discipuli
rumoris sive fama, vel famose artis indagato-
res non inepte appellari mercantur. Mons au-
tem Philosophorum, super quem vultur sedet,
summa est altitudinis, & in ima parte mero
fortissimo igneo undiquaque cinctus & probe
munitus, non habet nisi unicum ostium, per
quod intrare & exire licet artifice. In hoc
montis limine situs est Draco pervigil, nomi-
ne $\omega\alpha\rho\omega\phi\theta\alpha\lambda\mu\epsilon\varsigma$. Nam in utraque cor-
poris parte antica & postica plenus est oculo-
rum & partim clausis, partim apertis dormit
oculis, adeo intentus est assiduus vigilijs in cu-
stodiendo montis ostio, ne forte indignus ingre-
diatur, & illotis manibus ascendat ad culmen
sive summum fastigium, quo impositus est la-
pis Philosophorum, qui si semel auferatur à
quopiam in unius hora momento, statim suc-
crescit alius: ita ut in duodecim horis, vel die
uno duodecies lapidem multiplicatum decer-
pere liceat. Sed impossibile est quempiam
E per

per hoc ostium intrare posse, nisi Draco clausis
oculis omnibus, suavi & placido sopore corre-
pius penitus indormiscat. Hoc opus, hic labor
est, invenire scilicet modum sive remedium a-
liquod, quo bestia ista circumventa, in tam
profundum incidat somnum, ne ante justum
tempus è somnis excitata, artificii intranti, &
de monte rursus descendenti, & per ostium ex-
ire vo. enti noceat, & presentissimo suo vene-
no, quod in postrema cauda parte absconditum
gestat, miserè hominem enecet, omnemq; the-
saurum acquisitum hactenus, montis possesso-
ribus sive inquilinis restituat. Triplicia igitur
medicamenta ad hunc assequendum scopum
imprimis necessaria videntur. Primum præ-
paranda sunt arte Chymica pilule mercuriales
ex argento vivo crudo & aloëparica Chymicè
preparatis & depuratis, quibus adde in parva
quantitate extractum absinthij & extractum
centaurij ad amaritudinē in ipsis augendam:
f. massa pilularum: ex qua formentur pilule,
numero 4. ad magnitudinem globuli plumbei
bombardici, crucigeri monetarij rotunditatem
æquantis: deaurentur, ne illarum interno a-
marore in lingua aut gutture percepto, Draco
præ

pra nausea modo deglutitum pharmacum rur-
sus evomere cogatur. Si igitur ad montem
accedere animus fuerit, unam pilularum ge-
stabis manu aperta adversus Solis lumen, quo
irradiata, auri instar Ungarici optimi splendef-
cere incipiet, & radiorum suorum reflexione
excitabit bestiam, quæ decepta aureo illo splen-
dore, pilulam, quam pomum aureum ex horto
Hesperidum ablatum esse opinabitur, mox de-
glutiendam affectabit. Quod si animad-
vertes, sine mora in terram projicies pilulam,
quam adhuc inter cadendum avidissimè exci-
piet, & devorabit bestia: sed cave ne sorte
propius ad illam accedens in manu, vel alia
corporis parte damnum capias. Prima de-
vorata, ei quoy porriges secundam, tertiam
& quartam: donec assumtis omnibus, amaror
pilularum cum acutissimo Mercurij veneno,
sensim à ventriculo sursum ascendendo guttur
& fauces occupet, & ingentes ibi dolores, cum
rubore & tumore, varijsq; alijs symptomatis
excitet, ita ut bestia præ nimio angore & squa-
lore, in omnibus membris sentiat summam
lassitudinem & debilitatem. In tali im-
becillitatis angustia constitutus Draco,

summoperè desiderabit corroborari electuario
 quodam reſectivo. In quo caſu nullum oc-
 curret preſtantius remedium, quàm electua-
 rium conſectum ex croco Martis, & ſolys au-
 ri cum extracto roſarum rubrarum, & tan-
 tillo ſpiritus vitrioli ad aciditatis ſuavitatem
 conciliandam. Ex hoc electuario tres ſinges
 bolos ſatis grandes, pro beſtiæ faucium capaci-
 tate, quos ipſi præbebis ingerendos: primo de-
 glutito, dabis & reliquos duos, & ſtatim paul-
 lo melius habebit. Quia tamen ex continuis
 ejusmodi vigilijs adeo exhausta ſunt vires, ut,
 niſi per quietem arte comparatam reparen-
 tur, vix ad integram redire poſſit valetudi-
 nem. Accedendum igitur erit ad tertium &
 ultimum remedium, quod eſt aqua in hunc
 modum deſtillata. R. ſlorum roſ. rubr. bor-
 rag. bugl. nenupharis, ſem. papaveris & hyoſ-
 cyami, addendo parùm opij, à ſuo ſæctore & ve-
 nenata qualitate repurgati. Incidendis in-
 ciſis & terendis tritis, fiat maceratio ſive di-
 geſtio in rore Solis per triduum aut quatridu-
 um in loco tepido: poſtea inde deſtillabis aquã,
 cujus facultas erit confortandi cor, & ſuaden-
 di ſomnum. Nam ſi de ea hauſerit uncias
 duode-

duodecim, quæ faciunt libræ unam, tam profundissimum subito incurret somnum, ut per diem & noctem integram, continue somno oppressus requiescat: nec nisi maximo excitato strepitu expergescat. Interea temporis tutus erit & liber introitus per ostium montis, & omnis periculi vacuus. In quem si intraveris, ibi commorari pro tuo arbitrio poteris, quamdiu voles: Et singulis horis novum tibi lapidem maioribus auctum viribus comparabis. Sed post ingressum, ascendendo montem, vultur sive corvus tibi monstrabit iter, quò sit eundum.

Ac quamvis hic tantum unius corvi fiat mentio: tamen tres in hoc Philosophorum monte tibi occurrent. Niger, qui caput est artis: albus, qui medium: & rubeus, qui finem rerum omnium imponit. Ultimus enim appetitus naturæ est in rubedine nostra. Neg mireris, quod tot colorum differentias sive varietates in corvis statuamus, licet non nisi nigri vulgò sint noti. Fateor equidem, nigros esse vulgarissimos: post hos tamen non raro his meis oculis vidi etiam albos, in aulis principum & Regum, ut Dresda in Misnia, in Ele-

etoris imperialis horto. & alibi. Tandem verò
 rarissimi sunt rubei corvi, quorū non nisi duos
 excimini me vidisse in magna ista Regis nostri
 Christianissimi cavea, quæ extructa habetur
 in horto regio apud pagum quendam, quem
 fontem bellum, vulgo Fonte in cbleau vocant;
 quanquam. & hi non omnino rubei, sed varie-
 gati rubris plumis tantum erant. Toti verò
 rubri, ut dixi, rarissime se dant in conspectum
 hominum, nec, ut ingenuè fatear veritatem,
 à me hæcenus, nisi fortè me inscio, conspecti
 fuerunt unquam. Eos tamen verissime ex-
 istere, testimonio virorum fide dignissimorum
 non solum probare possum, sed id etiam di-
 citur at ipsa ratio. Hi igitur tres corvi, ut &
 antea præmonui, tibi præmonstrabunt viam
 voce sive clamore suo. Sed voces illorum tam
 subtiles & delicatæ sunt, ut non sensibus exter-
 nis, sed internis potius & mentalibus verè
 percipiuntur. De his lege Ps. 10. Ubi scriptum est:
 Non sunt loquela, neq. sermones, quorum non
 audiantur voces eorum. In omnem terram
 exiit sonus eorum, & in fines orbis terre
 verba eorum. Primus equidem ex a-
 maritudine in gutture suo existente,

RAUCA

rauca & inconcinna, voce sua, aditum tibi parabit ad album. Hic verò suaviori edito vocis sono promovebit te ad summum, & ultimum rubeum, qui angelico suo & suavissimo cantu, omnes canoras avicularum, lusciniarum, & cygnorum voces facile superante, te amice excipiet, & harmonia dulcissima, te ad laudem ac gloriam DEI canendam excitabit, præcantando: Mirabilis Deus in operibus tuis: & tu respondebis: Pleni sunt cæli & terra majestatis gloriæ ejus. Et postquam gratias egeris summo, maximo, & omnipotenti DEO, in pace reverteris ad tuos, ne è somnis resuscitato Dracone, fortè periculum, sit in mora.

HERMES.

Intelligite ergo & donum Dei accipite, & ab omnibus insipientibus celate. De cavernis metallorum occultus est, qui lapis est venerabilis, colore splendidus, mens sublimis, & mare patens. Ecce vobis exposui. Deo gratias agite, qui hanc scientiam vos docuit: Gratos enim diligit.

72 DE LAPIDIS PHYSICI SECRETO
SCHOLIUM.

Frequenter admonet auctor suos discipulos,
ut hoc singulare Dei donum debita reve-
rentia agnoscant, & omnes fatuos ac insipien-
tes ab eodem abigant, & excludant. Enar-
rat præterea lapidis quasdam proprietates,
eumq; occultum nominat, hoc est, paucis cog-
nitum: venerabilem, hoc est, in summo precio
habendum: colore splendidum, hoc est, rubi-
cundissimum. Est enim rubedo ultimæ per-
fectionis certissimum signum. Mentem sub-
limem, id est, spiritum sublimatum & ex-
altatum. Mare patens, id est, aquam mercu-
rialem perennem, fixam, & in igne permanen-
tem. Has omnes proprietates in se continet
lapis, quas ante ipsius confectionem, nemo tam
exacte scire potest: sed tum demum erumpunt,
cum preparatus existit: non secus ac in arbore
pyro ignoratur, quales protrusura sit fructus,
donec tandem oculis tuis manifestò videris, ip-
sam produxisse pyra, non poma, non pruna,
non cerasa, nec alterius generis fructus. Quia
igitur Hermes proprio experimento omnes i-
stas vires & proprietates in lapide cognovit,
illas quoq; docendo, liberaliter communicat
suis

suis discipulis, ad quos nondum pervenit experientia, ut & hinc aliquid utilitatis & emolumentum percipiant. Non autem pro fideli hac institutione sibi, sed DEO vult gloriam & laudem tribui. DEO, inquit, gratias agite, qui hanc scientiam vos docuit. Hermes plantat: Paracelsus rigat: Deus autem dat benedictionem & incrementum. Huic igitur soli grates immortales persolvenda sunt pro omnibus rebus. Gratos enim diligit: Estque gratiarum actio ad plus dandum invitatio.

HERMES.

PONITE igitur eum in humido igne, & coquere facite, qui humoris calorem augmentat, & incombustionis siccitatem necat, donec appareat radix: deinde rubedinem, & partem levem ab ipso extrahite, quousque tertia pars remaneat.

SCHOLIUM.

CONCOCTIONIS tres species sunt: prima fit à calore externo igneo in humido, & dicitur elixatio. Secunda perficitur à calore externo in sicco, & uno verbo vocatur assatio. Tertia autem fit ab interno calore naturali in humido,

E S

& dici-

Et dicitur Grecis πύρρος. Quæritur nunc,
de quanam specie hic loquatur author, num de
prima, an de tertia: quia utraq; sit à calore
in humido. Sed differentia tantum est observan-
da inter utramq;, quod prior fiat à calore ex-
terno igneo: tertia vero à calore interno natu-
rali. Si res incofaret suffragio, utramq; sa-
nè speciem tam primam quam tertiam ad opus
hoc admittendam statuerem. Est enim Na-
tura internum generationis principium: non
tamen operatur, priusquam accedat externum
aliquod adminiculum, quod excitet illud in-
ternum. Ergo calor hac in arte adhibendus
duplex est: Externus, qui excitat: Internus,
qui perficit: juxta hos versiculos:

Naturam in primis imitabere in arte magister.
Hæc massâ exterior tantum calor excitat ignis:
Æthereo interior sed perficit omnia fotu.

Quos ita in Gallicam nostrâ transferre placuit?

Ouvrier sur tout aye cure,
Que l'art imite nature.
L'externe feu de charbon
Rend la matiere alteree:
Mais l'interne & l'ætheree
Faisa ton ouvrage bon.

Uterq;

Uterq; tamen in humido fieri debet. Omnis enim generatio naturaliter fit in calido humido, quod Hermes vocat ignem humidum: quasi diceret: duplicem ignis calorem, externum & internum hic adhiberi volo. Videmus enim ex quotidiana experientia, quod Solis calore post fecundam pluviam superveniente, herba, planta, & omnis generis arbores, & fruges magis magisq; ad generationem proleſcuntur, quæ alias tempore arido, & Sirio campos nimis exarſcente, tanquam exuſce & exangves ſterileſcunt. Lapidem itaq; hoc duplici coquendum calore, vult Hermes: in quo augmentatur, hoc eſt, in ultimam maturitatis perfectionem exaltatur, & tamdiu hoc ignis genere continuè conſervatur, donec appareat radix, h. e. ſemen metallorū. Compertum enim haberi 9 in omnib; plantis ſerè & arboribus, quod poſt revolutum generationis terminum, tandem proſerat ſemen, tanquam ſpeciei ſuæ propaganda & conſervanda præcipuū authorem. Eundem proceſſu obtinet quoq; Natura in procreandis metallis, quæ poſt abſolutā omnium generationē, tandē arte adjuvante, etiā producit ipſorū ſemē, quod ſolum verus eſt Philoſophorum Mercurius, in quem

in quem omnia metalla, resolvuntur, priusquam mutua invicem, unius in aliud fiat transmutatio. Juxta illud Aristotelis, meteor. cap. 4. Ubi inquit: Impossibile est unam speciem metallorum in aliam transmutari posse, nisi prius reducantur in suam primam materiam. Errant igitur omnes, quicunque metalla in mercurium crudum, & non in radicem, ut Hermes ait, sive in semen suum, quod primum & ultimum vivens in metallis est, ut cor in animalibus, reducere conantur. Natura enim semper progreditur: nunquam autem retrogreditur. Sicut enim Sol cursu suo circulari, ab una cæli plaga orientali ad alteram occidentalem progreditur: non autem, nisi miraculosè, retrogreditur: sic quoque de omnium rerum generatione judicandum erit. Quod author insuper his confirmare verbis videtur: Deinde, inquit, rubedinem & partem levem ab ipso extrahite, quousque tertia pars remanet. De rubedine & ternario numero superius abundè satis dictum est, adeo ut non necessum sit, eadem toties repetere.

HERMES.

Fili

Flli sapientum, Philosophi hac de causa invidi dicti sunt, non quod invidiant moratis, nec relligiosis, nec legitimis, aut sapientibus: verum ignaris, vitiosis, lege & benignitate carentibus, ne mali potentes fiant ad peccata perpetranda, & inde Philosophi sint Deo redituri rationem. Nam omnes mali indigni sunt sapientia.

SCHOLIUM

Preoccupat hic author quorundam objectionem, qui Philosophos accusant invidia: ab hoc igitur crimine ut eos liberet, differentiam ponit inter eos, quibus invidiant, & quibus non invidiant. Non invident, inquit, moratis & relligiosis, nec legitimis aut sapientibus. Cur enim his invidere, cum horum propria sit scientia. Nulla autem est scientia vera & bona, nisi quæ à DEO inspirata sit, uti supra copiose demonstratum est. DEO verò quicumque invidentia sua resistere conabitur, inanem ludet operam. Nam Theodidactus non usq; adeò magnificat humanam institutionem: alium magistrum is agnoscit

agnoscit longè superiorē & doctiorē, quàm sunt pulverulēti isti hypodidascali: utcumq, ipsi clament contra nos & nostram doctrinam. Novimus enim illorum cavillationes, dum se mirari inquiunt, quod & nos ad honorum & dignitatum gradus suscipiendos admittamus, cum vix unum atq, alterum verbum latine proloqui possimus. Quasi verò artium & scientiarum dignitas perdeat à latinitate, & nemo doctus haberi debeat, nisi qui latini sermonis puritatem & elegantiam ad unguem calleat. O miseri censores, vestram quidem gloriam in eo quaritis, ut quicquid tenetis dicere, id purè, tersè, eleganter, ornate, praeclarè, ritè, scitè, politè, justè, venustè, graviter & graviter dicatis. Sed hoc de vobis olim praedixit Esaias cap. 33. inquiens: Ubi est literatus? Ubi legis verba ponderans? Ubi Doctor parvulorum? populum impudentem non videbis, populum alti sermonis, ita ut non possis intelligere disertitudinem linguae ejus: in quo nulla sapientia. Haecenus ille. Solliciti enim magis estis de cortice, quàm de medulla rerum, & sic umbram praefertis essentiae, fluxile & momentaneum stabile

bili & sempiterno. Nos autem magis delectamur veritatis doctrina, quæ cum Christi, qui veritas ipse est, & Natura legibus essentialiter sive realiter, non autem tantum verbaliter sive literaliter, ut ita loquar, conveniat. Hanc ut assequamur, summis viribus contendimus, nihil morantes, in quacumq; id fiat lingua: sive illa fuerit Hebraica, Chaldaica, Syriaca, sive Græca, Gallica, Italica, perinde nobis erit. Sufficit enim nobis rem, ut est, perfectè & exactè tenere: vobis libenter relinquimus superficialem illam & externam verborum pompam. Ex qua quid tandem reportetis, exitus palàm docet. Quia enim summum venditis, sumus quoq; sive pessimus oris halitus & lingua gloriosa, petulans & superba, vestrum pleròq; perfundat. Sed alijs Latine lingue peritioribus me, hanc ventilandi partem relinquam, ne radior Latinismi, ceis vulpecula ista Aesopica, cui abscissa erat cauda, alijs quoque hanc linguam deserendam suadere videar. Diximus itaq; quibus Philosophi scientiam suam sacratissimam non invidcant, nempe ijs, qui sunt moribus probatis

probatis exculi, fide & pietate præstantes, & genuina sapientiæ filij. Cateris autem ignavis, vitiosis, lege & benignitate carentibus iure summo invident. His enim si communicarent artem, quid quæso aliud agerent, quam ut furioso committerent gladium, & lascivam juvenculam aut meretriculam præficerent gynæceo. An non hoc pacto peccandi occasio, quam author suprâ arripiendam serîo prohibet, daretur amplissima? Ergo ne tale quid accidat, & ne Philosophi de his omnibus cogantur DEO rationem reddere, nulla arte hoc malû melius præcaveri posse judicarunt, quam ut secreta sua intra taciturnitatis cancellos tutò reservarent, ac nemini quicquam de his, nisi probis & dignis, revelarent. Mali enim indigni sunt sapientia.

H E R M E S.

SCitote, quod hunc lapidem nomine voco: nam ipsum fœminam magnæ nuncuparunt, sive gallinam, sive fallivam candidam, lac volatilium, & cinerem incombustum, ut ab insipientibus, intellectu, lege, benignitateq; carentibus,

bus, celet ipsum, quem tamen sapien-
tibus uno noto nomine nominavi, qui
est lapis sapientum. Conserva igitur in
eo mare, ignem & cœli volatile ad mo-
mentum exitus. Deprecor autem vos o-
mnes filios Philosophorum, per nostrū
benefactorem, donantem vobis suæ
gratiæ decorem, ut nemini fatuo, igna-
ro, aut cuiquam inepto huius nomen
pandatis.

SCHOLIUM.

TRia hic agit potissimum author: Primò
recenset varia & multa lapidis nomina,
è quibus unum sapientibus tantum cognitum,
sufficere non obscure innuit. Quale autem
istud sit, in superioribus satis superq̃ explica-
tum fuit. Deinde bis hortatur filios sapientum,
ne indignos, avaros, illiberales, fatuos, igna-
ros & ineptos in scientiæ sacrarium intrare
permittant. Tertiò & ultimò docet, in lapide
conservandum esse mare, ignem & cœli vola-
tile ad momentum exitus. Per mare intelli-
git humiditatem Mercurij. Nulla enim ge-
neratio fit in sicco, sed in humido, ut paullo su-
pra

prænotaviimus. Ergo in forma liquida mer-
curius conferendus erit, citra tamen sui cor-
ruptionem. Res enim dura, inquit Raimundus
Lullius, virtutem celestem non recipiunt, nec
celo obediunt: quemadmodum in durum la-
pidem figuram suam non imprimit sigillum,
sed in mollem ceram: ita materia nostra per
mollitiem vel raritatem sit habilis ad recipien-
dum influxum corporum superiorum. Et per
consequens hoc ipso medio obedire cogitur mo-
tui solis. Haec tenus ille. Per ignem autem & ca-
li volatile intelligitur duplex ignis: externus
& internus: qui uterq; usq; ad finem operis
continuò fovendus, & conservandus erit, jux-
ta illud Angurelli poeta Chymici:

Hic igitur ne qua tepidum summo veris ignem;
Et gentilem intus vim vi subeunte moveto:
Ales ut assidue tepidis superincubat ovis.
Nascendisq; adhibet pullis intenta vigorem.
Quem tu continuò morem servate memento
Hanc ut dum Phœbi circum se verterit orbis.
At si defuitas, quo vis intermoriatur
Ignea, continuò quæ fœtum fomite pascit;
Nil agis & subito cum primis desinet ignis
Cuncta ruent, quæ non ulla reparaveris arte
Amplius, ac frustra tentes fulcire ruina.

HER-

HERMES.

Nemo quicquam mihi tribuit, cui non reddiderim, quod ipse dederit, nec ipsum honorare destiti, & in hunc optimam posui significationem.

SCHOLIUM.

His paucis tractat Hermes de nota quadam veri filij doctrina: ipsa autem est liberalitas, quam si in quopiam advertit, statim bonam de eo concipit spem: & per legem talionis, ipsi ex liberali quoque animo benignè reddit omnia, quibus ab ipso antea affectus erat. Præterea eundem quoque debito suo honore non privat, sed amanter colit, & reverenter habet. Hoc enim maxime decet verum & sincerum Philosophum, qui quò fuerit humanior, eò doctior quoque predicabitur, & maiorem etiam laudem apud omnes merebitur.

HERMES.

Fili hic lapis est celatus multorum colorū, natusque in uno colore: cognoscite illū & celate. Omnipotente concedente, morbum maximum, tristitiam,

F 2

omne

omne nocumentum, & angustiam, co-
evaderis, de tenebris ad lucem, de deser-
to ad habitaculum, & de angustia ad di-
latationem ipsius auxilio venietis.

SCHOLIUM.

DEtribus precipuis lapidis coloribus di-
ctum est supra. Sed author hic plurimum
adhuc aliorum mentionem facit, è quibus ta-
men omnibus unum tantum cognoscendum,
eumq; cognitum celandum precipit. Quis isto
unicus sit, facile colligitur esse rubicundus.
Quò enim res preciosior & præstabilior, eò ci-
tius etiam in electionem venit. Rubicundus
autem color ceteris omnibus laudis & præstan-
tia palmam facile præripit, adeò ut nihil eo no-
bilius ac perfectius sub Sole excogitari possit.
Quem si adeptus fueris, juxta authoris moni-
tum celabis. Deniq; enarrat Hermes eximias
dotes atq; virtutes lapidis, quibus frui poterit
omnis, qui illo concedente DEO omnipotente
potitus fuerit.

Summum enim ait esse præservativum ad-
versus quoscunq; corporis gravissimos affectus:
tristitiam pellit, non solum ac medicamentum
illud

Quod apud Homerum, quod Nereides dicitur, quo usa fuit Helena ad animi maerorem excutiendum, & hilaritatem ac letitiam induendam. Rerum jacturam & incommoda recit, & ab omnibus arumnis & adversitatibus promptè liberat. Evehit præterea possessores de loco obscuro ad dignitates & honores maximos. Desperatos, & hinc inde in orbe circumvagantes, solatur, & patrijs restituit acribus, eosq; ex rebus adversis, omniq; calamitatum genere ereptos, tam felici beat sorte: ut posthac in tranquillitate & pace totius vite curriculum, ex animi voto transigant.

Finis capit. primi.



CAPL

CAPITVLVM
SECUNDVM.

HERMES.

Flli mi, ante omnia moneo te Deum
timere, in quo est niscus tuae dispositi-
onis, & adunatio cuiuslibet sequestrati.

SCHOLIUM.

Vulgo notum est, Philosophia esse nihil
aliud, quam studium sapientiae. In hoc au-
tem studio, qui laudabiles facere capit progres-
sus, ante omnia in timore DEI se exerceat ne-
cesse est. Sapientiae enim initium est timor Do-
mini, ut Sapiens inquit: cui assipulatur idem
Hermes lib. de pietate & Philosophia, inquitens:
Qui pius est, summè philosophatur: & sine
Philosophia summè pius esse, est impossibile.
Sed non loquitur de spuria ista gentiliū Phi-
losophia, quæ nugarum tantum anilium &
falsitatum horreum est plenissimum.

Miror vos Academicos modernos, quod in
ipsa Christianismi luce, tanta oculorum cali-
gine & suffusione capti non videtis miseran-
dam illam cladem, quæ promanat ex illa Eth-
nica

Veneranda Philosophia, quam nihilominus tamen publicè profiteri non erubescitis. Cum enim in hunc vestram DEUS commiserit tenellas juventutis plantulas, hortumq; veritatis vobis assignaverit amplissimum, in quo illas omnis generis salutaribus & utilibus præceptis fovere & educare debebatis, vos neglecta DEI benignitate, in gentilium idololatrarum & mendaciorum hominum castra impudentissime transfuistis, & sic vobiscum hunc immerentem juventutis florem simul seduxistis, & adhuc in illos seducitis. Quod si horti hujus fortassis ignorantiam prætendatis, id supina ignavia vestre, negligentiaq; evidens argumentum est: siquidem is non longè abest, sed tam in vobis, quàm ante & circa vos plantatus existit. Ut igitur posthac inexcusabiles sitis: ecce hortus iste est Christus Iesus, Deus & Homo: vel si mavultis, hortus iste in Christo unitus, aliàs tripartitus existit, & sic est vel Biblicus, vel Macrocosmicus, vel Microcosmicus: ita tamen ut neque tripartitus absq; unito, neq; unitus absq; tripartito intelligi & perfectè cognosci queat. De hoc igitur horto rectè cognoscendo paucis nunc philosophari constitutum est.

F 4.

Primum

Primum itaq, ut Christi Jesu naturam cognoscatis, scrutari debetis scripturam: hac enim est, qua de ipso testatur. Sed neq, vestrum rigare, neq, plantare in hoc biblico horto agnoscendo aliquid erit, nisi ipse Jesus Christus incrementum dederit, hoc est, vana & inanis erit industria vestra propria, qua conamini scripturam scrutari: ac quamvis totam scripturam ad ungulam memoriter recitare didiceritis, non tamen hac scientia de Christo essentialis, sed tantum literalis erit. Cum enim scriptura essentialiter considerata, aliud nihil sit quam ipsemet Christus Jesus, & vicissim Christus Jesus sit scriptura ipsa: tunc nemo poterit verum scripturae sensum elicere, nisi legendo & scrutando, illam in & cum Christo Jesu essentialiter percipiat: ita ut non literam, qua mortua est, & occidit, sed essentiam Christi, qua sola vivificat, legat, hoc est, legendo ejus essentialiter particeps fiat. Hac enim realis cognitio ingentes sapientiae thesauros suppetit. Est enim in illa, ut Sap. 7. legimus, spiritus intelligentia, sanctus, unicus, multiplex, subtilis, disertus, mobilis, incoinquinatus, certus, suavis, amans bonum, ac-

tus,

tus, quem nihil vetat, benefaciens, humanus, benignus, stabilis, certus, securus, omnem habens virtutem, omnia prospiciens, & qui capiat omnes spiritus: intelligibilis, mundus, subtilis. Si igitur nostri Academici Theologi pro mortua illa & literali, hanc vivificam & essentialem Christi agnitionem adipiscerentur: DEUS bone, quanta, inde utilitas misera & mox collapsura Ecclesiae redundaret: non tot rixae, tot discordiae & varia sectae ubiq; locorum gliscerent: sed pax totius & concordia, quam spiritus sapientiae incarnata, per proprietates illas modo a Sapiente enumeratas, operaretur, tam inter doctores, quam auditores abunde propagaretur, & constanter conservaretur. Commendo igitur hunc biblicum hortum imprimis Theologis. Sufficiet enim illis hunc diligenter & essentialiter, uti dictum est, excolere: nec opus erit aliunde accersere tot ac tam varia hominum commenta: in quibus plerumq; propria magis quam DEI gloria, quaritur. Omnis enim scriptura, teste D. Paulo 2. Timoth. 3. divinitus (non humanitus) inspirata utilis est ad docendum, ad arguendum, ad corripiendum, ad erudicendum in iustitia: ut perfectus sit

homo DEI, ad omne bonum instructus. Et
hec de horto biblico, qui est Christus Iesus, dix-
isse sufficiat. Nunc de horto macrocosmico, qui
est Christus Deus, pauca in medium profere-
mus. Sicut enim de Christo Iesu testatur scrip-
tura, sic de Christo Deo testatur creatura sive
magnus mundus: & de Christo homine, mi-
crocosmus sive parvus mundus, qui est homo.
Hec autem ad propositum nostrum, clarioris tan-
tum doctrinae causa ita distinguo: quamvis non
ignorem, quemlibet hortum de qualibet Natu-
ra in Christo testari. Si igitur Dei cognitionem
in Christo habere cupis, ex macrocosmico horto
eam tibi comparabis: non autem, priusquam
lumen maioris mundi ex solius Dei gratia tibi
ortum fuerit. Orto autem hoc lumine, mox cum
Hermete Trismegisto exclamando fateberis:
Deum esse invisibilem mundum: mundum
verò esse visibilem Deum: & cum D. Paulo ad
Rom. II. Ex ipso: & per ipsum: & in ipso esse
omnia. Idem Hermes lib. II. ad Tatium: Deus,
inquit, est universum: & in universo nihil est,
quod non sit Deus. Unde neq. magnitudo, neq.
ocus, neq. qualitas, neq. figura, neq. tempus cir-
a Deum est. Universum enim est. Universum a.
per

per omnia & circa omnia. Qui igitur univ-
ersum essentialiter cognoscere volet, is necessario
id cognoscet ex universo, per universū, & in u-
niverso. Quamprimū enim quis desertor u-
niversi factus fuerit, is non amplius versabitur
in lumine, sed ab universo, quod est Deus & lu-
men Naturæ, in particularitatis tenebras, ex
quibus nulla perfectionis salus unquam speran-
da, incidet. In hoc igitur universali macrocos-
mico horto agnoscendo excolendoq; maximè la-
borare, & omnem suam operā impendere de-
bebāt omnes Physici, medici, astronomi, Chymi-
ci, & aliorū artium naturalium magistri. Inveniet
enim in eo omnis generis pulcerrimas & utilissi-
mas scientiarū plantas, quib. professionē suam
quilibet ornare & amplificare poterit: ita ut in
posterū ab omni librorū de reb. Physicis scripto-
rū lectione facile sint excusadi. Libri enim illi
scripti similes sūt terræ petrosæ, in quā semē pro-
jectū, continuo quidē exoritur, sed superveniēte
Solis ardore astuat, & quia non habet radicē, a-
rescit. In horto v. macrocosmico nostro, terra est
optima, in quam si semē ceciderit, fructū dabit
centuplū & millecuplū. Restat adhuc hort⁹ ter-
ti⁹, nempe microcosmic⁹, qui est Christus homo;

Hunc

Hanc igitur tam in Christo quam in homine,
ut cognoscamus, necesse erit nobis prius depo-
nere carnem Adamicam, & induere novum
hominem, sicut est ipse Christus, qui primoge-
nitus inter filios DEI factus est. Jam autem
in nostra potestate situm minimè est, ut exua-
mus veterem Adamicam creaturam. Sicut enim
Hermete teste, terrena non agunt in cœlestia, sed
cœlestia in terrena, ita homo Adamicus non
potest in Christum agere: sed necesse est, ut
Christus agat in hominem. Nulla autem fit
generatio nova sine rei generanda putrefacti-
one vel mortificatione. Homo igitur ut de
novo de super regeneretur, cum Christo moria-
tur necesse est, idq. per agnitionem suorum
peccatorum & seriam ac veram penitentiam:
in qua simul cooperante Spiritu sancto per fi-
dem veram, in Christum, nova creatura se-
men concipitur, quod temporis progressu ger-
mina, producit, & tandem fructus peniten-
tia, dignos abunde profert. Hujus microcos-
mici horti cultores debebant esse omnes libera-
lium artium & Juris prudentia professores.
Sicut enim Adam ante lapsum omni-
um artium cognitionem absq. præceptore
perfe-

perfectè tenebat: eratq; justus & perfectus: sic nova creatura homo poterit post regenerationem in Christo, ex Christo & per Christum omnium rerum artiumq; scientiam, omnemq; justitiam, aequitatem, & judicium rectum, sibi absq; ullo magistro & absq; ullo corpore & codice juris perfectè cõparare. Hic enim solus est ille DOMINUS, qui dat sapientiã: & ex ore ejus prædectia & scientia. Prov. 2. Imò ille est ipsa mea sapientia incarnata clamitans: & prudentia dans vocem suam: In summis excelsisq; verticibus supra viam, in medijs semitis stans, juxta portas civitatis, in ipsis foribus loquitur, dicens: Veni dilecti mi in hortum meum, & comede fructum pomorum meorum. Veni in hortum meum, soror mea sponsa, messui myrrham meam cum aromatibus meis: comedi favum cum melle meo, bibi vinum meum cum lacte meo: comedite amici, & bibite, & inebriamini charissimi. Dilecte mi, descende in hortum meum ad areolam aromatatum, ut pascaris in hortis, & lilia colligas: descende in hortum rucum, ut videas poma convallium, & inspicias si floruerit vinea, & germinaverint mala punica. Proverb. 8. & Cant. Cant. 5. 6.

sed

Sed quia, pro dolor, omnes omnium artium
 & facultatum magistri, hodie despicatui habēt
 hunc saluberrimum & unicum omnium scien-
 tiarum hortum; qui est Christus Iesus, D E U S
 & Homo: nec insuper eo, quo debebant, modo
 tripartitum istum hortum, Biblicum nempe,
 macrocosmicum & microcosmicum, vel mini-
 mo saltem digito attingunt: in duplicem sese
 calamitatem, una cum omnibus suis discipulis
 turpiter conjiciunt: in apostasian videlicet &
 imperfectam donorum scientiarumq. adeptio-
 nem. Dum enim hoc veritatis horto relicto,
 flores scientiarum in conspurcatis & sordatis
 gentiliū agris colligere tentant, pro veritatis
 floribus, rosis & tritico, metunt mendaciorum
 spinas, tribulos, lolium & zizaniā: & sic
 transfugæ iniquissimi, debitas justasq. persol-
 vunt pœnas. D E U S enim, ut D. Paulus loqui-
 tur, Rom. 1. trahit illos in desideria cordis eorū,
 utpote qui commutaverunt veritatem D E I in
 mendacium. Et sicut non probant Christum Ie-
 sum pro vero omnium scientiarum horto ha-
 bere: tradit illos D E U S in reprobū sen-
 sū, ut faciant ea, quæ non conveniunt,
 repletos omni iniquitate, malitia, for-
 mica-

nicatione, avaritia, nequitia, plenos in-
vidia, &c. Hi nimirum sunt fructus apostata-
e. Homo enim apostata, vir inutilis, gra-
ditur ore perverso, annuit oculis, terit pe-
de, digito loquitur, pravo corde machina-
tur malum, & omni tempore jurgia se-
minat: hinc extemplo veniet perditio sua, &
subito conteretur, nec habebit ultra medicinā.
Proverb. 6.

Et, ut D. Paulus addit, qui talia agunt, di-
gni sunt morte: & non solum, qui ea faciunt, sed
etiam, qui consentiunt facientibus. Quotus
quisque autem est Academicorum, qui postquam
conscientiam suam probè examinaverit, non
huc in catalogo inscriptum se quoque inveniat.
Optandū itaque esset, ut resipiscerent in tempore,
ne deciperentur amplius per Philosophiā & in-
anem fallaciam secundum traditionē hominū,
secundum elementa mundi, & non secundum
Christū, in quo habitat omnis plenitudo divi-
nitatis corporaliter. Col. 2. Si igitur sapere vul-
tis, nolite amplius considerare in doctis sapientia
humanae verbis, sed in doctrina spiritus & ve-
ritatis. Si a. quis vestrum sibi videatur sapiens
esse in hoc seculo, stultus fiat, ut sit sapiens.
Sapien-

Sapientia enim huius mundi stultitia est apud DEUM. Scriptum est enim: Comprehendam sapientes in astutia eorum. Et iterum: Dominus novit cogitationes sapientum, quoniam vanae sunt. Nemo itaque gloriatur in hominibus. 1. Cor. 2. & 3. Si vero perrexeritis sectari gentilem istam sive humanam & inanem Philosophiam, non tantum nefarii DEI desertores & apostatae permanebitis sed insuper etiam semper discentes, nunquam ad scientiam veritatis pervenietis. 2. Timoth. 3. Quae enim perfectio speranda est ab ingenio humano, quod post lapsum primi parentis tam misere fœdaturum & laceratum est, ut nisi de super à patre luminum rursus illuminetur, per se nunquam ad perfectionem ullam respirare possit. Longè vos superat Hermes, qui Philosophia sua riginem deducit ab ipso DEO rerum omnium authore. In pura igitur huiusmodi & sincera Philosophia Hermetica, quae ab omni falsitatis lolio sequestrata est, omne vestrum studium & operam ponatis: cum hac sola alumnos suos ad maiorem & ferventiorum pietatis cultum provocet; adeo ut nullum alium finem philosophandi sibi proponant, quam ut expie-

ex pietatis vera cultura DEUM, naturam, & se ipsos cognoscant. Sapientia enim absq. pietate vera est stultitia.

HERMES.

Flli quicquid audis, rationare: Non enim te puto ratione privatum, nec insipientem. Igitur meas exhortationes suscipe, & meditare, & sic cor tuum coapta, ac si exhortationum author esses. Cui enim natura calida est, si frigidus fiet, non ei nocebit: similiter, qui rationalis est, claudata se ostium ignorantiae, ne securus decipiatur.

SCHOLIUM.

Ex omnibus actionibus, quae inconsulto quodam & temerario suscipiuntur impetu, raro aut nunquam sperandus erit bonus & optatus eventus. Consilio verò & prudentia, si qua in re, in Chymia certè opus est: praesertim si cum magistris ipsis colloquium fortè instituire volueris. Hi enim non contenti rationibus, rationum insuper rationes postulant: adeò rigoroso probationis hamo, omnē discipuli expiscantur angulum. At librorum solum-

G modè

modo lectioni deditur, si rem propositam ad re-
 ctam rationis amissam & naturae possibilitatem
 expendere, saluus eris. Sin vero nudam tan-
 tum litteram spectaveris, tanquam rationis in-
 ops & imprudens decipieris. Audi igitur fide-
 liter monentem autorem, cuius consilio nul-
 lam approbabis propositum, priusquam id fir-
 missimis rationum momentis probe munitum
 fuerit. Sed unde rationes & argumenta illa,
 promenda sint, supra in capitulo primo e-
 denter satis declaratum fuit. Si igitur his armis
 tanquam lorica & fortissimo corporis muni-
 mento indutus fueris, duplex tibi pectoris robur
 conciliabis, omnesq; sophistarum ictus à qua-
 cunque parte imminentes, sine negotio avertes
 & declinabis. Quemadmodum enim nix ca-
 dens super lapidem ignitum statim difluit, &
 in vaporem resoluta evanescit, sic sumpto ra-
 tionum clypeo, omnes hostiles sophismatum, in-
 scriptis sapientum ubiq; occurrentium, impetus prae-
 pulsabis, & sic hostibus ignorantiae propriis f-
 gatis, victoriam tandem obtinebis gloriosissimam:
 & eos, quos tibi antea inimicos putabas, in ve-
 ram & sinceram, aeternamq; tibi devinctos a-
 micitiam experieris.

HER.

HERMES.

Fili accipe volatile, volans submerge,
 & divide ipsum à sua rubigine, quæ
 ipsum interficit, extrahe & repelle ab
 ipso, ut fiat vivū, ac tibi respondeat non
 volando in regionibus, sed volans a-
 pertè contineat. Si enim extraxeris ab
 angustia post angustiam, & in diebus ti-
 bi notis ratione rexeris conveniens co-
 mea tibi erit, & eris Dominus superans
 co decoratus.

SCHOLIUM.

IN Chymia duo sunt principia, ex una radice
 orta, quæ lapidis subiectum, ab omnibus ferè
 declamantur Philosophis, videlicet argentum
 vivum, & sulphur: quorum illud volatile est
 & superius: hoc verò fixum & inferius: ex
 quorum conjunctione sæpius repetita, fit vera
 & Philosophica sublimatio ac fixio. Est enim
 fixio, cum corpus recipit spiritum tingentem,
 & aufert ejus volatilitatem, & fit per fræ-
 quentem reiterationem, donec producat
 cinis perpetuæ durationis, & totum in i-
 gne maneat. Est autem à principio ope-
 ris, lapidis substantia, quæ per se fixissima,

G 2

Spiriti-

spiritibus non fixis, vel ut Philosophi loquuntur, aquis ponticitatem habentibus, veluti aceto radicato, ac similibus solvenda, ut fiat volatilis. Hac enim ratione aptior erit ad separandam ejus rubiginem. Rubigo enim putredinis genus est in metallis, & certissimum imperfectionis signum.

Hac igitur ab illis amovenda est per sublimationem, totiesq; illa reiteranda, donec volans à fixo retineri, visui manifestum fiat. Non autem precipitanter hic procedendum erit, neq; una statim vice omnia peraguntur: sed gutta post guttam paulatim extrahenda. Possit enim alias fieri, ut ex nimia festinatione vel vas frangatur, vel materia detrimenti quid capiat. Cum igitur teste Salomone, Sap. 11. omnia DEUS in mensura, & numero, & pondere disposuerit; non oscitanter pratercundant sunt dies noti, scilicet Philosophis. Sapienter enim, inquit author, si ita diebus notis rexeris opes, conveniens tibi comes erit, & maxima inde honorum ornamenta tibi evenient: juxta illud Poëta stellati ita canentis:

*Proinde sopheri veteres subtili indagine quendam
Commenti lapidem, sibi fida viatica cunctis*

Perman-

Permansura loci, nunquā interitura pararūt.
 Quo auxilio, varias terras, diversaq; regna
 Cernere, & à multis quàm plurima discere pos-
 Et paulò post: (sent,

Quem qui habet, ille potest, ubi vult habitare
 decenter:

Nec fortunæ iram metuit, nec brachia furum:
 Sed paucis tanto dignantur munere divi.

HERMES.

Fili extrahe à radio umbram suam, &
 sordidum, eo quod nebulæ ei super-
 eminent, coinquinant, & à luce reti-
 nent, quia angustia, & sua rubedine com-
 buritur. Fili accipe hunc ruborem, aqua
 corruptum, quemadmodum ignis lator
 est cinis vivus, quem si ab eo semper au-
 fers, quousq; rubor tibi purificetur, sit
 tibi societas, qua calefcit, & in qua
 quiescit.

SCHOLIUM.

Quemadmodum in Sole ambulantis corpus
 continuò sequitur umbra, tanquam co-
 mes in dividua, sic hermophroditus noster A-
 damicus, quamvis in forma masculi appareat,

G 3 semper

semper tamen in corpore occultatam Evam si-
 ve feminam suam secum circumfert. Hæ vi-
 cem tenet patientis; ille agentis. Cum verò illa
 ob sexus imbecillitatem, vel potius insufficien-
 tem digestionem, impura adhuc & vitiosa, ac
 nativi splendoris perfectione orbata, ignis ex-
 amen sustinere nequit: non secus ac aquila spu-
 ria, quæ adversus solem volans, splendorem e-
 jus ferre nequit: Degeneres enim lux arguit:
 idcirco omnes istæ dotes, quibus exuta & spo-
 liata existit mulier, sunt ipsi per ignis vivi,
 hoc est, masculi beneficium reparanda: rubedo
 polluta & maculata in pristinam claritatem,
 puritatem, & integritatem reducenda: &
 tantisper depurationis opus continuand. m.:
 donec femina masculi sui vim recipiens adeo
 roboretur, ut frigus calorem, & omnes exter-
 nas injurias sustinere, nullumq; non examen
 subire, & tranquillè tandem in naturali uni-
 tatis thoro cum viro gaudere & quiescere pos-
 sit. Sicuti enim Deus ab opere creationis quie-
 vit die septimo: qui dies apud Mosén appella-
 tur Sabbatum, id est, dies quietis: ita Saturnus
 nostræ magnesiæ, ultimam manum imponit o-
 peri, & ab eo quoq; die Philosophorum septimo
 quiescit.

quiescit. Non tamen quiescendo interim opus, se effectum planè deserit: sicut neq. Deus à creaturis, post absolutum creationis opus unquam recedit: sed quiescere tantum dicitur uterq. àm Deus, quam Saturnus noster, quod novam speciem præter illas, quas septem illis diebus alter creando, alter generando produxerat, amplius nullam superaddat. Siquidem, ut Deus omnem divinitatis suæ thesaurum, quem ab infinita seculorum eternitate, in se tanquam archetypo absconditum continuerat, septenario dierum numero complexus, illum nobis per admirandum hoc creationis artificium in suis creaturis manifestavit, & tam perfectè ac graphicè representavit: ut ne minima quidem jota sit in creatore, cujus non simulachrum aliud quod inveniatur in creaturis: eodem modo Saturnus occultè corporum metallicorum simulachra in se circumferens, per eundem septenarium dierum numerum tandem finito opere omnia corpora explicata in lucem profert. Quod autem, non otiosus neq. DEUS, neq. Saturnus sit: manifestè demonstrat rerum omnium continuata, hæctenus multiplicatio: quæ absq. DEO, & eadem Saturno, tanquam

secundo à DEO rerum naturalium dispensatore & gubernatore, alias impotens & inefficax fatisceret. Magna autem vis & potestas, summumq; secretum in hoc dierum septenario latet: ut qui magicè & ex interna sua anatomia, in partes suas sive membra resectus, representat quodammodo universale quoddam & essentialiale tam Creatoris, quam creaturæ nomen: ita ut unus septenarius omnem ceterorum numerorum vim ac virtutem plenariè complectatur. Componitur enim septenarius externario & quaternario, quorum characteres vulgò exprimuntur per 3. & 4. quasi dicas, ter quatuor, quæ faciunt duodecim: ita ut in idem recidant septenarius & duodenarius, qui simul per multiplicatum Naturæ artificii sumpti proferunt octuaginta quatuor: quorum Characteres sunt 8 & 4: qui duo numeri per simplicem additionem redeunt in suum principium, nempe in duodenarium & septenarium. Octo enim & quatuor faciunt duodecim. Duodecim autem resolvuntur in ter quatuor: qui per characteres hosce 3. & 4. reuertuntur in septenarium numerum. Ex qua conversione colligitur; eundem DEUM in
 creatio-

creatione, eundemq; Saturnum in rerum generatione, esse 7.12. & 84. hoc est, principium, medium & finem: sive omnia in omnibus. Videmus praterea eundem septenarium, ex geminato ternario & simplici unitate, duos illos ternarios invicem copulante constare. Saturni enim dies est ille unus, qui ex ceteris omnibus diebus, in unum quasi fasciculum collectis ac colligatis, diem quietis sive sabbatum producit: ita ut in generationum progressionem nihil amplius praterquam unus ille dies septies numeratus reiteretur, & sic consequenter in infinitum usq; per se ipsum multiplicetur. Observandum quoq; est duplex horum ternariorum discrimen, quorum alius cælestis, alius elementarius existit. Cælestis refert tria principia pura & perfecta: Elementaris autem tria impura & imperfecta: quæ per unitatem copulativam in unum septenarium perfectum & omnibus numeris absolutum reducuntur: veluti videre est ex his circulis & planetarum characteribus: 0 0 0 - 0 - 0 0 0, sive ♄ ♃ - ☉ - ♀ ♁ ♀. (000) Hi tres circuli primi referunt tria principia cælestia. (0) Circulus autem unicus medius, est unitas copulativa.

G 5

(000)

(000) Tres ultimi sunt tria elementaria principia, quæ per medium circulum in unum, uti dictum est, coeunt. Johannes Dee Londinas Anglus, suam monadem hieroglyphicam in octonario demum numero sabbatizare afferit: quæ opinio, si internam rei naturam & proprietatem probè pendamus, nobiscum minime pugnat. Uterq; enim Sabbati dies, tam septenarius Saturni, quam octonarius Solis indicem in essentia conveniunt. Sed hoc tantum discriminis interest inter utrumq;, quod sicut ceremonia & sacrificia veteris testamenti præfigurabant Christum, in Maria virgine, à sancto Spiritu concipiendum, incarnandum, nascendum, occidendum, sepeliendum, resuscitandum, & ad gloriam sive dexteram patris evehendum: nos autem in novo testamento jam Christum non amplius in figura sive typo, sed re ipsa & actu agnoscimus conceptum, incarnatum, natum, occisum, sepultum, resuscitatum, & ad gloriam sive dextram patris sui evectum, & super omnes cælos exaltatum: sic Sabbathum Saturni per septimum diem indicat magnesiā nostram in terra Philosophica seminandam, corrumpendam, digerendam, coagulandam, subli-

Sublimandam, incerandam & figendam:
 Sabbatum verò Solis per octavum diem ean-
 dem magnesiā jam seminatam, corruptam,
 digestam, coagulatam, sublimatam, inceratā
 & fixam, & insuper uno gradu altius, & su-
 pra septimum Saturni cælum exaltatam aper-
 tē commonstrat. Sic igitur sabbatizat nunc
 turba Philosophica, & unusquisq; manet apud
 semetipsum, nullusq; egreditur de loco suo die
 septimo Saturni, ut olim in Judaismo, sive die
 octavo Solis, ut nunc in Christianismo.

HERMES.

Fili carbonem vita extinctum, redde
 aquæ 30. diebus tibi notis, proinde
 tu es rex coronatus, quiescens super pu-
 reum, ab illo auripigmento, humore ca-
 rente. Jam gavisa feci corda audientium,
 sperantium in te, & oculos tuos te intu-
 entes, spe ejus, quod contines.

SCHOLIUM.

Carbonis vita ignis est, quo remoto, corpori
 mortuo similis fit. Nec in Carbone solum,
 sed in cæteris rebus omnibus ignis vitam ex-
 citat, fovet & conservat. Imò vitæ
 essen-

essentia aliud nihil est, quàm purus, putus ignis: non quidem ille crassus & corrumpens elementaris, sed subtilis ille, cælestis, & generans omnia, qui, teste Aristotele, respondet elemento stellarum.

Hic in metallis ob molis corporeæ crassitiæ extinctus, aqua Philosophica, oleaginosa, & sulphurea, resuscitandus est: quod fit, ut author vult, spacio triginta dierum. Numerus certus dierum supra silentio involutus, hic manifestis exprimitur verbis. Sed quamvis aperta dierum hic fiat assignatio: industria tamen artificis in hoc opere plurimum valet. Hic enim potest varijs modis, operis regimen instituere: tum ratione materia, quam accipit: ubi una præ alia perfectioni propinquior existit: tum ratione ignis, in cuius justo ac æquo moderamine consistit totum arcanum & scientia. Si igitur scitè peregeris omnia, ad hanc rem necessaria, regio diademate ornandus eris: quo olim omnes Philosophi præ cæteris hujus doctrinæ ignaris conspicuè emicabant.

Non autem existimes, reges ejusmodi more regum & principum politicorum, externam
poten-

potentia & divitiarum gloriam affectasse,
& occupasse: cum potius pleriq. Philosopho-
rum in spontanea paupertate quiete vive-
re maluerint: quam cella sua molesto & per-
nitioso divitiarum iugo subdere. Unde Ana-
creon Philosophus pecuniam omnem sibi dono
oblatam, Polycrati tyranno restituit: utpote
à qua custodienda plus molestia, quam volup-
tatis senserat. In quo Hermetici, Salvatoris
ac Domini nostri exemplum imitari videntur:
qui coram Pilato apertis fatetur verbis, su-
um regnum non esse de hoc mundo. Ejusmo-
di enim mundanarum deliciarum maximi
contemptores Philosophi, summam volupta-
tem querant ex solo sapientie studio, & rebus
divinis indagandis: tanquam obedientes Sapi-
entis discipuli, qui Proverb. 8. dicit: Doctri-
nam magis, quam aurum diligite: melior e-
nim illius fructus est auro, & lapide precioso,
& genimina ejus argento electo. O utinam
hodiernum seculum id consideraret: non utiq.
sacra auri fame tam plurimi laborarent: qui
postquam magnam auri vim per fas & nefas
corraferunt, eodem postea ad impios & nefa-
rios usus proh dolor abutantur, & sic ex pro-
prijs

prijs nummis sibi ipsis comparant infernum,
& aeternum animae supplicium.

Postquam igitur Philosophus, absoluto opere, potitus fuerit regio isto honore & gloria, super puteum, inquit author, quiescit ab illo auripigmento, humore carente. Puteus est fons Philosophorum, ex quo ipsi hauriunt suum auripigmentum, carens humore, hoc est, aquam suam currentem quidem, sed manus non madefacientem: quam tandiu digerunt & coquunt aliquot ignibus: donec omnis inde humor superfluus separetur & prorsus exiccetur. Credibile sanè est, non levi, sed maxima inde & incredibili voluptate affici artificem, qui tandem voti sui compos, omne id quod hactenus tempore longo, spe dubia, & desiderio summo experivit & expectavit, nunc re ipsa experitur, oculis intuetur, atq; utiliter & fructuosè perfruitur.

HERMES.

Fili notum habeas, quod aqua prius erat in acre, deinde in terra, redde tu quoq; eam ad superiora, per suos meatos non ineptè eam muta: deinde spiritui suo rubeo priori collecto, & parcè eam conjungas.

SCHO-

SCHOLIUM.

Turba Philosophorum inquit: convertite elementa, & quod queritis, invenietis. Sunt enim elementa, ut dicit Philosophus, circulariter converſiva: propterea quod unum elementum cum altero ſymbolizat. Terra enim quæ eſt ſicca & frigida participat ex una qualitatis proprietate cum aqua, quæ eſt frigida & humida. Aer autem humidus & calidus participat cum igne, qui eſt calidus & ſiccus: & ſic conſequenter terra cum igne, quo ad ſiccitatē. Sed unum eſt tantum verum ac primum elementum lapidis, videlicet terra, quæ calcinatione Philoſophicā exaſta, & rarefacta, ſolvitur poſtea loco humido in liquorem ſive aquam turbidam, craſſam, & ponderoſam: hæc ſublimatione ſubtilior reddita tranſit in aerem ſive oleum: quod ſublimationis continuatione totum igneum redditur. Sed ut penitus abſumatur eius ſuperflua humiditas, igne fortiſſimo hoc oleum ultimò reducendum eſt in cinerem ſive terram rubicundam. Et ſic Draco devorat caudam ſuam: & Pelicanus proprio ſanguine, ex pectore emiſſo, pullis ſuis mortuis reſurrexerat.

Hic enim Pelicani sanguis est spiritus iste rubens, de quo author hic loquitur. Nam quo ad colorem, rubicundus non solum est sanguis: sed in corpore etiam humano nullam invenies partem (quamvis is ex partium numero immerito excludatur a medicorum Galenicorum turba) quæ plus abundet spiritibus, quam ille ipse, ita ut a medicis quibusdam præcipua vitæ sedes dicatur. Monet præterea author, parcè invicem conjungenda esse elementa. Leges enim nature sunt inviolabiles; adeò ut exactè & præcisè sint observanda:

Quas ultra citraque nequit consistere rectum. Sed ne quis scrupulosius, quam par sit, de elementorum conjunctione sentiat: nihil cum ipsis conjungitur, quam quod antea separatum fuit: ita ut separationis & conjunctionis unus sit author, & una eademq; causa, efficiens: quæ nihil aliud est, quam Archeus terra, qui in Philosophorum mineris, continuo suo labore operi præsto est. Huic inserviunt Gnomi, qui ex innata scientia norunt, quid separandum aut conjungendum, quidve addendum demendumve sit: ita ut non opus habeant sciolis

sciolis quibusdam consultoribus: qui crassis fatuisq; suis operationibus externis, fecem pro terra, phlegma pro aqua, liquorem pinguiorem & subtiliorem pro aëre, subtilissimum pro igne venditant: hæc, invicem confundunt, miscent & tandiu macerant, donec tandem aut ab acuta illorum penetrandi vi, aut ab ignis externi violentia, vasis fractis omnia vel in cinerem & favillam abeant, vel in fumum evanescant. Et sic quidem crassis stupidisq; ingenijs, crassæ ejusmodi merito conveniunt operationes.

Philosophi verò subtilius quid & dignius sua contemplatione indagantes, relicto externo isto cortice, in solum elementorum nucleum externum & invisibilem eruendum incumbunt. Quem dum ignari isti sycophantæ non percipiunt, insurgunt in Philosophos, eosq; instar canum rabiosorum invadunt, mordent, calumniantur, criminantur: seq; illis longè anteponunt. Quid enim inquiunt, sciat ille doctorculus: qui ætatem ferè totam tantum in scholis & literis discendis consumpsit: qui nondum scit vitrum aut vas aliquod probè sigillare, neq; carbonum attréctatione manus un-

H

quam

quam lasit: Majore labore & sudore opus est, antequam subtilissimi & ingeniosissimi (scilicet) Alchymistarum labores perdiscantur. Hujusmodi quadratum Polypnerum, vidi aliquando in amplissima nostra Parisiensium urbe, qui natione Græcus, sine dubio etiam semper mendax, mala bestia, venter piger; non verebatur oblatrare viro cuidam doctissimo, magno Philosopho, caballiste, mago, & rerum abstrusarum peritissimo: cui sese non solum æquiparabat dicens: quantus tu es in lingua latina Philosophus, tantus ego sum in mea Græca; sed ex contemptu quoque illum in medicis tantum rebus solerter satis versatum esse blaterabat: in Chymicis autem ne secum quidem comparandum impudentissime mentiebat. Idem mihi aliquando contigit in Helvetia, Augusta Rauracorum: cum in diversorio quodam inter prandendum contulissem, cum quodam Germano, viro aliàs literatissimo, qui postquam meas objectiones de arte Chymica solvere nesciebat, & in præsentia aliorum juvenum medicorum, sibi familiarium, præ pudore erubescere, hac rixosa importunitate sua authoritatis salutem vindica-

INFINITUS:

turus: Tu inquit, ut ex sermone tuo intelligo, prorsus ignarus es rerum Chymicarum, nec vel carbonem tetigisti unquam. Ego verò, quia antea ex propria ipsius confessione, illum diu laborando ne tantillum quidem inde percepisse utilitatis, noveram. simpliciter respondi: neq; tot ego inutiles feci sumptus, ut multi solent. Sed si miser ille sci visset, quam paràm veri Chymie indagatores, de mortuis illis carbonibus solliciti essent: quamq; mihi tum temporis labia carbone vivo, ab altari Philosophico per angelicam vel potius divinam inspirationem, ad me perlato, tacta ac tincta fuissent: majori fortè verborum humanitate meam quasi visset amicitiam: neq; tam difficilem sese erga me exhibuisset. Sed antiqua est illa inter homines calamitas: ut semper virtus & veritas, vim patiendo, premantur: vitium autem & mendacium, instar spumæ in hac immunda mundi olla, ebulliendo, semper summa petant. Quis igitur Philosophorum, crudiat aut arguat ejusmodi impios irrisores: nisi fortè sibi ipsi injuriam facere, & maculam contrahere velit? Missis igitur sycophantæ istis,

me nunc converto ad sapientie filios, quibus
 Solis occasionem dabo: & addetur eis sapien-
 tia: justosq; docebo & festinabunt accipere.
 Sciant itaq; sapientie filij, mixtiones nostras e-
 lementorum non esse corporeas, sed spirituales:
 neq; manibus, sed Archei Gnomorumq; opera
 perfici. Hunc igitur Archem cum suis mi-
 nistris, sive spiritibus disce probe cognoscere, &
 haud longè aberis à veritate, mihiq; gratiam
 habebis maximam.

HERMES.

SCito fili, quod terræ nostræ unguen-
 tum est sulphur, auripigmentum, fi-
 retz, & colcothar, quod est sulphur, au-
 ripigmentum, sulphura, & similia, quo-
 rum quodlibet est vilius altero, in qui-
 bus diversitas est. Ex quibus etiam est
 unguentum collæ, quod est pili, ungues,
 & sulphur, de quibus etiam est oleum
 petrarum, & cerebrum, quod est auri-
 pigmentum, de quibus etiam est unguis
 felium, quod est firetz, de quibus etiam
 est unguentum alborum, & unguentum
 duorum argentivorum orientalium,
 quæ

quæ venantur sulphura, & corpora continent.

SCHOLIUM.

Tot ac tam multiplicium nominum enumeration non facit ad aliud, quàm ad cognitionem veræ materie lapidis: Non, quod unum ex istis nominibus, quæ partim nota, partim ignota & peregrina sunt, materiam verè & sine sophismate detegat: sed quod ingeniosi tantum sapientum filij, ex omnibus simul collectis, infallibilem tandem materie veritatem eruere queant.

Inter omnia autem imprimis argentum vivum videtur eligendum. Nam Riplæus Anglus, Philosophus acutissimus inquit: Philosophi vocant argentum vivum, & non vulgare, sine quo nullum existens esse potest. Si igitur nihil sub Sole existit, in quo non reperitur argentum vivum: non absurdè hinc illud omnium rerum nominibus appellare voluit author: circa quod unicum subiectum multi quidem multos labores, vanos & inutiles insumunt, & diu quærentes, nihil inveniunt: sed magis magisq; labyrinthæis sese implicant

vinculis, adeò ut tandem omnem prorsus in
 evadendi amittant commoditatem. Nimia
 enim, inquit Philosophus, festinatio ex parte
 à Diabolo est: & hæc quidem non parvam ip-
 sis erroris præbet occasionem. Siquidem præ-
 cipiti quodam raptu, ab insatiabili habendi de-
 siderio ac cupiditate concitato irruunt in ar-
 tem: & dum illotis manibus, sacra Philoso-
 phia mysteria, quæ temerare aut polluere ne-
 fas est tractare, & re incognita, manuum ope-
 ri admoveere conantur, ordine quodam inver-
 so, sive, ut in scholis loquuntur, per ὕστερον πρὸ-
 τeron, in tantam confusionem illabuntur, ut
 nunquam hinc aliquid laudæ dignum conse-
 quantur. Cum igitur maximopere necessa-
 ria sit perfecta ac solida argenti vivi cognitio,
 antequam quid tentetur in hac arte: propin-
 quior autem & facilior via ad ipsius notitiam
 perveniendi non detur, quàm quæ sumitur à
 virium & facultatum ejusdem contemplatio-
 ne: omnibus hujus profunde Philosophiæ dis-
 cipulis hoc fidele communico consilium: ut o-
 mnium primò animo suo diligentissimè consi-
 derent, perpendant, ruminent, volvant ac re-
 volvant quascunq; illas argenti vivi sive mer-
 curij

curij Philosophici virtutes ac dotes, à Philosophis passim hinc inde in scriptis suis ipsi attributas: per has enim, tanquam per manuductionem, adjuvante simul divina clementia, absq^{ue} ullo dubio pervenient in penitissimam ipsius cognitionem.

HERMES.

AMplius dico, quod sulphur tingit & figit, & continetur, & est per tincturarum connectiones. Unguenta autem tingunt & fugiunt, quæ corpore continentur, quod est fugientium conjunctio uncia sulphuribus aluminaris, quæq^{ue} fugientia continent.

SCHOLIUM.

Distingvit hic author inter tincturam veram sive Philosophicam, & inter fictitiam sive sophisticam. Vera fit ex sulphure fixo & incombustibili, ob quam causâ corpora quoq^{ue} redduntur fixa & incombustibilia. Omnis enim transmutatio sequitur naturam transmutantis, & non transmutati. Necessè igitur est, ut sulphur eligatur optimum ad hanc rem. Vulgare alienum est, quia inficit,

H 4 deni.

denigrat, & corrumpit: habet præterea duplicem superfluitatē, inflammabilem videlicet substantiam, & terream seculentiam. Ergo indagandum aliud erit, quod ignis sit simplex & vivus, quodq; corpora mortua revivificet, eaq; in perfectionem summam, ultimamq; maturitatem perficiat. Tale, inquit Avicenna, non alibi reperitur super terram, quàm in corporibus Solis & Luna: In Sole quidem perfectionis, quia magis & digestum & decoctum. Cum hoc igitur sulphure si tinctura præparetur, deq; infimo obscuritatis gradus per medium catenatim provehatur in supremum usq; dignitatis splendorem & spiritualitatem, quodlibet corpus, igne liquatum, tingit, & tam firmiter corporibus adheret, ut in æternum non amplius ab illis separetur: quia sic tingens & tingendum una tinctura facta sunt. Sophistica verò tinctura, que ex medijs mineralibus, ex sulphure adurente, arsenicali, aluminari, & similibus conficitur, neq; corpora, super que projicitur, neq; suam propriam substantiā ab ignis violentia defendere potest, sed simul cum corporibus fugit, & ab igne evolat in auras.

HER-

HERMES.

Flli inquisita dispositio à Philosophis una est, in ovo nostro : hoc autem in ovo gallinæ minimè invenitur. Ne autem extinguatur in ovo tanta gallinæ sapientia divina, ex 4. elementis compositio coaptata & composita.

SCHOLIUM.

Olli Philosophici descriptio varia hinc inde habetur apud Philosophos : quorum alij substantiam ejus in quatuor partes dividunt, juxta numerum quatuor elementorum, ut hic Hermines noster : & sic putamen est terra : albumen aqua : tenerior pellicula aër : & vitellus ignis. Alij in tres refecant partes, in vitellum, quem sulphuri comparant ; in albumen, quod mercurio simile perhibent ; & in putamen, quod salem significare volunt. Sunt præterea adhuc alij, qui luteum ovi tres rubeos planetas representare volunt : Martem videlicet, Solem & Venerem : album autem quatuor albos, Saturnum, Jovem, Mercurium, Lunam. Ambiens autem putamen esse tanquam cælum octavum, terra sive cinere in

H s combu.

combustibili, tanquam stellis fixis ornatum. Hoc ultimum, quidam ajunt, gladio igneo percutiendum, & in duas partes dividendum esse: ita ut verissimè author sentiat, ejusmodi ovum minimè esse gallina. Rectius aliquis galli, quam gallinae esse dixerit. Si enim vera est historia, qua gallus decrepitus atatis annum septimum vel nonum attingens, ovum parere perhibetur, ex quo nascitur basiliscus, serpens venatissimus, qui solo aspectu hominè enecat: non sanè ovum hoc, tanquam materia prima basilisci, adeò multum distabit à veneno sapientum, & mortifero, sive aqua Draconis, faciente & menstruosa. Ut ut sit, in effectu certè consensum deprehendimus manifestum, ita ut minus sit dubium de simili quoq; eademq; utriusq; essentia.

Hic est sine dubio gallus ille, quem quidam Aesculapio se oblaturum vovit, si per annum à morbis liber maneret. Hanc itaq; ovi cum lapide similitudinem & conspirationem cum viderent tam veteres, quam recentes quidam Philosophi, haud inæptè ejus exemplum in describendo arcano Physico introduxerunt. Sunt autem præterea alie causæ, quibus approba-
tur

provi exemplum. Quemadmodum enim
ovum optimi nutrimenti, bonum, & lauda-
bilem sanguinem generat, vires ac spiritus
vitales impensè corroborat, & candidum
præsertimovi, faciem à Solis adustione tue-
tur: Sic quoque mercurius sapientum debito
modo preparatus & exaltatus si in parva
quantitate sumitur, corpus humanum non tantum
aluit & nutrit, sed ab omnibus etiam præser-
vat morbis: & præterea corpora metallica,
contra omnem vim ignis tuetur: adeò ut eo
tanquam familiari & amico pabulo delecten-
tur, & in eo, liceat mihi cum Philosophis lo-
qui, meliorentur. Videnus porro ovum vi-
tæ prorsus destitutum, & corpus mortuum esse:
à naturali verò gallinæ incubantis calore
vitam recipere, & in certo & definito
temporis spatio, pullum vivum, plumis,
capite, alis, pedibus, & omnibus necessa-
rijs organis ornatum excludere: Non se-
cus ac lapis noster, qui in crasso suo corpore,
nullum vitale documentum præstat, prius-
quam in propria aqua stygia solvatur, & in ea-
dem tanquam in matrice sua, quæ idoneum
ipso

ipsi & moderatum præbet calorem, ad justum
 tempus digeratur. Quo præterlapso, in
 visicum & spiritualem vertitur homuncu-
 lum, sive medicinam præstantissimam: quæ
 tot virtutum energijs excellit, ut miraculose
 omnibus medeatur corporis infirmitatibus; le-
 pram, quartanam, morbum caducum, apople-
 xiam, & omnes morbos, quos vulgus medici-
 rum perperam judicat insanabiles, tollat atque
 perfecte curet. An non hoc est mortuos re-
 suscitare, & mox perituros ex faucibus mortis
 eripere? sive enim ovum spectes vitæ orbatum
 sive metalla imperfecta & quasi mortua, sive
 agrotos languentes & moribundos, ubique di-
 cti veritatem agnosces. Sed consutandum
 hic occurrit eorum error, qui speciem unam in
 aliam transmutari posse negant: ignorantes
 distinctionem illam inter species perfectas &
 imperfectas. Quicquid enim adhuc est in
 motu ad formam, ad quam ultimo ordinatur,
 dici debet imperfectum: cum autem fuerit in
 fine motus, dici debet perfectum. Ovum e-
 nim ratione pulli, dicitur imperfectum: cum
 verò in ovum introducta fuerit forma pulli, ad
 quam tendit natura in ovo tanquam ad ulti-
 mum

num suum terminum: tunc pullus perfectus
erit: & species, quæ antea in ovo erat incom-
pleta sive imperfecta, nunc dicetur in pullo
perfecta.

Sic quoque aurum cum jam pervenerit ad
finem motus, & sic formatum secundum pri-
mam & veram intentionem Naturæ, ipsum
solum dicitur perfectum, & cum reliqua me-
talla sint in motu ad formam auri, dicentur
imperfecta: quamvis formas ad invicem ha-
beant diversas, per quas permanent & termi-
nantur, & sint perfecta quodammodo in sua
specie: attamen non sunt in ultimo termino
motus, in quo est ultima perfectio.

HERMES.

SCito fili, quod in gallinæ ovo maxi-
mum subsidium est, & in natura pro-
pinquitas: in eo namque est spiritualitas
& elementorum collatio, ac terra natura
aurum est.

SCHOLIUM.

Utitur hic author rursus similitudine ab
ovo sumpta: quæ inferre vult, quod, sicuti
ovum gallinæ omnia ad pullum generandum
necessa-

necessaria in se continet: sic quoque, ovum Philosophorum, siue mercurius noster in se habet quævis sibi necessaria. In ovo, inquit, est spiritualitas & elementorum collatio, quæ dicitur appellat maximum subsidium & in natura propinquitatem. Per spiritualitatem autem intelligit facultatem formatricem, spiritum pificem, & primum pulli gignendi auctorem. Is enim ex coordinatione elementorum, quibus utitur tanquam instrumentis, cuncta membra tam avium gallinacea, quam Hermetice, naturali sua & insita scientia disponit, & fatum Philosophicum perfectè elaboratum & omnibus numeris absolutum, tandem in hanc lucem edit: quem author respectu elementarum artificum, terram esse dicit: Terram vero esse aurum, hoc est, opus completum. Præterea si literalem vocabuli (OVUM) anatomiam paulò accuratius examinabimus, inveniemus in eo omnia ad metallicam Philosophiam necessaria. Fiunt enim metalla ex geminis principiis: ex tribus nimirum propinquis: qualia sunt Sal, Mercurius & Sulphur: & ex quatuor remotis: quæ sunt quatuor elementa, ut terra, aqua,

aër,

aer, & ignis. Ut igitur de propinquis
 philosophemur, litera O, Phi-
 losophorum sal sive Sol est: qui pri-
 mum fabricat corpus, quod artifex tracta-
 re, & in quamcunque formam ex natu-
 ra prescripto adaptare potest. Sine sale
 enim in aeternum non coagulabuntur re-
 liqua duo principia, Mercurius nempe &
 Sulphur; propter nimiam ipsorum spiritua-
 litatem, qua praedita sunt. Sal igitur
 hanc habet proprietatem, ut subtilia red-
 dat grossa, incorporea, corporea: occulta,
 manifesta. Unde Philosophus in Turba ait:
 facite corpora non corpora: & incorporea
 corpora: Item, sumite occultum & hono-
 rabile arcanum, quod est magnesies alba,
 & quae est cum vivo mixta, sed non accipia-
 tis eam, nisi puram & mundam, & suo im-
 ponite vase, & orate DEUM, ut hunc maxi-
 mum videre lapidem vobis concedat. Quod
 vero attinet ad duo ista VT, eandem ambo ha-
 bent significationem: & per hanc X, ut vides
 positione, in unam coeunt literam, videlicet in
 X, quae litera apud Latinos idem, quod denarius
 numerus, significat, cuius alias character ex-
 primitur.

primitur per has duas notas IO : quasi dicitur
 unus circulus, vel unica circuli revolutio.
 I enim unitatis manifestus est character
 vero circuli : ita ut per hanc crucem X.
 denarium numerum aliud nihil indicet
 quàm ipsemet Philosophorum Mercurius
 quo supra in nostris hieroglyphicis abunde
 tractatum fuit. M. autem, quia mille-
 rium equipollet numerum : in quo reliquo-
 rum numerorum ultima est perfectio, merito
 sulphuris obtinebit vicem. Est enim sulphur
 ignis, essentia quinta, & spiritus, qui omnia
 vivificat & alterat, & omne germen germinat.
 & omne lumen accendit, & omnes fructus
 florere facit. Quia enim omnia in se possit
 ac complectitur, omnes quoque has functiones
 in naturali rerum œconomia administrat. In
 hac de tribus propinquis dicta sufficiant. Ad-
 demus nunc pauca quædam de remotis, ubi vi-
 demus, **OFULM** ex quatuor literis esse composi-
 tum. Prima igitur litera O refert terram.
 Terra enim Philosophica rotunda esse debet
 & circularis, ut cælum motu suo circa eam o-
 perari, & vim suam in illam mittere queat.
 Nisi enim rotunda esset terra, Sol & alij Pla-
 netæ

nete circa ipsam operationes suas exercere non possent: sed cursus illorum aut in circuitu impediretur, aut velociori motu precipitaretur: ut Paracelsus docet in sua aurora. Dux verò sequentes literæ VU, aquam representant & aerem. Primum verò V, quia consonans est, litera obtusior, imperfectiorem quoque, crassior & obscuriorem aqua qualitatem denotat. Alterum verò U vocalis, hoc est, litera sonantior ac clarior, perfectiorem, subtiliorem, & clariorem aeris significat proprietatem. Est enim aer Philosophorum oleum: quod tincturam imprimit constantem, fixam & stabilem. Aqua verò etiam si madesciendo quoque tingat, levi tamen monito ista tinctura rursus abstergitur. Ultima denique, litera M, ignem manifestè nobis depingit. Ut enim M, millenarius numerus omnia continet: ita quoque ignis omnia tandem in se transmutat, adeoque cuncta ignea, hoc est spiritualia & cœlestia reddit. Si igitur tria illa principia propinqua, sal, mercurius, sulphur; & quatuor hæc remota, Terra videlicet, Aqua, Aer, & Ignis, arte nostra secreta in unum reducantur corpus: septenarium metallorum numerum sive verum
I illud

illud Philosophicum sive magicum electrum conspicuè nobis exhibebunt: in quo omnem naturam mineralem quiescere & sabbatizare, supra luculenter satis ostensum fuit. Ex quibus omnibus palam convincitur: OVUM sibi ipsi ad partem philosophicum producendum sufficere: nec opus habere aliena alchymistaram, suffocantem, & insensatorem hominem in additione.

HERMES.

Filius ad Hermetem inquit: Sulphura nostro operi convenientia quæ sunt, cœlestia, an terrena? Et ille: quædam sunt cœlestia, quædam verò terrena.

SCHOLIUM.

SEquitur hic brevis Dialogus, in quo interlocutores sunt filius & pater. Filius questione proposita scire cupit à patre: num sulphura in opere nostro sint cœlestia, an verò terrena. Ad quæ pater respondens ait: esse ea non uniusmodi, sive ejusdem generis: sed quædam cœlestia esse, quædam terrena: interim tamen in confesso manet: ambo esse sulphura. Per
cælea

cælestia sulphura intelligo Solem: per terrena
verò Lunam. Sol enim est corpus calidum, fi-
xum, rubrum, & incremabile, qui Lunam fœ-
minam suam frigidam, volatilem, candidam
& combustibilem perficit, & in gloria sue so-
liam evehit & exaltat. Quod autem ut fiat,
miscendum est pugnans cum igne eis conve-
niente praeliantur, & amicitia fit constans: ut
mox in sequentibus, pluribus dicetur.

HERMES.

Filius: Pater, puto cor in superioribus
esse cœlum, in inferioribus terram.
Pater. Non est sic: verum masculus est
cœlum fœminæ, & fœmina terra mas-
culi.

SCHOLIUM.

Aliam questionem proponit filius, rogans
num cælestia à celestibus, & terrena sive
inferiora à terrenis gubernentur, foveantur,
& vivificentur. Cor enim vitalis functionis
principium in homine, hic locum vitæ, hoc est,
virtutum formalium in qualibet mundana
distribuendarum obtinet. Sed respondet pater,
quod res non opinioni filij consentanea sit,

sed aliter sese habeat. Cælum enim, inquit, est masculus terra: terra verò femina cæli. Unde optimè cum Hermete convenire arbitror Platonicos, qui cælum intelligunt genitarum gignendarumq; formarum omnium seminibus conspersum: ejus verò animam seminales rationes comprehendere, quas u. divina mens omnes suo quasi sinu gerit. Quicquid igitur mundi universitate comprehenditur, id Deus cælo elementisq; conservandum, ortuq; assiduo continuandum subjecit, ut jam nihil, vel ex semine gigni genitumq; conservari sine cælo possit, nisi quid Deus, ijs quasi ministris omisissis, ex se proximè miraculo efficiat. Quacumq; etiam sponte sua, nullo semine prodeunt, ut stirpes pleraq; & animantes, metalla omnia, omnesq; lapides, ex uno cælo formas proprietatesq; sumunt, quod semper præstò est, & in omnem materiam idoneis preparationibus instructam, formam immittit, qualem illa mereatur. Hæc itaq; cælestis causa præstantissima & nobilissima omnium est formarum exemplar, cujus per omnia diffusa virtus quocumq; penetrat: quam Plato mundi animam, alius quidam datorem formarum, Aristoteles universa-

versalem naturam appellavit. Terra verò est subjectum & receptaculum omnium radiorum influxuumq; cœlestium: ipsa à cœlo secunda, omnium ex se ipsa est gignitiva: omniumq; fecunditatum receptiva, & veluti prima parens, etiam omnium pullulativa, centrum & fundamentum, & mater omnium.

HERMES.

Filius. Pater, quicquid istorum est dignius altero, an esse cœlum, vel terram? Respondit, uterq; altero indiget: mediocre enim propositum est præceptis. Ac si diceres. Sapiens imperat omnibus hominibus: Mediocris enim est melior eo, quod omnis natura cum sua adunatur socia. Invenimus in virtute sapientiæ, quod mediocre coadunatur. At ille Pater, at quid illorum est mediocre. Respondit: unicuique naturæ tria sunt duorum. Primò utilis aqua: deinde unguentum: inferius verò fœx manet.

SCHOLIUM.

S igitur magico quodam matrimonio copu-
 landa sunt cælum & terra: queritur, utram
 præstantius in arte sit, cælumne, an terra? Re-
 spondetur: Neutrum seorsim quicquam præ-
 stare, nisi simul ambo conjungantur. Cum
 verò cælum sit in substantia sua adeò simplex,
 purum, & omnis alterationis expers, ut & hanc
 ob causam ἀσύνθετον ab Aristotele nuncupe-
 tur: dubium hic multis oritur, quomodo possit
 ejus aliqua portio sive particula, huc ad nos
 demissa, commisceri cum terra nostra
 crassa impura, & varijs alterationibus obno-
 xia. Sed scrupulum istum ex animo tibi exi-
 mit Hermes his verbis: Mediocre enim inquit,
 propositum est præceptis. Quid verò medio-
 cre sit, explicat rursus in sequentibus, ubi dicit:
 Vnicuique natura tria sunt duorum: primò u-
 tilis aqua: deinde unguentum: inferius verò
 sex manet. Idem est ac si diceret: Cælum
 & terra non possunt invicem conjungi sine
 medio: non secus, ac anima & corpus, ut alibi
 loquitur, non possunt in unum corpus uniri si-
 ne spiritu. Spiritus igitur mediator legi-
 timus est omnis veri matrimonij tam natu-
 ralis, quàm supranaturalis. Cælum enim
 ob na-

ob naturam suam simplicissimam, ac summam perfectionem, est instar animæ. Vt igitur cælum sive anima cum terra sive corpore naturali unionis thoro copuletur, necessario spiritus, qui cum utroque participat, & propterea mediocris, hoc est, non simplex & purus nimis, neq; nimis crassus & impurius ab Hermete vocatur, suo intercessionis jure & autoritate hanc copulationem firmam ratamq; efficiat. De hoc spiritu ita loquitur Marsilius Ficinus lib. 3. de vita, cælitus comparanda cap. 3. Spiritus iste, inquit, est corpus tenuissimum, quasi non corpus, & quasi jam anima: item quasi non anima, & quasi jam corpus. In ejus virtute minimum est natura terreæ: plus autem aqueæ: plus item aëreæ: rursus igneæ stellarisq; quam plurimum. Hactenus ille.

Hic quoq; Hermes noster trium facit mentionem: Aquæ, unguenti, & facis. Solam autem aquam utilem ponunciat: facem autem ait in fundo tanquam inutilem residere: unguentum verò ad utrumq; ambigens in medio relinquit. Est igitur unguentum Spiritus ille, qui manet in medio:

aqua verò siue anima in cælo, & corpus siue terra in fundo.

Iterum anima defecata sola in cælum ascendit, quia, prius de cælo descendit, juxta illud Johan. 3. Nemo ascendit in cælum, nisi qui descendit de cælo, filius hominis, qui est de cælo, mediator videlicet & salvator generis humani, Dominus noster JESUS CHRISTUS, qui spiritu suo salvifico, hominem in tenebroso hujus corporis ergastulo illuminat, & in vitam æternam tingit. Is enim est vera lux mundi, cujus unica guttula totius mundi tenebras in meram lucem, ipso Sole septies clariorem, convertit: & ut nemo minus verè, quàm eleganter pièque canit Poëta:

— — — — — cujus de lumine lumen
Omne micat, sine quo tenebrescunt lucida,
de quo
Lucescunt tenebræ, atq; in amentæ noctis imago.

Et Solomon Rex lib. Sap. cap. 7. inquit. Is est candor lucis æternæ, & speculum sine macula DEI majestatis, qui omnia innovat, & per nationes in animas sanctas se transfert, amicos.

DEA

DEI & prophetas constituit: quique speciosior Sole, & super omnem dispositionem stellarum luci comparatus invenitur prior. Quemadmodum igitur Christus, almo suo ac divino lumine hominum corda accendit, illustrat, & salutaris sacrosancti Spiritus igne purificat: Sic quoque lumen Natura, omnia hac inferiora, mundana & naturalia non tantum illuminat, fovet & conservat: sed accedente saltem elementorum separatione, miranda quoque prestat non tantum in metallis repurgandis, sed vim quoque, habet maximam in lapidibus expoliendis & exaltandis, quos per multorum temporum circumvolutionem, in cœlestem ac cristallinam claritatem perfectè convertit.

HERMES.

DRACO autem in omnibus his habitat: Ejus autem domus sunt tenebræ & nigredo in eis, & per eam in aërem ascendit, qui est eorum cœlum ex suo oriente: dum autem fumus eis permanet, non sunt perpetua. Sed ex aqua fumum deponit, & ex unguento nigredinem, & ex face mortem. Et habita
dico

lutione munere triumphali, quo scilicet possessores vivunt.

S C H O L I U M.

Diximus jam de cælo & terra, deq; eorum matrimonialis conjunctionis medio, ac videlicet sive aqua, quam spiritum appellavimus. Est enim aqua nihil aliud, quam aër coagulatus: Aër verò est spiritus ille vitalis, cuncta permeans entia, omnibus vitam & consistentiam præbens, ligans, movens, & implens omnia. Unde senior Philosophus: Aër, inquit, est ex aqua nec separatur ab ea, & ex ambobus consistit vita uniuscujusq; rei. Videmus enim non raro ex aquis stagnantibus, fetentibus, & putrescentibus statim irfieri aërem, qui ex tanta corruptione terram confinem omnem inficit, omnisq; generis febres ardentes, pestilentes, aliosq; similes horrendos affectus inducit, qui nullo remediorum genere à medicis curari possunt. Quod cum animadvertenter nonnulli sagacioris ingenij medici, huic malo sola causa ablatione succurrendum esse judicarunt. Aerem itaq; venenatis & noxijs vaporibus contaminatum, magno lignorum incendio expiarunt, & tam exquisitè

quisitè repurgarunt, ut sublatis prorsus pestilentibus istis & nocentissimis halitibus, serenam, claram, optimam & saluberrimam efficerent aëris substantiam. Idem usu venit cælo nostro Philosophico, quod in resolutione sua prima sive putrefactione adeo horrendè inquinatur, ut tanquam venatissimus Draco suo attactu omnia inficiat: Vnde etiam dicitur in tenebrosa domo habitare: nigredinem, fumum, facem, & mortem ipsam in se possidere. Quamdiu igitur cælum ita infectum manet, in primam naturam simplicem, puram, fixam, & perennem redire nequit.

Quamobrem author precipit, ut Draco per nigredinem ascendat in aërem: quod vix continget, ob ejusdem crassam & ponderosam corporis molem: quæ non sursum tendet, priusquam ignis vi & potentia in vitro Philosophico resolvatur in aëream & vaporosam substantiam: & ita soluta frequenti aëris ventilatione exactè perpurgabitur: & primævam cæli naturam recuperabit. Quem finem si assecuti fuerint artifices, DEO imprimis hymnum canentes, cum latitia piè exultabunt.

HER-

140 DE LAPIDIS PHYSICI SECRETO
HERMES.

SCito fili, quod unguentum medio-
cre, quod est ignis, est medium inter
facem & aquam, & perscrutator aquæ,
quia unguenta & sulphura dicta sunt,
quia inter ignem, oleum & sulphur
proxima propinquitas est, quia quem-
admodum ignis accendit, sic & sulphur.

SCHOLIUM.

Author ipsemet jam explicat dubium,
quod oriri possit ex vocabulo mediocris:
& dicit esse ignem. Quanta autem sit vici-
nitas vel potius identitas inter ignem, oleum
sive aërem, quem supra spiritum esse diximus,
& sulphura: (qua omnia cum ignis natura
participant) quod author probat ex omnium in-
flammatione, quam in momento, admoto ig-
ne, concipiunt tam apertis hinc ab ipso met Her-
mete declaratur verbis, ut si pluribus in ijs elu-
cidandis immoraremur, vel ipsissima & evidē-
ti veritatis luci, tenebras potius offunderemus.

Sedulo tamen advertendum interim est
tam hinc quam alibi, quod ex sulphuribus, de
quibus Philosophi loquuntur, ea tantum sint
eligen-

eligenda, quæ principijs suis sint propinquiora. Sicut enim, teste Hippocrate, calore naturali magis abundant infantes recens nati, & vix ab uberibus nature ablactati, quàm adultiores: ita inter sulphura rerum, quorum differentia longè latèq; se extendit, nobiliora & præstantiora sunt ea tantum, quæ primitiva sive mercuriali origini sunt viciniora, quàm quæ longius hinc recesserunt. Propinqua autem sunt, quæ extrahuntur ex ipso mercurio, auro & argento. Remotiora, quæ ex reliquis metallis: Remotissima verò, quæ ex cæteris mineralibus, omnibusq; animalibus & vegetabilibus educuntur.

HERMES.

SCito fili, quod omnes sapientiæ, quæ in mundo sunt, huic meæ sapientiæ subditæ sunt. His in mirabilibus occultis elementis, artes casuum sunt, quas finita & consecuta est. Oportet igitur illum, qui introduci vult in hanc nostram occultam sapientiam, arrogantiam viri, à se expellere: & pium & probum, & profundæ rationis esse, hominibus propin-

pinquum, sereni vultus, salutare diligenter, & sibi patientium arcanorum esse observantem.

SCHOLIUM.

Quod hodiè apud nos Philosophiæ, id olim apud vetustissimos Philosophos sapientiæ studium appellatum fuit. Dicitur autem Pythagoras primus fuisse, qui tam splendidum & magnificum sapientis titulum recusavit: & ex singulari quadam modestia maluerit sapientiæ amator sive Philosophus, quàm sapiens saluari. Cui astipulatur Theodorus, & Zvingerus, magnum illud Germaniæ lumen, volum. 3. Theatr. vit. hum. Sapiens, inquit, solus Deus. Huius amator est, & imitator Philosophus, in intelligendo simul, & agendo. Amat, ut potiatur; imitatur, ut exprimat. In hanc sententiam quoque canit stellatus sive renatus ille Poëta Marcellus Palingenius in his versibus:

— — O demens, reperiri quî sapientem
Possè putas quenquam in terris: sapere ille videtur,

Qui minus est alijs stultus, licet insipiens sit.
Convenit haud dubiè solis sapientia divis.

Hic

Hic igitur quando Hermes ait, omnes sapientias in mundo, suae sapientiae subditas esse, intelligendum id est, de omnis generis scientiis & artibus sine disciplinis, quas ut supra cap. 1. demonstravimus, sub se complectitur unica Philosophia Hermetica Theophrastus Paracelsus, magnum illud Philosophorum & medicorum fulmen, ex eodem Hermeticae Philosophiae fundamento doctrinam suam aliquot centum, librorum commentariis comprehensam deduxit: & ex Philosophica libertate saepenumero Chymiae nomen tribuit Philosophiae nomini. Hinc confusio & confusio, in tradendis artibus inique a nonnullis accusatur. Sed si ejusmodi censores rectè affecuti fuissent Paracelsi consilium, procul dubio non tanta reprehensionis praecipitatione in eum furrexissent. Jacobus Zvingerus filius Theodori, vir alias doctissimus & in Philosophia tam Hermetica, quam Peripatetica solerter admodum, & felici ingenio versatus, Paracelsum ait confusè & indistinctè nimis has tradidisse artes, easq. serè omnes sub una Chymia complexum fuisse:

cum

cum tamen diverso considerationis respectu singula consideranda fuissent. Chymia enim dicit sua esse principia peculiaria; item Physica Astronomiae, Theologiae, ceterisque artibus, su quoque ab alijs diversa esse. Sed posito hoc, ita esse: quomodo verò poterit quæso aliquis Chymia ignarus, solide perscrutari Physices principia, quæ juxta communem philosophantium opinionem, sunt tantum mera hominum somnia, utpote quæ omni certitudinis fundamento carent, nec quænam, aut qualia illa sint, verè aut perfectè sciri potest, nisi accedat Chymicus, qui ad oculum demonstret horum certitudinem. Astronomi quoque in prognosticis & divinationibus sæpenumero adeo à vero scopo aberrant, ut illorum fides nostro seculo valde periclitari ceperit, idque ob nullam aliam causam, quam quod Chymia imperiti ex astrorum superiori tantum firmamento affixorum, & longissime hinc dissitorum viribus, situ, & constellatione, futura prædicere conantur: in quo tamen turpiter falluntur. Multò enim certior prognosticandi ratio sumitur ex illa Astronomia, quorum principia, Chymica demonstratione adeo sunt stabilita, ut non nisi insensatus &

tus & mente captus illa negare ausit. Astra enim Chymicus non longè hinc distantia, sed propè ante pedes jacentia contemplatur, imò non manibus tantum illa tractat, sed ascendentium quoq; infortunatorum & malignorum cursum, hùc illùc, prout vult, impellit, omneq; malum in tempore praeavet, & arte ingeniosa depulsat. In Theologia verò si forte incredulus quidam ac sacrarum literarum rudis & ignarus, quales olim fuere gentiles pleriq;, DEUM negaret, divini numinis potestatem, maiestatem, & gloriam tam perspicuè, & sine omni hesitationis scrupulo demonstrabit Chymicus, ut quasi vi aliquis ire cogatur in confessionem DEI alicujus opt. max. cujus potestas & magnificentia sit infinita & immensa. Sic consequenter judicium esto de ceteris quoq; omnibus prope modum disciplinarum generibus.

Quod cum ita sit, maximam sane Chymiae dignitatem & excellentiam esse nemo inficiabit. Este nim illa fax & lumen, cujus splendore, artium & scientiarum veritas, quae aliàs pseudo doctorem vitio in profundo & tenebrosomendaciorum pelago demersa jacet, eluètari
K & clarè

& clarè illucescere incipit : Et sicut nihil repe-
 ritur, quod, teste Psalmista regio, se abscondat
 à calore Solis; sic nulla est ars & scientia tam
 ambigua & fallacibus fundata principys, que
 non per Chymia scientiam, tanquam ad lapi-
 dem Lydium, probetur : & abstrusa, ejus
 & abscondita, veritas in lucem tandem
 revocetur. Merito igitur reliquæ scien-
 tia, hanc tanquam suam dominam ac Regi-
 nam agnoscant, eiq, ut decet, ancillentur, ac
 ministrent. Mirantur multi, cur Chymici
 authores, artem suam tam multiplici scriben-
 di stylo prodiderint : terminos sive vocabula
 artes mutuantes modò à Physicis, modò ab astro-
 nomis, geometricis, arithmeticiis, medicis, theolo-
 gis, &c. Causam si nescis, dicam. Chymia per se
 simplex, perfecta, circularis, universalis, am-
 plissima, magnificentissima, & regia, sola in
 supremo artium solio constituta, ceterarum ar-
 tium seu scientiarum operâ & ministerio, tan-
 quam regina famulabus & pedisequis suis u-
 titur : unde etiam ipsa mirabili consensu &
 conspiratione in hujus unius domine sue mini-
 steria promptissimè unaq, concurrunt & con-
 fluunt. Sed qui crasso sunt & hebeti ingenio,

con-

consensum hunc in artibus vix olfacient, nec quantumvis praeconi capere satagent: Unde etiam sibi non temperabant a bonorum vituperijs. Quibus vero

E meliore luto finxit praecordia Titan:
ita ut ab omni mentis vertigine liberi & immunes, artium & disciplinarum naturam penitus inspiciant, hi aequiori animo in Hermetem & Paracelsum erunt, & Chymiam artem nobilissimam sua eminentia & dignitatis laude non tantum non privabunt, sed tantorum etiam virorum institutum, tanquam laudabile, nec sine gravi receptum ratione, comprobabunt.

Nullum plane dubium est, quin Zvirgerus, vir alias acuto & perspicaci ingenio, hanc veritatem iam dudum sat perspectam agnitamq. teneat: interim tamen, dum in Peripateticorum placitis liberior versatur, in ij. quicunque tutandis sibi quon. partem aliquam vendicat, videtur in hoc D. Pauli exemplum imitari, qui, ut multos lucrifaceret, multis similis factus est. Reliqui vero, qui sine rei cognitione, de tam praeclaris mundi luminibus, tanquam caeci de coloribus, perversi iudicii sui vererum expunt,

1. 2

similes

similes videntur canibus ad venationem ineptis, qui licet magnum quidem latrando excitent strepitum, nihil tamen capientes plus nocent, quam prosunt. Sed omisis his, nunc ea, quae in textu sequuntur, breviter perstringenda aggrediemur. Enumerat author quadam artificis requisita: & primum necessarium esse, inquit, ut is, qui occultae huius sapientiae lumen intueri cupit, sit ab omni superbia & arrogantia alienus. Superbus enim resistit DEUS, & humilibus solis largitur suam gratiam.

Deinde pius sit & probus. Nihil enim homini pietate ac probitate utilius, quibus & DEO & hominibus se commendat. Sit praeterea acri & profundo ingenio praeditus: sine quo vix se extricare poterit ex perplexis illis & salebrosis Philosophici labyrinthi cassibus. Humanitatem etiam & comitatem erga homines, in alloquijs & salutationibus frequenter exerceat: & deniq. sibi concredita a DEO vel a praeceptoribus arcana non temere in vulgus diffundat, nisi DEI in se iram concitare, & in praesentissimum vitae discrimen, se ipsum petulantiter conjicere velit.

HER-

HERMES.

ET hoc scias fili, nisi sciat mortificare, generationem inducere, spiritus vivificare, mundare, & lumen introducere, quousq; bellentur, incolorentur, & à maculis mudentur, velut à nigredine & tenebris, nihil scit, nec ei perficitur: si autem hoc sciverit, magnæ dignitatis erit, adeò ut reges ipsum venerationentur. Hæc arcana fili, oportet nos custodire, & ab omnibus improbis & insipientibus celare.

SCHOLIUM.

Mortificare Philosophus significat in partes suas dissolvere ac putrefacere. Senior enim Philosophus: Scias, inquit, quod non sit generatio absq; corruptione: unde studeas in putrefactionem. Et alius Philosophus in Turba: putrefactio, inquit, est maxima, & attrahit maximum arcanum. Magnetica hæc arcanorum attractio, in omni generatione naturali perspicue relucens, & non nisi Philosophia mystis & initiatis doctrina filiis cognita, multa ubiq; operatur admiranda in Natura.

K 3

Per

Per hoc enim medium, tanquam per s. al. am Jacobi, fit in magno mundi alembico continuus elementorum ascensus & descensus, & unius in alterum conversio: ita ut inferiora cum superioribus arctissimo matrimonio se de re invicem copulentur, & tandem illa per hæc perficiantur. Quod matrimonium rectè à Paracelso, magno libi sup. o. um artifice, Camahæa dicitur. In principio itaq. generationis, in putrefactione videlicet, spiritus vitales languidi adhuc sunt & debiles, adeò ut prorsus mortui v. deantur: qui ex digestionis continuatione indies magis magisq. corroborantur, & quasi reviviscunt, & ad summum reparati novum recuperant perfectionis lumen: quo l. sua claritatis efficacia, omnes maculas & inordinem s. ve tenebras in corporibus abstergit ac delet, non secus ac Sol discutit & pellit nubes: ipsisq. colorem inducit fulgentissimum, & splend. dissimum: quo inducto opus suum perfectum habebit artifex, & dignus erit, qui regis afficiatur honoribus. Hunc autem scopum nisi affecutus fuerit, in vanum laboravit omnia.

Ecce

*Benè igitur operanti, benè erit, Regesq;
illi favebunt, maximisq; ornabunt dignitati-
bus. Tandem conclusionis loco, in hoc para-
grapho, addit author communem illam admo-
nitionis formulam, de arcano ab improbis &
indignis celando: quàm ideò tam frequen-
ter repetit, ne cœleste sophici silentij sigillum
fortè frangatur, & sic ars nostra sacratissi-
ma in impiorum manus delapsa, nefariè pro-
fanetur.*

HERMES.

ET scias fili, quod lapis noster ex plu-
ribus rebus, & varijs coloribus, & ex
quatuor coadunatus & compositus est
elementis, quæ nos oportet dividere, &
per membra scindere, & artus sequestra-
re, partim mortificare in eo naturam,
quæ in eo est, aquam & ignem in eo ha-
bitantem custodire, qui ex 4. elementis,
& eorum aquis, sua aqua continere, sci-
licet, quæ non est aqua, forma, sed ignis,
aqua ascendens, & continens in va-
se sincero, & ne fugiant spiritus à

K 4 cor-

152 DE LAPIDIS PHYSICI SECRETO
corporibus: nam sic tingentes fiunt &
permanentes.

SCHOLIUM.

ELementorum divisio & compositio, in la-
pidis & metallorum generatione, nulla
poteſt ſimilitudine melius explicari, quam per
oleorum Chymicorum preparationem. Ut
igitur rem penitus à capite ad calcem uſq; acu-
lis ſubſiciamus, exempli loco proponemus, olei
baccarum juniperi conſeſtionem: quam ali-
quis vix aggreditur, niſi primò omnium ex
ſemine juniperi è terra naſci inſtituerit ar-
buſculam ſive juniperum, quæ in primo anno
ſterilis, non niſi caudicem, ramuſculos & fo-
lia proſert, quæ omnia tanquam partes craſſi-
ores terra vicem obtinent. Et hæc eſt prima
lapidis operatio, quæ ejus dicitur putrefactio
ſive ſolutio in terram. Anno ſequenti ſe-
cundo pergit Natura operari in arbuſculam,
& nulla accedente alia cultura, vel extraneo
auxilio, niſi Solis tantummodo calore natu-
rali, juniperus incipit ferre flores cineritios
quaſi & ad album colorem inclinantes, qui te-
neritudine & mollitie ſua aquam repreſen-
tant.

tant Philosophicam: vel lapidem in elementum aque resolutum. Sic anno tertio, Natura robur magis magisque crescit & augefcit in arbore jupiperi, quæ in tertia revolutione annua (annus enim producit non ager) flores illas in bacculas albicantes commutat: juxta illud Philosophorum axioma: Corruptio unius est generatio alterius. Ejusmodi bacculæ jam continent quidem in se oleaginosam quandam pinguedinem, sed crudam adhuc, neque satis decoctam. Unde aëri comparande veniunt. Quarto & ultimo anno candentes illæ bacculæ vertuntur in baccas nigras, qui color consummata in illis, & perfectæ maturitatis signum est: ultrà quem natura sine artis auxilio operari amplius nequit. Continuato enim hætenus digestionis tempore tam exquisitè à Natura igne sunt excocta & maturata, ut igneæ naturæ participes reddite, totæ in ignem evaserint: adeò ut per se altiore elementorum ordinem ascendere nequeant, nisi arte adjuvantur. Quoniam autem admixta adhuc corporea crassities in his baccis, spiritualem & igneam medicinæ essentiam multum impedit, adeò ut tardius pe-

K s

netran-

netrando vires suas in corpore acri, non libere exerere possit: artis adminiculo adhibito, corporea ista & inutilis substantia inde separanda est: ita ut interior tantum & purior Natura vis, qua sola, juxta Hippocratem, morborum mediatrix est, in oleo subtili, penetrante & juvante relinquantur. Quod oleum Chymico artificio ita preparatum, non amplius in se continet crassitiem ullam, nec igneam aut corrumpentem habet naturam, sed aetheream & caelestem, purissimam & subtilissimam: sic enim tinget corpus humanum in sanitatem summam, & in eo statu diu cum eo permanebit. Quicumque igitur cupit elementorum divisionem & compositionem in magno Philosophorum opere exacte instituire: is sibi exemplum hoc, de oleo juniperino ante oculos ponat: naturam sequatur, & cessante natura, artem sibi operis adjuvantem sociam adsciscat. Ars autem, teste Bernhardo comite Trevisano, Naturam solo igne adjuvat.

HERMES.

Obene-

O Benedicta aquina forma pontica,
 quæ elementa dissolvit. Oportet
 autem nos cum hac aquina anima, ut
 formam sulphuream possideamus, aceto
 nostro eam miscere. Cum enim aqua
 potentia, compositumque; solvitur, clavis
 restorationis est. Tunc ab eis mors, &
 nigredo fugiunt, & sapientia proce-
 dit.

S C H O L I U M.

Magna vis ac potestas inest aqua Philo-
 sophica, a eo ut merito benedicta dica-
 tur. Satis enim laudari, aut verborum enco-
 mijs depradari vix potest. Sicut enim aqua
 fontana sordes rerum abluat externas: ita hæc
 aqua elementa non tantum dissolvit, sed quoque
 internas corporum impuritates aufert, & jun-
 cta aceto Philosophico, elicit ex ipsis sulphur
 incombustibile, quod per projectionem imper-
 fecta metalla tingit in aurum & argen-
 tum.

Hæc aqua est clavis artis, qua quod sapius
 aperiuntur, hoc est, solvuntur corpora, eò
 magis coagulantur, eòque sunt nobiliora.
 præstant.

præstantiora & perfectiora: adeo ut nullum prorsus vestigium mortis, nigredinis & imperfectionis amplius in ipsis remaneat.

Hujus aquæ præparatio paucis cognita est, propter artificij ingeniosam subtilitatem: quam vulgares illi Alchymistæ in suis destillandis aquis minimè adhibent.

Quicquid enim in hac arte absq. Natura simul adjuvantis adminiculo præsumitur, opus vanum & irritum est. Aquarum enim sortium, regiarum, aliarumq. similium ponticitatem, & solvendi v. l. alterendi potius facultatem habentium, & propterea artifabris etiam usitatarum præparatio, tam aliena est à vera Chymia, ut major sit similitudo colorum in Aethiope & Dano, quam in Sophistica illa & in vera præparatione. Rectam itaq. veramq. præparandi rationem non à magistris sed ab ipsa natura discendam planè arbitramur. Videmus enim ipsam ex profundis montium abyssis ad nos mittere rivulos aquarum, præstantissimis omnis generis virtutibus ac donis, tam ad Chymiam, quàm medicinam præditarum: quarum præparationem ipsa sola absq. ullo consiliario absolvit. Hujus generis
fons

Fons habetur in Ungaria, cujus aqua facultatem habet omne ferrum in cuprum transmutandi. Sunt præterea alij, in quibus si lignum ad tempus certum detinetur, indurescit & vertitur in lapidem. Similem ferè fluvium quendam in Thracia quoq; inveniri, auctor est Ovidius his versibus:

Flumen habent cicones, quod potum saxea reddit

Viscera, quod tactis inducit marmora rebus.

Præter thermas autem & acidulas infinitas, quæ passim in Gallia nostra & tota Europa occurrunt, super in superiori Germania, in Misnia videlicet, propè Schnebergam urbem, sicut à quodam Germano amico ad me per scriptum est, fortè fortuna à quadam muliere egrotante per somni beneficium inventæ sunt acidule: quarum effectus in multis morbis gravissimis percurandis summo perè predicantur.

Ad harum & similium aquarum præparationem nullus unquam accessit Pharmacopæus, nullus deploratus Alchymista: & nihilominus tamen Natura solers ac sagax simplici sua operatione, opus produxit multò artificiosius ac ingeniosius: quàm pomposis & bullosis suis receptis

ceptis & processibus, ut vocant, unquam præ-
 staret omnis jehasiariorum & sophistarum
 cohors. Philosophi dicunt: ignis & azoth ti-
 bi sufficiunt. Disce igitur primum a Natura,
 azoth sive aqua istius philosophica prepara-
 tionem. Hanc postea aquam preparatam, si-
 ve artificialiter adjuvante Natura produ-
 ctam, simplici operatione, ad imitationem e-
 jusdem Natura in igne solo coques, nec te tra-
 deat: & sic haud dubiè optatum finem conse-
 queris. Hac quidem operatio sive coctio sim-
 plex quidem est & linearis, sed tamen non ru-
 stico planè modo sive ingenio perficienda. Igi-
 tar antea dixi, simplicem illam quidem esse, sed
 absconditam & paucis cognitam, hoc est, inge-
 nio am. Qui igitur ingenio valet, in ea stu-
 diosè & facilius indaganda, spretis in crim-
 inibus sophisticorum processuum ambagibus,
 haud frustrabitur: sed hac ipsa occasione,
 in profundissima alia Natura secreta &
 penetrat a penitus
 introibit.

Finis cap. secundi.

CAPL

CAPITVLVM

TERTIUM.

HERMES.

SCito fili, quòd Philosophi nexibus
ad pugnandum contrà ignem, vincu-
lant roboratis, quia spiritus ablutis cor-
poribus, desiderant inesse, & ipsis gau-
dent Habitis autem ipsis, ipsos vivifi-
cant, & in eis habitant, & corpora eas
continent, nec ab eis unquam separan-
tur.

SCHOLIUM.

UT spiritus cum corporibus perfectè unian-
tur, & arctissimo consederationis vin-
culo invicem conjungantur, corpora priùs cum
azoth & igne mundanda & abluenda sunt.
Est enim ablutio nigredinis terminatio, vel
mundatio, donec album fiat perfectè al-
bum, & rubeum, plenè rubeum. Mun-
datis hoc modo corporibus, spiritus ex na-
turali quadam propensione trahuntur in il-
lorum amorem: quo ardentè inflammati,
subire

subito cum corporibus commiscantur, & sic ambo tam indissolubili societatis vinculo invicem colligantur, ut in aeternum amplius non separentur.

Sed noli existimare, hanc copulationem esse fortuitam; sed quia tanta inter corpora & spiritus intercedit affinitatis propinquitas: facile ineunt hoc perenne invicem & indissolubile amicitiae fœdus. Ab uno enim fonte & principio prodierunt ambo. Corporibus autem priores & hinc etiam nobiliores, & prestantiores sunt spiritus, qui corpora, sive, ut Marsilius Ficinus loquitur, escas sibi congruas, quibus allicerentur, effecerunt: & semper libenterq; habitant in eisdem.

HERMES.

TVnc elementa mortua vivificantur; & corpora composita tingunt, & alternantur, & mira opera permanentia operantur, ut inquit Philolophus.

SCHOLIUM.

Domus, ut loquitur Paracelsus, per se semper mortua manet: soli vero inhabitantes vivunt. Sic corpora metallorum sunt domicilia

micilia suorum spirituum, qui, dum à corporibus recipiuntur, terrestrè illorum corpulentiam paulatim attenuant, corrigunt, & vi sua vivificandi, vitam in ipsis sopitam excitant. Vita enim in metallis latenter quiescit, nec vim suam ostentare potest, priusquam corpora exaltata, & in spiritum (spiritus enim solus vivificat) versa fuerint. In hanc dignitatis ordinem adducta, tum demum perfectionem quoque reliquis imperfectis corporibus, ex ea, qua pollent, superabundanti tingendi virtute & facultate, communicabunt: & attractu suo omnia in fixam & permanentem transubstantiabant naturam. Hac autem est proprietas medicinae nostrae, in quam corpora redacta sunt, ut ejus una pars primum tingat corporis imperfecti partes decem: deinde centum: tertio mille: quarto decies mille, & sic fiat progressus in infinitum. Ex quo manifestè elucet summa verbi istius efficacia, quo Creator creaturam universam affatus, dixit: Crescite & multiplicamini. Quanto enim magis solvitur medicina, tanto magis crescit in virtute & potentia: quae aliàs sine solutione in simplici suo perfectionis statu permaneret.

L

ret.

ret. Fontes igitur cæli & divina misericordia sunt aperti qui nullo ingenio humano exhauriri possunt: nihilq; a nobis desideratur aliud, quam ut vasa debita adhibeamus ad excipiendam tam salutarem ac divinam aquam, quæ ex istis premanat fontibus. Non enim deficient, quousq; hoc mundi seculum durabit: hoc verò transeunte & cessante, DEUS omnium fontium rivulos rursus in se contrahet: nec amplius ipsos emanare aut effluere permittet. Sic gratia fons inexhaustus erga genus humanum est Christus, ex quo quanto sæpius potamur in hoc seculo, tanto magis crescimus in spem, fidem & charitatem erga illum.

Debemus igitur sedulo operam dare, ut assiduo ferventq; pietatis exercitio, sacroq; penitentia igne corda nostra soluta quasi & aperta, indies hauriant tam saluberrimam vivificantq; huius fontis aquam. Quicumq; enim in hoc seculo gratia, cum virginibus prudentibus non sibi comparaverit huius aquæ thesaurum & copiam sufficientem ad vitam æternam consequendam, is frustra emptionem illius, cum fatuis istis virginibus in altero sperabit mundo.

HER.

HERMES.

Oaquina forma permanens, regalium creatrix elementorum, quæ tuis fratribus regimine mediocri tinctura habita, & juncta quiescis.

SCHOLIUM.

Quod author hic lapidis materiam non simpliciter aquam nominet, sed aquinam formam: in illorum gratiam factum est, qui aquæ nomen audientes, de aqua communi aut artificiosis, nescio quibus, gradualibus, tingentibus, solventibus, & similibus ipsum locutum, falso sibi persuadere potuissent. Multi enim adhuc hodiè reperiuntur, qui aquas elicere conantur non tantùm ex metallis & medijs mineralibus, sed & ex lapidibus, silicibus, & sexcētis similibus rebus: quibus perperam utuntur ad sua magisteria sophistica. Author igitur dedit opera non simpliciter aqua, sed aquinæ formæ mentionem facere voluit. Sed plurimus numerus est eorum, quin inter eos etiam, qui Philosophia titulum sibi solis hodiè in Academijs arrogant, qui hanc aquæ essentiālem formam, de qua author loquitur, ne per transfennam quidem adhuc aspexerunt:

L 2

ac pre

ac pertransennam quidem adhuc aspexerunt, utpote quam imperscrutabilem fere omnes falsi opinantur: sibiq; prorsus incognitam esse ultro profitentur: Et nihilominus videri volunt Philosophi summi & excellentissimi. Ego vero contrà, de illis sic statuendum aestimo: quòd quicumq; substantialem formam ignorat, principia ut etiam scientia naturalis ignoret, necesse sit. Quanta igitur illorum in hac Philosophia parte scientia sit, alijs nunc iudicandum relinquo.

In uno ambo peccant tam alchimistici, quàm Academici sophistae. Cum enim inquirenda rei veritas erat ex essentiali Natura l'iro, tanquam quodam lumine certam ac veram ad naturalis scientiae fontem viam monstrante: ipsi hac luce neglecta defecerunt ad inanes & frivolas gentiliū & sophistarum opiniones, ex quibus nullam hactenus certitudinem haurire potuerunt, nec in posterum haurient unquam. Et sic dereliquerunt fontem sive venam aquarum viventium, & foderunt sibi cisternas, cisternas dissipatas, quae continere non valent aquas. Jerem. cap. 2. Si nescis fontem, ex quo vivificam illud deorum nect̃ar & Am-

& Ambrosia, siue aqua viua profluant: Ecce
quæso, quid Esther cap. 10. in suo libro dicat:
Parvus, inquit, fons est, qui crevit in fluuium,
& in lucem Solemque conversus est, & in aquas
plurimas redundavit. Hic arrige aures Chy-
miophyte. Sin verò minus capax es tantorum
mysteriorum, quæ in enumeratis his verbis
compendiosè comprehenduntur, audi Bernhar-
dum Trevisanum, de hoc fonte fusiùs ita lo-
quentem: Fons, inquit, est valde mirabilis &
terribilis virtutis, præ cæteris omnibus totius
mundi fontibus. Pertinet autem ad regem
solum huius patriæ, quem fons optimè novit,
& ipse fontem: Relucet insuper fons iste clarus
velut argentum, & cælestis est coloris. Hæte-
nus ille. Est itaque aqua ex hoc fonte scatu-
riens, permanens & creatrix regalium ele-
mentorum, hoc est, ut Bernhardus id explicat:
Fons attrahit ad se regem, & post centum &
triginta dies tandem emergit Rex splendidus,
nitens, & diademate regio coronatur: quo po-
stea fratres siue aulicos suos quoque ornabit:
modo priùs benè in eodem mundati fuerint
fonte, ita ut omnem deponant leprositatem, &
internam corporis immunditiem. Hoc enim

L 3

modo

166 DE LAPIDIS PHYSICI SECRETO
modo inter ipsos facta concordia & pace, re-
gnum suum felici ac iugi possidebunt admini-
stratione.

HERMES.

Lapis noster pretiosissimus in sterco-
re eiectus, est carissimus, vilis & vilis-
simus, quia oportet nos duo simul ar-
genta viva mortificare, & venerari, sci-
licet argentum vivum auripigmenti, &
orientale argentum vivum magnesia.

SCHOLIUM.

Lapis dicitur pretiosus simul, & vilis, pro-
pter duplex argentum vivum, ex quo com-
ponitur. Est enim primum argentum vivum,
res vilis & abjecta, quæ omnibus in locis repe-
ritur, in fimo, in vijs publicis, in planitie, in
montibus & vallibus: & homo ne horule u-
nius momentum vivere potest sine eo: imò o-
mnia viventia, tam animantia, quàm vege-
tabilia, ut herbe, plantæ, arbores eo indigent:
omnia enim protegit à corruptione, & ipsa e-
tiam mineralia cuncta sine omni exceptione.
Visne scire quid sit? Non est aurum, non ar-
gentum, non gemma, nec lapis ullus pretiosus:
hæc

hec enim omnia magno constant pretio, nec numeranda veniunt inter ea, quae sunt vilia & exilia. Ecce dicam: SAL est, non autem vulgaris ille, quo cibi culinarij condiuntur, quamvis ex una quoque qualitate, dissolvendi nimirum, cum eodem participet: sed est sal petra: Petra, inquam: quo mercurius currens in optimum & perfectissimum metallum, & silex in durissimum adamantem transmutatur. Pauci (scio) verbis meis fidem adhibebunt: sed si aequè ac Philosophi, experientia edocti scirent, quomodo ejusmodi sal petra in omnibus rebus reperiretur, & quomodo ex iisdem omnibus artificiosè posset extrahi: sibi ipsis tum, tanquam oculatis testibus, fidem sine dubio non derogarent, & tam pretiosum salem, qui ab ignorantibus tantum vilipenditur, & propterea vilis à Philosophis dicitur, non tam leviter cum sordibus, quisquilijs, & fimo abicerent: sed majori reverentia & industria, illū ab omnibus potius mundi angulis colligerent. Neq; hīc specto authoris consiliū, qui ex justa quadam & honesta invidia, ne vulgò promiscuè innotesceret,

auripigmentum vocavit. Non enim hic authori, sed cupidis discendi studiosis gratificandum esse duxi: quos in aequis & bonis conatibus suis pro virili juvare consilium hactenus fuit, & posthac semper erit. Cur enim persuaderem discipulo rem querere Roma, Præge: hic, illic; cum maximo sumptuum dispendio, quæ tamen ubiq; & in omnibus locis reperiri posset. Exemplo rem declarabo. Si agrotus aliquis solo radiorum solarium aut lunarium aspectu possit curari: ego verò medicus in consilium vocatus, persuaderem agrotanti, ut proficisceretur in Italiam, Solem vel lunam aspecturus, & eorundem ibi radios excepturus: an non stultum hoc esset consilium, cum idem mihi Sol, eademq; luna hic in Gallia æquæ ac in Italia singulis diebus per totum oriantur annum. Sic multi pœnitentiam acturi, frustra in Italiam & Hispaniam iter instituunt.

Minori enim pretio & labore illam domi emerent à Sole justitiæ, unico salvatore ac Domino nostro Jesu Christo, qui gratis per fidem solam nobis promisit peccatorum veniam. Sed tantum dixisse sufficiat de argento vivo vili & vilissimo: nunc pauca quadam annectemus

mus de pretioso & carissimo: quod orientale
 argentum vivum magnesia author nuncu-
 pat. Sed non loquitur de argento vivo, quod
 videtur: neq; de magnesia vulgò nota. Sed
 per argentum vivum intelligit humiditatem
 illius mixtionis, quæ est humiditas radicalis
 lapidis nostri. Et per magnesiã intelligit
 totam mixtionem, de qua extrahitur ista hu-
 miditas, quæ argentum vivum nostrum voca-
 tur: quæ quidem humiditas currit in igne, &
 in eodem igne totum compositum dissolvit,
 congelat, denigrat, dealbat, rubificat, & persi-
 cit, hoc est, omnia facit in omnibus. Unde
 pretiosissimus est thesaurus ei, qui eam novit,
 & possidet. Merito autem dicitur magnesia.
 Magna enim est ejus vis & facultas, quæ in-
 star magnetis universalis, omnia ad suum at-
 trahit centrum, quæcunq; in se universis tam
 superioris quàm inferioris mundi ambitus com-
 plectitur: adeò ut per hujus beneficium in mi-
 nimæ quantitatis corpusculo, vix aciculæ mu-
 cronem referente, liceat totum comprehende-
 re mundum. Sed majus secretum latet, in
 hac pretiosa magnesia, quàm in argento vivo
 vili. Philosophi igitur miris illam modis occul-

L. 5 tarunt,

tarunt, nec nobis de illa plura dicere aut manifestare fas est.

HERMES.

O Natura maxima naturarum, creatrix quæ continet, & separat mediocria naturarum, cum lumine venit, & cum lumine genita est, & quam tenebrosa nebula peperit, quæ omnium mater est.

SCHOLIUM.

Una est natura universalis, quæ ab Aristotele definitur esse principium motus & quietis. Vel est, ut hic Hermes loquitur, creatrix omnium naturarum, hoc est, productrix rerum omnium. Et ob hanc causam, quia omnia procreat ac gignit, omnium quoque nominibus à Philosophis appellatur. **DEUS** enim summus rerum opifex, & totius mundi architectus, Naturam hanc unam ac solam, rebus naturalibus gubernandis præfecit, quas igneo suo ac perenni vigore, quem ipsi rerum conditor in prima creatione indidit, fovet ac conservat. Estque eadem Natura linea quedam viridis, quæ gyrat universum. Vnde causa sola est, quod

quod singulis annorum revolutionibus, ineunte scilicet vere, species rerum omnium revirescunt, & novam recipiant germinandi & prolificandi vim, per quam crescunt & multiplicantur: ne forte ipsæ species intereant, & sic vacuum in Natura, quod maximum esset flagitium, daretur: Vnde rectè canit Virgilius.

Vere tument terræ, & genitalia semina pascunt;
Avia tunc resonant avibus virgulta canoris,
Et Venerem repetunt certis armenta diebus.

Item Ovidius:

Tunc blandi soles, ignotaq; prodit hirundo,
Et nitidum celsa sub trabe fingit opus.
Herbaq; quæ latuit cerealibus obruta sulcis,
Exerit è tepida molle cacumen humo.

Operatur autem natura in hæc inferiora, per Solis, Lunæ, & reliquarum stellarum radios, quos Hermes sub vocabulo luminis intelligit. Horum enim irradiatione sive illuminatione infunduntur rebus elementaribus varia virtutum dona, pro varijs ac diversis rerum speciebus. Queritur hinc, num Chymicus Naturæ quoq; operâ & auxilio indigeat in elaborandis suis arcanis & magisterijs? Sed facilis est responsio ijs, qui norunt Chymiam, artem similem esse agriculturæ, in qua partem sibi vendicat

Naturæ.

Natura, partem agricola, tanquam operator
 & artifex externus. Ut enim solummodo
 hic principaliter occupatur in agro preparan-
 do & seminando: reliquum autem generatio-
 nis perficiendæ & absolvendæ opus, unica
 committit Natura: sic quoq; Duce inprimis
 Natura, comite verò arte, opus suum Chymi-
 cum auspiciatur omnis verus artista sive Chy-
 mista. Hermes præterea hinc mentionem fa-
 cit Natura, quam tenebrosa peperit nebula:
 per quam nihil aliud intelligit, quàm magne-
 siam Saturni. Saturnus enim, Græcè $\chi\rho\omicron\nu$ &
 appellatus, hoc est, tempus non aliter universa,
 generationi obnoxia, in hoc mundo generat ac
 producit, ac magnesia ipsa, quæ mater & geni-
 trix dicitur omnium.

HERMES.

Ubi autem regem coronatum filiæ
 nostræ rubæ ei jungemus, &
 in levi igne nondum nocentibus, con-
 cipiet, & filium conjunctum & super-
 eminentem, quo igniculo permanen-
 tem cibabit illa, & vivit igne nostro.

SCHO.

SCHOLIUM.

Regina sive filia Philosophorum rubea, est Luna. Non autem mireris, quod, quæ alias caput & splendor est albedinis, nunc rubea dicatur. Est enim Luna metallica sive Philosophica etiam masculina natura: quæ Soli, regi coronato desponsata, concipit gignitq; filium, quem Philosophi suum vocant Mercurium. Hic ubiq; est mirabilis, cujus parentes, quos modò habuit altrices & nutrices, nunc ab ipso aluntur & nutricantur. Vt enim ingenio est versuto, & miris imbutus artibus, inter alia novit etiam epulas atq; dapes omnis generis gratissimas preparare: nec vulgari coquendi modo; sed potius ad moderatissimum vivifici ac cælestis ignis calorem ipsas coquit paratq;. Quibus paratis & in mensa Philosophorum rotunda, quæ ultra decem aut ad summum duodecim personas non capit, appositis: pater, mater, & reliqui ejus agnati accumbunt, & convivium celebrant verè Philosophicum per integram septimanam. Alium autem cibum, præter Mercurialem, hoc est, quem filius ipsis offert, non admittunt: neque patiuntur quempiam ex peregrina familia,

lia, qui non proxima sanguinis necessitudine
 ipsis junctus sit, cum ipsis accumbere. Sin ve-
 ro, ut non raro fieri solet, cibi in mensa appositi
 fortè refrigescant, Rex ex solo intuitu oculo-
 rum suorum instar ignis rutilantissimi resplenden-
 tium, in momento efficit, ut recalescant, & ita
 calefacti gustu fiant suaves & delicati, quibus
 seresciunt mirum in modum, & ad sacieta-
 tum usq; comedunt, ita ut ad multum tempus
 neq; sitiant amplius, neq; esuriant. De ejus-
 modi coquo, qualis est hic noster Mercurius, sibi
 prospicere debebant omnes reges ac Principes,
 propter summam ejusdem necessitatem. Non
 enim cibos parat tantummodo alimentarios,
 sed etiam medicamentosos, qui corpus ab o-
 mnibus morbis liberant, idq; sanum ad ulti-
 mum usq; vitæ terminum præservant ac
 custodiunt. Vbicunq; igitur talis rederietur
 coquus, Pharmacopæo amplius non opus erit:
 una enim eademq; operâ utriusq; ille perfun-
 getur officio.

HERMES.

Cum

CUm autem dimittis ignem super folium sulphuris, intret super illum terminus cordium abluatur eo, & ejus coinquinatio extrahatur, tunc alteratur, & ejus tinctura ex igne remaneat rubea, ut carnes. Filius autem noster rex genitus sumit tincturam ex igne: illum verò mors & mare fugiunt & tenebræ.

SCHOLIUM.

OMne quod vivit, propter inclusum ignem vivit, sulphur ergò in se absconditū quoque continet ignem, qui per ignem externum excitetur, vita vivere manifesta incipit: & ita, quod antea occultum in sulphure erat, manifestatum nunc existit. Ignis autem officium est, non solum modò vivi, care, sed etiam depurare, & heterogenea segregare tantisper, donec separatis se cibis tanquam appareat tinctura purissima & rubicundissima, quæ calore representat carnes, scilicet recens mactatas, & sanguine adhuc conspersas sive cruentas. Hic est sanguis iste Leonis viridis, de quo passim mentio fit apud Philosophos.

Viridis

Viridis autem dicitur, non propter colorem viridem externum, sed propter vitæ viriditatem, juxta hunc versum:

*Læta viror vitæ est, mœrori convenit ater
Color &c.*

Vnde etiam ista solummodò tinctura, quæ carnibus recentibus, rubeis, & sanguine adhuc madentibus similis est, perfectionis gradum attigisse dicitur. Ejusmodi enim carnes, quæ nihil aliud sunt, quàm sanguis modò coagulatus, perfectò adhuc & pleno spirituum vigore & virore abundant: non secus ac sanguis Leonis viridis, qui propter viriditatem suam totus circumfluit spirituum vitalium copia.

Multi hæc enus versati sunt in eo errore, quod putarint, viriditatem indagandam esse in spiritu vini, vel vino, aliquot vicibus, ut vulgò solent destillato. Viderunt enim, vinum, antequam ex uvis exprimeretur, & in dolia recondideretur, in vitibus, quæ folijs, floribus, & uvis immaturis virides apparebant, crevisse: unde ab hac externa viriditate Leonem Philosophorum viridem appellari opinati sunt: sed turpiter in eo decepti, à vero Leone viridi & rubeo cognoscendo, longissimè aberrarunt.

Vi

Ut enim leo animal fortissimum, omnium
 ceterorum animalium robur in se solo comple-
 ctitur: ita tinctura Philosophorum præstan-
 tissima, omnium rerum tincturas in sese con-
 tinet: quæ in tam fragili vitis ligno, aut in eo,
 quod exinde provenit, minimè quærenda est.
 Quomodo enim potest ex re corruptibili &
 combustibili elici tinctura incorruptibilis, fixa
 & incombustibilis? Possuntne de spinis uva,
 aut de tribulis ficus colligi? Simile sibi simile
 generat procreatq;. Vnde, teste Horatio, for-
 tes solum creantur fortibus. Et cum secun-
 dum Hermetem in lapide sive tinctura nostra
 sit omnis fortitudinis fortitudo fortis: ex re no-
 biliori & perfectiori utiq;, quam ex ligno aut
 fructibus vitis, illam extrahendam esse, conje-
 ctare quilibet potest.

Quæ autem sit illa res, videtur author a-
 pertè indicare his verbis, ubi dicit: & ejus tin-
 ctura ex igne remaneat rubea: item, Filius
 noster rex genitus sumit tincturam ex igne.
 Vnde palam constat: ignem esse illam fortitu-
 dinem fortem, sive veram Leonis viriditatem.
 Quæcumq; enim tinctura ab igne fugit: im-
 perfecta & immatura censeri debet, & per
 M conse-

consequens diutius in igne nutrienda, donec perficiatur. Sin vero in igne nutrita, antiquam pristinamq. suam formam retineat, aut potius corrupta, in deterius vergat, ea, tanquam res ab opere Philosophorum magno aliena, prorsus excludenda, & procul hinc ad Anticyras ableganda erit. Quemadmodum enim inter homines, nonnulli reperiuntur, qui ex longo usu, & assuescentia, venenum corpori humano alias contrarium & inimicum, sine noxa assumere, & instar alimenti alicujus familiaris in ventriculo concoquere ac digerere possunt: Sic etiam lapis noster, in quo ab initio mors & tenebra, hoc est, imperfectio & impuritas dominabantur, paulatim in igne coctus, indies magis magisque ignis nature assimilatur, & tandem in ignem totus vertitur: ac veluti salamandra in igne, tanquam proprio suo elemento sive matrice habitat, eoq. unice gaudet & delectatur: qui etiam temporis diuturnitate transit in essentiam quintam & tincturam Physicam, tam ad metallica, quam humana corpora,

HER.

HERMES.

Solis radios draco fugit, qui foramina
 observat, filiusq; noliter mortuus vi-
 vet, rex ab igne veniet, ac conjugio gau-
 debit, & occulta patebunt, & lac virgi-
 nis dealbabitur. Filius jam vivificatus fit
 bellator ignis, & supereminens tinctu-
 ris. Filius enim est beneficium & Phi-
 losophiam habens.

SCHOLIUM.

Dracō significat terram, & est nigrum ni-
 grius nigro. Serpentes autem & Dra-
 cones gaudent potius locis subterraneis, petro-
 sis & obscuris speluncis, quàm luce Solis sive
 diei propatulo. Lucente igitur Sole fugiunt,
 & latibula sua repetunt, ne à tam claro lumi-
 nis splendore, quem ferre nequeunt, nimis
 torqueantur. In vas igitur probè munitum
 ac clausum, nec nisi unicum foramen, par-
 vum ac rotundum, per quod Solis radij in-
 trare possunt, habens, Draco inclusus Soli
 exponatur per mensem Philosophicum:

M 2

quo

quo temporis spatio, membris ejus penitus dissolutus, morietur: & fœtore suo lethali, accedentem quoq; regis filium inficiet, & neci tradet: Ambo igitur mortificati, & in vitrum aliud mundum inditi ponantur ad Solem per alium mensem Philosophicum: vel si hyemis tempore, Solis calor sit remissior: similem in hypocausto, vel alio loco conveniēti & idoneo excitabis. Et tunc temporis filius calore Solis percepto, paulatim à vitæ spiritu recreabitur & revivificabitur: draco verò ab eodem calore urgentius pressus, penitus consumetur, & redigetur in nihilum. Rex autem videns, imbecillum nimis esse calorem Solis, pro filio suo à draconis veneno prorsus liberando balneum parare jubet pro se & filio: & extincto dracone, ipse cum filio suo balneum calefactum, ingreditur, quem ex amore paterno continuis amplexibus fovet, & interim lac virginis ei ad membrorum refectiōnem in magna copia, quotidie præbendo, tamdiu hoc fomenti balneum continuat: donec filius, omnibus veneni pravitatibus absumptis, pristinum corporis robur & venustatem recuperet: & dignitate, virtute & splendore prorsus

prorsus similis evadat patri, adeò ut vix inter illos agnoscas differentiam. Pater in æternum non deserit filium, nec vicissim filius patrem. Sicut enim umbra corpus, sic filius patrem continuo sequitur: tam perfectò enim & constanti amore invicem juncti manent, ut nulla vis elementorum externa, sive sit ignea, sive aërea, sive aquæ, aut terrea, tam firmum amicitie pactum dissolvere amplius queat.

Præsertim filius, ut nihil nunc dicam de patre, qui in omnibus similis est filio, in nova hac generatione dux est tam potens & fortis, ut per media incendia vicorum sive domorum, absq; ulla læsione transeat. Et sicut ignis, nihil juris habet in aurum: sic nullam quoq; habet potestatem in aureum hunc heroem: qui meretur idcirco summo jure vocari aurei calcaris sive auratus eques magnificus & inclutus: quiq; præterea tanta sapientia præditus est, ut è longinquis regionib; ad eum, veluti Regina de Saba ad Salomonem, multi quotidie confluant Philosophi, & solidam sibi Philosophia cognitionem, ac scientiam (ex quo enim rerum intelligentia potius requirenda esset, quàm ex eo, qui eam ex lumine & flu-

mine ipsius Naturæ, tanquam ex ipso fonte ubertim haurit) ab eo comparent. Quam assecuti siue adepti (hinc Philosophi Adepti nominantur à Paracelso: indeq. nomen suum habet Philosophia Adepta) gratiarum actionem, prout decet, pro tantis beneficijs modestè referunt, & cum pace revertuntur in regionem suam.

HERMES.

Venite filij sapientum, & nunc gaudeamus, & simul lætemur, quia mors consummata est, & filius noster regnat, & jam rubea toga, & Chermes indutus est.

SCHOLIUM.

Sicut victor magnanimus è bello reversus, publice & solemniter agit triumphum: & undiq. in publicis plateis acclamatio populi, in lætitiæ & congratulationis signum exauditur: sic quoq. Hermes existimat, sibi acclamantibus congratulantibusq. simul sapientum filijs post partam in hoc Chymico bello victoriam, nunc triumphandum, & manibus pedibusq. in lætitiæ signum plaudendum esse: ut qui tot monstra horrenda devicerit: tot terribiles dracones:

nes:

nes: tot venenatos serpentes, & malignos spiritus profligavit & mortem denique ipsam confectam superavit. Sed cui potius prima glorie palma debetur pro tanta victoria impetrata, quam filio regis: qui tanquam alter Hercules, immensum & insuperabilem laborem in tam atrocibus debellandis hostibus, sustinuit: Vnde etiam regni Philosophici haeres legitimus, & toga rubea ac purpurea indutus, summum dignitatis gradum obtinuit, & tanquam in victissimus mundi monarcha, ab omni hostium insultu & impressione, regnum suum tuctur ac defendit. O terque quaterque beatus, qui divina ope cælitus adjutus, hujus reguli favorem & gratiam sibi conciliabit, ipsique tanquam fidelis amicus, consiliarius, & cubicularius vigilantiter assistet: salarium enim, quod suis expendit fidelibus & familiaribus amicis, superat omnes omnium Cræsurum Crassorumque, quotquot hoc seculo vivunt, thesauros.

Finis tertij capituli.

CAPITVLVM
QVARTVM.

HERMES.

INtelligite filii sapientum, quòd hic lapis clamat, protege me, & protegam te, largiri vis mihi meum, ut adjuvem te.

SCHOLIUM.

EXpandi manus meas, inquit Dominus exercituum apud Esaiam & s. tota die, ad populum incredulum, qui graditur in via non bona post cogitationes suas. Quis quæso similior est huic populo, quàm Chymista erroneus & ignarus: qui neq. lapidem clamantem neq. rectè Philosophantem audit: sed in seductionum de vijs continuò versatur. Quomodo verò audiat lapidem, quem non agnoscit: aut quomodo benignam præbeat aurem Philosopho, quem neq. intelligit, neq. intelligere cupit. Vana enim scientiæ persuasio, cum tamen nihil sciat, adeò illum excæcat, ut sæpenu-
merò de magno quodam mysterio apertè lo-
quen-

quentem non capiat: sua tantum sibi placent & experientiam rerum multam habet in Chymicis operationibus: non doceri, sed docere vult alios: unde etiam non abs re doctoris vel alterius dignitatis titulum gerit: quem turpitudinis forte infamia contaminaret, si doctiorem prae se agnosceret ullum. Hæc vana, inquam, persuasio multis hætenus nocuit, & adhuc indies nocet, quò ad finem artis non perveniant. Temeritate enim quadam in altum plus justo volantes, & velut Icarus propius ad Solem accedentes, cum eodem in profundum erroris pelagus precipitantur, ex quo in posterum sine maximo labore vix evadunt. Lapidem & Philosophum uno quasi ore loquentes audit veritatis studiosus. Lapis quidem rem ipsam nudè sine verbis exhibet: Philosophus verò rei veritatem essentialem verbis exprimit: & ipso opere, si res postulat, demonstrat: ita ut, etiam si unus eandemq; ambo doceant veritatem, Philosophus tamen sit tanquam praeceptor intermedius inter lapidem & discipulum. Præceptor igitur clamat, audi me discipule, & docebo te: Largire mihi tempus auscultandi, & institutis te juvabo optimis, tibi, & tuis sa-

M 5.

luta-

lutaribus: Me enim si auscultando rectè per-
ceperis: magnum Naturæ lumen, de quo paulò
post, videbis & ipsius quoq; lapidis profundum
agnosces secretum. Discipulus itaq; discipli-
ne subditus & obediens, huiusmodi monita
non sperni, sed fideliter sequitur, votiq; tandem
sui compos redditur. Ignorantiam enim suam,
quam habet, commutat cum magna scientia,
saltem auscultando & meditando, adeò ut non
tantum præceptorem, sed ipsum etiam lapidem
quem antea surdus præ inscitia, non audiebat,
nunc clamantem assequatur. Sed quam am-
plius utilitatem inde capiet discipulus? Volun-
tati magistri obtemperavit: naturale quoq;
lapidis desiderium explebit. Obsequio dis-
ciplina satisfecit magistro: artificio pyrotech-
niæ satisfaciet etiam Naturæ & lapidi. A
magistro impetravit scientiam & sapien-
tiam: per lapidem inveniet sanitatem &
opulentiam, & alia multa commoda, de quibus
mox audiemus.

HERMES.

Sol

Sol meus & radij mei sunt in me intimi. Luna verò propria meum lumen est, omne lumen superans, & bona mea omnibus bonis meliora sunt, gaudium, lætitiā, gloriam, divitias, & delitias intelligentibus largior, & quod inquirunt, agnoscere & intelligere facio, ac divina possidere.

SCHOLIUM.

Quando Philosophi loquuntur de radijs Solis, de lamine Lune, deq. aliorum astrorum luminibus, non id accipiendū est de nudo splendore externo, qualis est lucernæ sive candelæ accensæ: qui vicinum tantum aëris complexū illuminando, reddit perspicuum & lucidum, sine alia quacung. vi & impressione vitali & animata. Umbram enim & superficiem ejusmodi mortuam, sive relollaceam, ut Paracelsus loquitur, haud curant Philosophi; sed veram tantummodo & intus latitantem querunt rerū medullā, hancq. solam singulari artificio veniatur per radios suos essentielles & lumen Philosophicū internū. Ut autē duplex horum radiorū differentia magis innotescat, clarioris doctrinæ causa exemplum fulminei radij
hūc

huc producemus : cuius scientia siue proprietas naturalis talis est, ut non promiscue cum lumine feratur in quamvis aeris partem, nec aerem luce tantum externa, illustret, sed vi quadam magnetica & innata pellatur ac rapiatur in locum certum, sua natura magis consentaneum & familiarem, quem solum ceteris omnibus illesis tangit & ferit, vimq; suam aëtuosam evidenti nota impressa, clare demonstrat.

Hinc videmus saepenumero ensen siue ferrum in vagina à fulmine dissolvi, corio vaginae integro adhuc & illeso : item hominis interdum cutem à fulmine aduri, vestibis externis intactis, aut vice versa : ut ejusmodi plura videre licet exempla in historijs naturalibus. Ex quibus palam liquet, quod Philosophi de radijs, qui absq; vitalium virtutum energia, lumen tantum præbent otiosum & sterile, minimè sunt solliciti, sed de illis tantum, qui cum lumine, efficacem simul & vivam formarum siue virium essentialium & economiam administrant : quorum effectum extremum explicat author in sequentibus verbis : Vbi ex ejusmodi luminum radijs, multa solerti
inda-

indagatori bona evenire asserit, veluti gaudium, letitiam, gloriam, divitias, & delicias: & tam magnifice extollit hanc scientiam, ut malit illam divinam, à tam nobili & prestanti subjecto, quàm humanam, appellare.

HERMES.

ECce quod Philosophi de scientijs celaverant literis septem scribitur: duas enim sequitur alpha, yda, & librum, similiter sequitur Sol, volens tamen dominare, artem custodire, jungere bubæ aquæ filium, qui est Jupiter, quod est occultum arcanum.

SCHOLIUM.

Non certo constat de vocabulo isto septem literarum, in quo auctor totam scientiam occultari dicit. Impossibile enim est, omnia Philosophorum anigmata ad unguem eruere: in quibus sapenumero rimandis, citius sensum, quàm verba invenire licet. Quale enim istud vocabulum sit, ingenuè ut veritatè fatear, ignoro prorsus ac quamvis aliquis divinam

vinando propius ad authoris mentem accedere videretur, semper tamen de eo dubio relinquere-
 tur: cum nemo, absente authore, possit hunc hesitantia scrupulum planè tollere. Ergò
 suspensa de verbis lite, operam tantum dabi-
 mus, ut verum sensum & ipsam rei essentiam
 eliciamus. Opinio mea sic fert, (atteri inte-
 rim liberum relinquo opinari quicquid volet)
 quòd non procul à veritate aberrare videatur,
 qui dicat, vocabulum istud septem literarum
 esse septem corpora metallorum, quæ sub unico
 verbo, nempe P L A N E T A, haud absurde com-
 prehenduntur.

Saturnus enim est Planeta: Juppiter est
 Planeta: Mars est Planeta: Sol est Planeta:
 Luna est Planeta: Venus est Planeta: Mer-
 curius est Planeta: ita ut omnibus septem corpo-
 ribus conveniat nomen Planetae. Accedit &
 hoc, quod si Græcè scribatur, post primas duas
 literas sequatur alpha, & paulò post yda. Con-
 firmat præterea hanc nostram opinionem Phi-
 losophus lib. de conjugio Solis & Lunæ, his ver-
 bis: per DEUM, inquit, si consideraveris stellas,
 id est, Planetas erraticos, id est, metallorum
 corpora, non est inter nos, scilicet Philosophos,
 disse.

differentia, id est, diversitas, in hoc, quod opi-
 nantur, id est, de arte opinantur, quia ex his
 metallis, & per hoc præparant sapientes lapi-
 dem suum, in quibus est Mercurius & sulphur
 fixum & incombustibile per naturam rectifi-
 catum: & propter hoc præparatio nostra sur-
 git per seras, & claves aperientes seraturas,
 id est, problemata obscurata. Haec enim ille. Ut
 sit, alium sensum ex authoris verbis vix ex-
 torquebis: quod vel ex consequentibus verbis
 palam evincitur: Vbi dicit: Solem cum aqua
 filio sive Jove esse conjungendum, & hoc esse
 occultum arcanum. Per aqua enim filium in-
 nuit mercurium, & per Solem sulphur fixum
 & incombustibile: in quorum duorum conjun-
 ctione totum latet arcanum. Sed quia Philo-
 sophus supra inquit, lapidem suum præparare
 sapientes ex his metallis, & per hoc: nihil
 aliud intelligit per hoc, quam aurum sive
 Solem. Ut enim Sol in firmamento tan-
 tam claritatem solus obtinet, ut solus
 cum est exortus, obscuratis omnibus alijs ap-
 pareat: ita Sol Philosophorum sive metallicus
 ortus, sive in vase Philosophico natus, occul-
 te in se continet reliqua metallorum corpora,
 & cate-

& ceteris occultatis ipse solus apparet. Dilectus enim est Sol, quasi solus, quod unus sit, & non plures: quia tanta sit magnitudine, ut tanquam dux, & princeps & moderator luminum, cuncta sua luce lustret & compleat.

HERMES.

Auditores intelligite, & deinceps nostris utamur opinionibus, & quæ scripsi subtilissima investigatione, & contemplatione vobis demonstravi, quoddam unum novi. Nam quis intelligit, quod sincera investigatione & ratione inquiritur? Ex homine non fit, nisi quod ei simile est, & ex tauro idem: & si quod animal cum aliena specie cubat, nascitur, quod neutro simile est.

SCHOLIUM.

Qui facile credit, facile decipitur. Ut igitur supra, ita & hic denuò monet author, ut dicta ejus recta rationis bilance expendantur: non autem crasso modo, prout nuda sonat litera, accipiamur. Et sicut res, quas proponit, non levi, quod ajunt, brachio tractat, nec quicquid

ut quicquid illi in buccam venit, statim suo in se-
rit libro: sed in illarum descriptione & demon-
stratione utitur subtilissima investigatione &
profunda contemplatione: ita lectorem quoque
docet esse sedulum & diligentem in legendis
& meditandis ejusdem scriptis. Qui enim
nescit, & sine intellectu aliquid in hoc ope-
re præsumat: is similis videtur claudicanti, qui
fracto aut laeso altero crure, cursus certamini se-
remere immiscet. De sincera autem investi-
gatione, per quam nihil aliud intelligit, quam
rationem rectam, veram & Naturæ legibus
consentaneam, suprà dictum est.

Deinde speciem per sui similem speciem pro-
pagandam docet. Frustrà enim laborat, qui
de spinis, ut suprà diximus, uvas colligere ten-
tat. Ex homine enim non nascitur, nisi ho-
mo, nec ex brutis, nisi suum simile. Ordo ve-
nim specierum propagandarum, quem DEUS
in creatione instituit, manet inviolabilis. Deus
igitur rebus omnibus, huic ordini subiectis,
suam quoque addidit crescendi & multiplican-
di benedictionem. Omnis autem generatio
extrà hunc ordinem instituta, maledictionis di-
vine haud dubie obnoxia est. Cujus rei ex-
N emplum

emplum habemus luculentissimum in mulis,
 qui ex commixtione equorum & asinarum,
 vel asinorum & equarum procreati, secundum
 semen pro sua speciei multiplicatione &
 propagatione non obtinuerunt. Cum enim
 specierum ejusmodi confusio sub hoc divino
 creationis ordine non comprehendatur, merito
 etiam istis non indita fuit per benedictionem
 divinam vis illa crescendi & multiplicandi.
 Loquor autem hic de speciebus completis ac
 perfectis, sive illas ideas Platonicas, sive cer-
 tas & specificas seminum rationes, sive scintil-
 lulas igneas speciales, sive formas specificas,
 alijsve pluribus appellare velis nominibus:
 quas omnes in universum mundum diffusas,
 & pulcherrimo ordine invicem distinctas,
 Deus in creatione per solum verbum FIAT
 produxit. Contra sacrum autem & incontami-
 nandum hunc ordinem maximè impingunt
 falsarii & spurij alchymista, qui ex temerario
 quodam ausu, & confusione plusquam Babylo-
 nica, specierum invicem mixtionem moliantur.
 Coniungunt enim ea, quæ DEUS dis-
 junxit: quæ verò conjunxit, disjungere &
 separare ordine inverso impie conantur.

Non

Non igitur mirum est, si proximo illos pede
comitetur maledictio divina: id quod ob causam
modo relata. Quicquid tandem agis, hoc
tibi firma mente persuasum habeto: Deum
omnibus actionibus, quas homo proponit, tam
in verbo suo scripto, quam in natura, sive crea-
turis, sua virtute infallibiliter quoque adesse.
Quomodo enim possit vis ac potestas omni-
presens DEI infinita, quae essentialiter rebus
universis inest, rursus ab illis tam levi momen-
to separari. Sed actionibus justis, cum lege &
ordinatione divina congruentibus, praesto est
ut aequus, benignus, bonus & misericors pater:
Perversus autem & ordini divino repugnans,
tanquam severus omnis iniquitatis, perversi-
tatis & confusionis ultor, & justus vindex.
Cum sancto enim, inquit regius Propheta, Ps.
18. sanctus erit, & cum viro innocente inno-
cens erit. Et cum electo, electus erit, &
cum perverso pervertetur. Discant igitur
hinc alchymista in posterum sapere, ne
falsis & sinistris suis opinionibus & deli-
ramentis, quae tam divinis quam naturalibus
adversantur legibus, plus justo tribuendo,
& frustra contra stimulum calcitrando,

196 DE LAPIDIS PHYSICI SECRETO
*in gravissimas pœnas Deo & Naturæ persol-
vendas, incurrant.*

HERMES.

JAm Venus ait: Ego genero lumen,
nec tenebræ meæ naturæ sunt, & nisi
meum esset metallum siccum, omnia
corpora mei indigerent, quia ea liquefa-
cio, & eorum rubiginem deleo, & sub-
stantiam extraho: me igitur & fratri meo
junctis, nihil melius ac venerabilius.

SCHOLIUM.

Venus inter septem mundi dominos sive
Planetas relata, dicitur mater amoris &
pulchritudinis, cujus stella Solem antecedens
dicitur Lucifer, quasi lucem ferens, vel, ut au-
thor loquitur, lumen generans: Ubi verò lu-
men, ibi quoque vita: vehiculum enim vitæ est
lumen, quod nullam partem corporis Physici, à
suorum radiorum contagione immunem relin-
quit. Ergò taceant in posterum, quicumque vitā de-
rogant metallis. Nihil enim existit in rerum Na-
tura, quod non mediante hoc Veneris lumine,
h. e. per generationem naturalem productum sit.
Metalla

Metalla verò naturaliter in mineris suis procreata quis negabit? Non igitur vita sua carebunt; licet hæc in ijs manifestè, ut in animalibus & vegetabilibus non sese prodant, priusquam à corporea sua mole, qua vitæ actiones in ipsis obtundit & reprimat, liberentur, idq; per ejusdem luminis beneficium: cujus officium est, tenebras mortis fugare, & illarum loco inducere vitam.

Non autem hoc lumen indagandum erit in corporibus metallicis, propter nimiam ipsorum siccitatem, hoc est, terrestrem crassitiem. Nisi enim siccum esset meum metallum, inquit author, omnia corpora mei indigerent. Neq; cuprum aut as, sed Venus, Planeta & sydus cæleste ait: Ego genero lumen. Per Venerem igitur essentiam intelligo astralem, lucidam & splendentem: qua ignea sua vi non secus, ac carbonum ignis corpora liquefaciat: non autem liquefaciat simpliciter, sed liquefaciendo etiam simul rubiginem deleat, & substantiam, hoc est, occultam tincturam, extrahat. Quod tum fiet, si Venus & ejus frater invicem copulati, & Vulcani fallacijs, catena invisibili tamdiu ligati teneantur: donec Ve-

nus in proprio thoro imprægnata, post 9. mensium revolutionem, sobolem pariat ipsis parentibus præstantiorem & nobiliorem.

HERMES.

Rex autem dominator, suis fratribus testantibus ait: Ego coronor & diademate ornor, & regno vestro induor, & cordibus lætitiā ingero, & ego victus ulnis, & pectori meæ matris & substantiæ ejus, continere & quiescere meā substantiam facio, & invisibile ex visibili compono, tunc occultum apparebit, & omne, quod Philosophi occulta-verunt, ex nobis generabitur.

SCHOLIUM.

Rex est aurum: Ejus autem fratres sunt cætera inferiora metalla. Regnum omnes possident commune, in quo tamen supremum imperandi fastigium assequitur solus Rex sive Sol: qui proprijs virtutum insignijs, cæteris longè antecellit. Ignem enim solus sustinet sine noxa, in quo diutissimè detentus nihil deperdit: nec vinci aut destrui potest, nisi à matre, quæ est fons sive mercurius metallorum. Accidit

lit autem aliquando, ut rex animi gratia fontem ingressus lavaret: sed reversus à fonte incidit in summam corporis imbecillitatem, quam sibi inter lavandum contraxerat. Convocatis itaq. fratribus in unum, de rege restituendo deliberatum fuit. Jubetur Mercurius Deorum nuncius colligere suffragia, à quo vis fratrum vel consiliariorum; qui promptus in exequenda munere alloquitur primò Saturnum: Tu, inquit, pater Deorum, & arcana contemplationis author, nobis quæso expone tuam sententiam, & liberè eloquere, quid tibi videatur de nostro Rege, quem vides hîc ad summas imbecillitatis angustias redactum, nigrum, tenebrosum, & omni lumine privatum: dic, inquam, qua ratione in pristinum fortitudinis & claritatis locum rursus evehi possit. Tunc exorsus Falciger ita respondit: Me, inquit, vocant dominum temporis, omnia destruentem & conservantem; authorem mortis & vite. Ne igitur mentiri videar, ultrò nunc veritatem fateor, vobisq. palam dico, me authorem esse primarium tantæ ruine, in quam rex noster incidit.

Cum enim in fonte ipsum lavare viderem:
 statim sumtis meis armis hereditarijs, ad eum
 clam in balneum intravi, & dormientem spi-
 rituali falcis meæ veneno, subito citrà homi-
 num opinionem sauciavi: ex quo vulnere ex-
 pergefactus rex, multum profudit sangui-
 nis. Hinc tantæ imbecillitatis causa. Hæc
 tamen infirmitas non ipsi est ad mortem ater-
 nam: sed proderit nobis in salutē nostram, qui
 fratres ejus sumus, & proximi consanguinei.
 Ut igitur cum ipso regni quoq; participes fia-
 mus, profuso sanguine proprio, nos emundabit
 ab originali impuritate illuvie. Quam-
 vis ergo naturam adeò in ipso labefactatam
 cernatis, ut morti non absimilis videatur: vi-
 ta tamen spiraculum prorsus extinctum non
 est: sed occulto temporis fomento, interim à
 me conservatur, donec tandem, assistentibus
 mihi ceteris meis fratribus, coronâ quoq; regiâ
 potitus cum eodem fuero. His dictis tacuit.
 Conversus igitur Cyllenius heros ad Jovem,
 signum dedit, ut diceret sententiam: qui mox
 in hanc se effundit orationem: Juvans, in-
 quit, ego pater dicor, omnes excellens in boni-
 tate, & dominus sum divitiarum & sapien-
 tia.

tie. Ne igitur inani & vano nomine stultè
superbire videar, in Rege nostro iuvando nul-
lum non movebo lapidem: imprimis autem ip-
sum exornabo sapientia & divitijs, omnesq;
mundi thesauros ipsius potestati subjiciam.
Prætereà singulari bonitate & clementia er-
ga omnes, præsertim autem ergà nos fratres
ipsius præditus, pauperibus erit refugium, mise-
ris & afflictis solatium, & mærore confectis
gaudium & refrigerium.

His finitis Luna compellata à Mercurio, in
hoc argumentum fari incipit: Ego, inquit, so-
ror Regis uterina, meritò habeo, quod de tristi
hoc fratris mei casu lugeam: sed unum est,
quod me solatur, ne prorsus abjecto animo de-
sperem: nempe hoc quod communi dicitur pro-
verbio: Post nubila Phoebus: Experientia
enim me subinde edocuit hujus dicti verita-
tem. Quoties enim vidi fratrem, densissi-
mis obscuratum nubibus, qui nihilominus ta-
men igneo suo ac radioso splendore illas penitus
discussit, & tandem eluctatus, rursus auream
nobis & fulgentem capitis comam benignus
ostendit? Sed sicut in ipsius ministerium se ul-
trò offerunt fratres & cognati mei omnes, ita

N s

etiam

etiam meis officiis ipsi nequaquam deero: & quia me appellant vulgò aquarum dominatricem, ipsum quoque aqua meâ perenni & clarâ è fonte vivo scaturiente potabo: omniâq; corporis membra in eo ita reficiam, ut nihil remaneat prorsus infirmi, langvidi, aut vitiosi: sed fortis evadat, robustus, pulcher, formosus, & regali decore præ cæteris omnibus maximè conspicuus.

Absoluto candida Diana sermone, confestim surgit Venus, quæ blando placidoq; vultu subridens, fratrum turbam ita alloquitur. Quid quaeso fratres amici, rei est, inquit, quòd in rege ac domino nostro refocillando, tam longam neclatis moram? An nescitis neminem nostrum à se ipso vivere? Nisi enim vita nobis ab hoc unico vitæ lucisq; creatore gratis impertiretur, jamdudum actum esset de salute nostra. Cum igitur omnia, quæ possidemus, bona, ipsi soli accepta ferenda sint: utpote qui ex lumine & splendore suo nobis lumen & splendorem tribuat: meritò quoque hunc cæli regem, & mundi principem, veneremur, ipsiq; subditi & devincti maneamus in æternum. Exigua sanè hac est opella vestra, quæ ipsum
fovere

fovere & restituere conamini. Nisi enim hac antea vobis cœlitus concessa essent munera, minima certè aut prorsus nulla, foret in vobis ministrandi ac iuvandi vis & potentia. Festinate igitur, & unusquisq; vestrum, quod acceptum tenet, ei quoq; lubens meritòq; rursus offerat. En, quod accepi, nunc reddo, illiq; tribuo multipotentiam, fecunditatem, candorem, amorem, misericordiam, & comitatem. His cunctis, & multis adhuc alijs, præstantioribus virtutibus hunc Regem nostrum ditandum & exornandum volo. Hactenus continuatum orationis filum, abruptit Venus, & silentio facto, statim Deorum nuncius invitat Martem: qui voce gravi & impetuosâ in hac subito prorumpit verba. Magnificum, inquit, & geminatum mihi olim inditum est nomen: nec sine causa. Mars enim vocor, quod armipotente & magnanima virtute mea, maribus in bello præsum. Mavors autem nuncupor, quod magna verto, videlicet imperia & regna. Sed quicquid armata & bellicosa manu edomare nequeo: id ego & filius Vulcanus junctis viribus per maxima ignium incendia, & per fumum in cœli-

coelicas mittimus regiones. Ignea namq; calefactionis dominus sum, nulliq; ego cederem unquam, nisi lux Apollinea, claritate & ardore suo nimio me vinceret, urgeret, pelleret, inq; fugam verteret. Ut ut sit, tantum tamen virium contribuo magno regi nostro, ut se & regnum nostrum à quacung; vi illata defendere possit. Habet enim ex me gladium flammeum & versatilem, ad custodiendam viam ligni vitae: ut nihil jam dicam de fortitudine, magnanimitate, generositate, & potestate summa ad quamvis injuriam aliam propulsandam: adeo ut jam sit perfectissimus, nihilq; amplius ipsi desit ad regni sui splendorem amplificandum. His finitis, arbiter Deorum Mercurius annuit, & vota omnium collecta, tanquam aqua & pia comprobat laudat, predicat. Rex igitur haëtenus occultatus in umbra mortis, gloria & honore pristino recuperatis, sine mora prodit in lucem, & viribus longè majoribus auctus distribuit varia in fratres dona, & beneficiorum memor, quibus ab ipsis multipliciter fuit affectus, aequè ipsos regis honoribus ornandos seriò mandat, vult, jubet, imperat. Quibus peractis omnibus,

invi-

*invisibile factum fuit visibile, & occultum
manifestum.*

HERMES.

HÆc verba auditores intelligite, custodite, meditamini, & nihil aliud inquirete. Homo autem principio Naturæ generatur, cujus viscera carnea sunt, & non ex alio. In hac litera meditamini: superflua verò respuite.

SCHOLIUM.

Fideliter hinc author præmonitos cupit suos discipulos, & bis repetit hanc tanquam omninò necessariam, maximiq; momenti admonitionem: nihilq; aliud inquirendum esse vult, quàm principium Naturæ, à quo generetur homo. Idem enim principium, quod causa est hominis procreandi, lapidis quoq; generationem promovet. Hoc autem principium est Natura, quam Philosophi ubiq; suis discipulis indagandam, probèq; cognoscendam suadent. Tàm enim necessaria est ipsius cognitio, ut absq; eadem quilibet artifex oleum & operam, quod ajunt, perdat. Natura enim sola na-
tura

tura latatur: & natura naturam vincit, & superat: & natura naturam continet: & tamen non sunt diuersæ naturæ, nec plures: verum una tantum. De hac natura loquitur Rosarius in hæc verba: ô Natura benedicta, & benedicta est tua operatio, quia te imperfecto facis perfectum cum vera putrefactione quæ est nigra & obscura. Postea facis germinare novas res & diuersas, cum tua viriditate facis diuersos colores apparere. Multi agnoscunt quidem Naturam, sed virtutem eius ignorant: quam si scirent, non utiq; vilipenderent. Peripatetici nostri hanc quidem optimè scire sibi videntur, & interrogati, quid sit Natura, promptè admodum, vel sine libro memoriterq; recitant Aristotelis definitionem: Natura est principium motus & quietis. Si verò queras, num Natura per se ipsam existat ab æterno: an verò ab aliquo priori principio sit progressa? DEUS bone, quantum hic videas illorum in respondendo oscitantiam, quantum timiditatem, & inconstantiam. Quocunq; enim se vertunt, nullam prorsus clabendi viam, occasionemq; inveniunt. Si enim nihil ipsa prius fuisse dicerent,

dicerent, impietatis maximā incurrerent notā.

Propria enim conscientia victi, rem aliter se habere norunt. Sin verò DEUM authorem Naturæ, ut & ceterarum rerum omnium faterentur: totum subito corrueret ipsorum Philosophie ædificium: Super hoc enim Naturæ & æternitatis mundi fundamentum, illud superstructum est, quo diruto, omnia simul col-labi necessum est.

Si enim Natura est ab æterno, & princi-pium motus & quietis: nihil illa differet ab ip-so DEO. Solus enim DEUS est ab æterno, & rerum omnium principium. Sed ut huic stru-mæ bitaphum pratenderent, mundana sua stul-titia (sapientia volebam dicere) hanc distin-ctionem, excogitarunt: ubi principij conside-rationem duplicē adducentes, aliud creationis, aliud verò generationis esse asserunt: & sic duplicia rerum principium contra omnem rationis sensum, & ipsam verita-tem Theologicam, haud sine in pietatis ma-culā perperam statuunt. Nunquam enim vel subtilissimis acutissimisq; rationum mo-mentis, ullam demonstrare poterunt horum

horum principiorum differentiam. Sive enim utriusq; originem, siue naturam, aut essentiam, ceterasq; singulas proprietates quis spectarit, ne latum quidem unguem, unum ab altero differet. Idem enim verbum, quod principium erat creationis, principium quoq; fuit generationis. Ab uno enim Deo tam verbum Crescite & multiplicamini, quod verum principium est generationis: quam verbum Fiat, quod est principium creationis, promanavit.

Valdè demiror imprudentiam, vel extremam potius dementiam vestram, ô Academici, quod aliàs eruditione & literarum cognitione conspicui, & claves regni Philosophici tenentes, non tandem hunc puerilem vestrum errorem recognoscatis, & veritati subscribentes, ab hoc erroris labyrintho, & vos, & vestros reducat is discipulos. Sed, cū proh dolor minus anxij aut solliciti sitis de vera & essentiali rerum cognitione, sola litera mortua siue rerum umbra, vobis ad pompam mundanam, & divitias conquirendas sufficit. Ego verò participus minimè ero præmij, quod inde reportaturi sitis aliquando. Quoniam enim in
agri-

agricultura Philosophica, non coadjutores estis
DEI & veritatis, sed Aristotelis & menda-
torum: vereor quidem, & nimis vereor, ne
opus vestrum, quod tam debili & ruinoso fun-
damento superedificatum est, in die olim ju-
dicii, sicut fanum & stipula exarsurum sit.

HERMES.

UNde dicit Philosophus: Botri fit
ex citrino, quod extrahitur ex no-
do rubeo, & non ex alio, quod si sit ci-
trinum, tua erit sapientia, non sit tibi cu-
ræ, si de rubeo extrahere non studeas.
Ecce non circumscripsi, si intelligitis,
paulò minus patefeci.

SCHOLIUM.

Duo sunt lapides: albus & citrinus sive
ruber: hunc vocat botri, quem ex nodo
rubeo, hoc est, ex sulphure Natura extrahere
jubeat. Sed paulò post inquit, quod si citrinum
fuerit, non curandum sit, licet de rubeo amplius
non extrahas. Causa est, quòd uterq; tam al-
bus, quàm rubeus ab una eademq; radice pro-
gnatus sit: juxta axiomata Philosophica illa:
Quod me albificat, id ipsum me rufificat: &
quod

quod me mortificat, id ipsum me vivificat:
 Quimecum moritur, mecum oritur. Errare
 igitur hinc conspiciuntur illi, quicumque dicunt,
 se scientiam habere tincturae Physicae sive Lapi-
 di Philosophici ad albedinis usque gradum per-
 ducendi: ulterius autem ad rubedinem pro-
 grediendi viam se ignorare. Crede enim mihi,
 si rectam ad albedinem perveniendi viam se-
 mel cognovissent, non tam aotΦas & inepte
 loquerentur. Si enim rusticus uvaram in viti-
 bus immaturarum adhuc & albarum gene-
 randarum modum se scire: rubicunda vero
 quomodo provenirent, se ignorare, diceret: non-
 ne se ridendum ex plodendumque exponeret o-
 mnibus. Eadem enim vitis per eundem Solis
 calorem externum, benignamque aeris tempe-
 statisque clementiam, tam in principio quam in
 in fine, hoc est, tam immaturitatis, quam ma-
 turitatis tempore uvas producit. Alij rursus
 dicunt, se preparationem quidem tincturae al-
 ba, quam vocant corpus, & rubea, quam ani-
 mam nominant, optime cognitam habere: sed
 conjungendi modum ipsos latere: ubi & hi e-
 videnter satis produunt crassam suam in rerum
 naturalium generatione ignorantiam, quam
 si in

si in iisdem uois diligentius obseruarent, facile animadverterent, quanam sit conjunctio artificis necessaria. Natura enim unica & sola coniungit & separat: neq. patitur, ut sophista suis conjunctionibus & separationibus, ipsius operationes subtiles & spirituales interturbet. Si uerò coacta, fortè vim patiatur: mox ab opere desistit: & omnia, culpâ erronei artificis corrumpi perimit: Est enim proverbium antiquum: Coqui diuersimodò preparant bonos & utiles cibos. Quod namq. unus aedificat: alter rursus destruit. Quamobrem si quis in hac arte sapere uolet suprâ Naturam, is certius certo, maximum & irreparabile in fine damnum experietur.

HERMES.

Fili sapientum comburite corpus æris, nimio igne, & imbuet vos gratia, quam quæritis. Et facite, quod fugiens non uolet à non fugiente. Et quod super ignem quietcat, licet sit ignis æstuans, & quod calore ignis æstuantis corrumpitur, est camba.

O 1

SCHO.

SCHOLIUM.

PER corpus aris, perfugiens, per cambas, quod corrumpitur, aliud nihil intelligitur quam Mercurius volatilis, qui per sulphur fixum & incombustibile in igne figendus est: ita ut in igne quiescat, & licet ignis sit vehementissimus, & quarti gradus, sive fusorius & reverberatorius: nihil tamen corruptionis aut detrimenti ab ipso prorsus sentiat: sed constans & fixus in ipso permaneat. Cum verò nihil sit in mundo, quod non obnoxium sit corruptioni, præter cælum sive corpora cælestia omnia: Philosophus autem suum Mercurium in tantam perfectionem adducat, ut corporum cælestium perfectioni, vel, ut Aristoteles loquitur, elemento stellarum respondeat: facile hinc colligi potest: huius Mercurij fixi & incorruptibilis naturam totam cælestem ac astralem esse. Si verò quis causam tantæ perfectionis, in ipsis corporibus cælestibus penitus scrutari cupiat: is per dicti Mercurij Philosophici artificium, quo ipsi summa ista & perfecta in igne constantia conciliatur, hanc quoque absque magno labore inveniet. Ut enim ignis, omnia impura & heterogenea in Mercurio separat, ipsumque tandem

in

in tam fixam & permanentem vertit natu-
 ram, ut nulli amplius cedat igni, sed liberè po-
 tius in illo juberet: ita per eundem quoque ignem
 in principio mundi, separata sunt elementa
 corruptibilia ab incorruptibilibus: Corrupti-
 bilia autem tanquam faeces crassæ & graves
 deorsum vergentes, constituerunt triplicem e-
 lementorum globum; terrestrem, aqueum &
 æreum. Incorruptibilia, totidem in cæ-
 lo produxerunt: ita ut omnia corpora cælestia
 vel sint terrestria, vel aquea, vel ærea. Sed
 ut illa inferiora elementaria sunt crassa, fæcu-
 lenta, & impura: sic e contra hæc cælestia sunt
 ab omni crassitie & faculentia segregata,
 sunt pura, pellucida, clara & perfectæ. Ignis
 autem locum suum occupans in medio horum
 sex globorum: partim participat cum cælesti-
 bus, partim cum elementaribus. Si igitur
 queris, cur inferiora elementaria corpora non
 etiam perficiantur per eundem ignem, cum
 non minori propinquitati ipsi juncta sint, quàm
 ipsamet corpora cælestia? Respondendū est: cau-
 sam hanc totam pendere ab ignis vi & actio-
 ne, qui naturâ suâ semper sursum agit, nun-
 quam autem deorsum: hinc fit, quod nihil in

Q. 3. cælum

cælum ingrediatur, nisi id prius per ignem purificatum fuerit: adeoq; in cælo omnia pura & perfecta permaneant per hunc eundem ignem.

Si enim ignis tanta vi ageret in hac inferiora, ac in superiora, omnis statim auferretur impuritas & imperfectio ab inferioribus, hæc q; prorsus cælestibus fierent similia. Sed Deus hanc magnam & universale separationem sibi soli usq; ad extremum iudicii diem reservavit. Interim verò suis quoq; fidelibus & electis in Christo membris, largitus est particularia ignis magisteria, per quæ corporum horum inferiorum impuritatem separant, eaq; adeo perficiunt, ut eandem cum cælestibus corporibus naturam & perfectionem nanciscantur. Hinc rectè à Paracelso pronunciatum intelligimus: totum transmutationis arcanum consistere in igne. In hac igitur ignis arte siue pyrotechnia, nisi quis probè exercitatus fuerit, vix aliquid effatu laudeq; dignum in Chymia præstabit unquam.

HERMES.

Et

ET scitote, quòd huius aquæ perma-
nentis ars est as: ejusq; tinctura & ni-
gredinis coloratio, tunc in verū vertitur
rubicum. SCHOLIUM.

Hic differentiam ponit author, inter as,
quod aquam permanentem appellat, &
inter corpus eris, quod suprà comburendum
præcepit. Hæc est autem aqua illa permanens,
quæ omnium colorum tincturas in se continet:
sublatâ autem nigredine, quæ imperfectionis
signum est, permanens sola aqua retinenda est:
hæc enim sola Mercurius vertitur in verum
rubicum, hoc est, in tincturam Solis. Nihil
enim perennæ sub Sole, ut Sapiens testatur Ec-
cles. 2. Et omnia vanitati sunt subjecta, hoc est,
corpora quævis metallorum, excepto solo auro,
sive Sole, sunt adhuc imperfecta & immundi-
tie plena, ita ut corruptioni adhuc sint obno-
xia. Ut igitur ab illis tollatur omnis corruptio,
in auri naturam fixam & perennem sunt re-
ducenda, idq; per solum aurū, non per rem cor-
ruptibilem aut peregrinam, veluti solent face-
re erronei alchymistæ suis sophisticationib; qui
ex rebus imperfectis & adhuc vanitati subje-
ctis, suis nempe aquis gradualibus, cementis,
O 4 strati

Gratificationibus, albificationibus, rubificationibus, & similibus ineptijs, perfecta educere volunt corpora. Sed vanum est, querere rem perfectam in imperfectis, & vivos inter mortuos. Sicut enim duplex est homo, vetus & novus: sic etiam, dupliciter consideranda sunt metallorum corpora, ita ut alia sint vetera, alia verò nova. Vetera autem sunt corpora & mortua: nova autem spiritualia & viva. Mortua verò in impuritatibus sepulchro sepulta, resuscitanda sunt virtute vivorum. Christus enim Salvator noster, qui teste Paulo factus est à DEO maledictum pro nobis, corpus suum ex sepulchro resuscitavit, non virtute veteris Adamici, sed novi hominis, qui erat DEUS & homo in una persona.

Frustrà igitur sollicitis se fatigant curis, curiosa ille muliercula, quæ una Sabbatorum valdè manè veniunt ad monumentum, orto jam Sole, ut ungerent Jesum. Unguento enim alio longè præstantissimo, spiritu nimirum sancto, à patre ab æterno invisibiliter, & reversus in baptismo suo, visibiliter unctus erat Christus: cuius unctionis vi, tanquam propria potest.

ustate, seipsum & omnes secum mortuos re-
suscitare, & ab omni aeterna mortis corruptio-
ne praeservare poterat: ita ut eiusmodi un-
guentis, ex aromatibus myrrha, & aloë, tan-
quam rebus corruptibilibus, concinnatis, neu-
tquam indigeret. Præterea supervacaneum
est earundem muliercularum, quamvis ex pio
zelo institutum, consillum de lapide revolvun-
do ab ostio monumenti. Hic enim lapis ni-
hil aliud est, quam cor hominis, peccatorum
mole, instar lapidis induratum. Hac igitur
Lapidei peccatorum moles, ut à cordibus nostris
auferatur, & blanda, mitisq; novi hominis
mollities inferatur, necesse est, ut angelus de
cælo, hoc est, spiritus regenerationis in corda
nostra descendat, & Adamicum peccatorum
lapidem à cordium nostrorum monumentis re-
volvât: & tunc orietur in nobis Christus, quo
victore solo, mundum cum concupiscentijs suis
mortuis & caducis superabimus, & in cælestis
& immarcescibilis gloriæ suæ regno, cum ipso
in æternum vivemus ac triumphabimus. Eo-
dem planè modo regeneratio quoq; metallo-
rum intelligenda est, quæ non fit per tincturas
corruptibiles, sed per fixas & perennes: neq;

Q. 5

per

per peregrinas aut alienas, sed per virtutem propriam ipsorum eorundem metallorum, non mortuorum imperfectorum, sed spiritualium perfectorum. Ex spiritualibus enim solis fit verum oleum Philosophorum, ad metallorum corpora imperfecta in perfecta ungenda & tingenda: non secus ac ipse Christus est verum salutis vitæ recuperanda oleum: quo non tantum in agone mortis, sed singulis etiam vite diebus, imò horis atq. momentis, corpora nostra per pias preces, meditationes & actiones perungenda & re vivificanda sunt: ita ut Papistarum olea, chrysmata, aqua, panis, sal, cinis, ignis S. Johannis, candela, faces, cruces, & similia plura, ab ipsis quidem benedicta vocata, sed citra expressum Dei mandatum per superstitionem introducta, prorsus sint vana & inania hominum inventa: & inter alchymistarum sophisticationes, tanquam opera frivola & corruptibilia annumeranda. Sola enim opera, quæ fecit DEUS, perseverant in perpetuum. Eccles. 3.

HERMES.

PER Deum confiteor, me non dixisse nisi veritatem, quod devastantia sunt
cmen.

emendantia, & inde corruptio videtur
in emendato, & inde emendatio appa-
rebit, & utrumq; est signum artis.

S C H O L I U M.

Iuramento confirmat author, se veritatem
dixisse de Mercurio: in quo reperitur utraq;
natura, destruens & emendans, hoc est, solvens
& coagulans; unus enim idemq; Mercurius
corrumpit & destruit corpora, rursusq; ea exal-
tat, perficit & fixat: & ita damnum, quod in-
duxit, recompensat duplo. Emendat enim &
restituit maximo cum emolumento, quod in
putrefactione taxquam operis principio exina-
nierat. Argumentum vere artis certius habe-
ri non potest, quam quod ex materia una ea-
demq; ubiq; tam in principio quam in fine su-
mitur. Nihilq; ab arte magis alienum est,
quam quod ex rebus pluribus & diversis ortu
est. Natura enim non emendatur, nisi in sua
naturâ. Unde liquido constat, artis principium
non esse nisi unum, & in idem quoq; eandem fi-
niri. Quale illud sit principiu, ostendit Alanus
his verbis, inquit: Ars nostra incipitur cum
Mercurio, & finitur cum eodem Mercurio. Mi-
rabilis enim est natura Mercurij, utpote

Cui

Cui datur in varias se transformare figuras. Et est tanquam alter Protheus, qui super terram repens, mox assumit serpentis figuram: mox aquis immersus, piscem representat: mox verò alitis instar plumatus pennatusq̃, supremum pervolitat ætheris orbem: & interim tamen non sunt plures Mercurij, sed unus tantum idemq̃, semper & ubiq̃, manet Mercurius. Ab aurea enim, ac simplici unitate, quam Pythagorici Apollinem nuncuparunt, primum ortus, omnem rerum multitudinem prorsus avertatur. Hinc vel totus manet in igne, vel totus ab eo avolat. Necesse igitur erit, ut qualibet materia, ex qua noster componi debet Mercurius, ante omnia exuat multitudinem, & se recolligat ad primum unitatis numerum, qui, cum rerum omnium sit principium & finis, etiam res omnes in se continet. Circà hunc unicū Mercurium hæreat artifex, & cum illo instituat quosvis labores in hoc opere necessarios. Aptius enim est & idoneus ad omnia, ad putrefaciendum, destillandum, coagulandum, mortificandum, vivificandum, sublimandum & zingendum. Absq̃ hoc frustra laborant sophista in omnibus operationibus suis. Non enim
vident

vident hunc simplicem unitatis Mercurium:
 sed caci versantur in infelici diadis siue duali-
 tatis numero, qui litis & confusionis author di-
 citur. Quemadmodum autem omnes, qui a ter-
 na salutis, in securâ vitâ participes esse vo-
 lunt, à varijs & diversis curis mundanis ani-
 mum abstrahunt, & cum Lazari sorore Ma-
 riâ potiùs, (quàm cum Marthâ alterâ sorore,
 cui Dominus dicit, Martha Martha, tu multum
 sollicita es,) meliorem partem eligentes, unico
 & soli Salvatori ac Domino nostro Jesu Chri-
 sto continuè assident, à quo assiduis suspirijs &
 votis petunt aquam istam vivam, quæ in eis
 fiat fons aquæ salientis in vitam æternum. Sic
 veri Philosophi non querunt, nisi hunc unicum
 & verum unitatis Mercurium, qui agnitus, fit
 illis in fontem vivum, ex quo hauriunt aquam
 istam Philosophicam perennem, ad corpora sua
 abluenda, & ab omnibus sordibus mundanda
 ita ut in tali simplici unitatis perfectio-
 ne, pura & immaculata in æter-
 num permaneant.

Finis capituli quarti.

CAPIT.

CAPITVLVM
QVINTVM

HERMES.

Flli, quod ex corvo nascitur, hujus artis est principium. Ecce circumscribendo dictum vobis obscuravi, & lumine privavi, & hoc dissolutum, hoc junctum, hoc proximum longissimum nuncupavi.

SCHOLIUM.

Legimus in primo capite Caelesteos, quod in principio, quando DEUS creavit caelum & terram, terra fuerit inanis & vacua, & quod tenebrae fuerint super faciem abyssi: quodq; Deus dixerit, FIAT LUX. Vnde colligendum, tenebras priores fuisse luce. Eundem planè ordinem, quem Deus in creatione tenuit, videntur hodiè omnes omnium rerum generationes adhuc amulari, sanctèq; observare. Nihil enim generatur, aut in lucem editur, quod non principium suumumat ex tenebris sive ex nocte Orphei, hoc est, ex principijs invisibilibus. Et quamvis vulgi hactenus opinione semina
illa

LV
Ha visibilia, pro veris rerum seminibus siue
principijs fuerint habita: vera tamen princi-
pia aut semina non sunt: sed verorum semi-
um tantummodò rudimenta quaedam & do-
micilia corporea: quamvis nec ipse spiritus in
seminibus corporeis latitans, verum per se se-
men nuncupari possit: quia corpore suo, quod
mortuum est, retentus, simul in mortis & cono-
niam conspirat, nec per se sine tertio spiritua-
li, vivo & vero semine, quod prorsus invisibi-
le, & ab omni corporeo vinculo liberum est,
quicquam agere aut producere potest. Ex
quo palam fit, seminis considerationem esse tri-
plicem: aut enim semen est corpus: aut spiri-
tus mixtus & corporeus: aut spiritus immix-
tus & incorporeus. Ex hoc tertio immixto,
siue incorporeo & invisibili, tanquam ex
ovulo, in noctis nigredine & obscurita-
te delitescente, quod propriè semen dici-
tur, inquit Hermes, sumitur hujus artis
principium. Sunt autem præcipuè tres ejusmo-
di aves, quarum Hermes ac reliqui Philosophi
hinc inde in scriptis suis mentionem faci-
unt. Vocantur autem à nomine Hermetis,
aves.

aves Hermetica, quæ noctu volant sine alis. Prima est corvus, qui à nigredine sua dicitur principium artis: & elementi terræ refert naturam. Propè terrain enim in campis, pratis, agris, & locis humilibus, aut super arbores in sylvis plerumq; habitare solet corvus. Altera est cygnus, & hæc dicitur ab albedine medium, eo quòd aqueum elementum, circa quod cygni plerumq; versantur, representat. Tertia est aquila, qua notatur aër sive oleum Philosophorum. Nulla enim reperitur avis, quæ altius volet in aërem, & propiùs Solem accedat, quàm aquila. De his autem avibus alibi copiosius dictum est: ita ut hoc loco superfluum sit de ijs plura addere. Obiter tantum coronidis loco addo: ne quis nominibus his deceptus fortè ducatur in errorem: aves has spirituum potius, quàm avium habere naturam. Tanta enim pernecitate ac celeritate moventur de loco in locum, ut omnium volucrum volatum, quantumvis velocissimum, longissimo post se intervallo relinquant. Tandem auctor tacitè hortatur discipulos artis ad mentis sagacitatem, & prudentiam: ubi dicit, *scilicet* non perspicuam docendi methodo, sed obscuram circum-

*circumlocutione, & confuso ac distorto sermo-
nis genere usum fuisse.*

HERMES.

Assate ergo ea, deinde coquite in eo,
quod procedit à ventre equorum
per septem dies, vel 14. vel 21. Tunc fit
Draco suas alas comedens, & seipsum
mortificans: hoc peracto ponite in pe-
tia panni, & in igne furni, & ne exeat à
vasc, diligentius custodite. Et scitote,
quod tempora terræ sunt in aqua, & fit
quousq; ipsum ei superponas.

SCHOLIUM.

In precedentibus tractavit author plurima
ex parte, quæ ad theoriam spectant: nunc
autem transit ad opus practicum, & jubet ma-
teriam, quam suprà varijs modis demonstra-
vit, assare & coquere in eo, quod procedit ex
ventre equorum, hoc est, in fimo equino, vel
colore simili, qui videlicet respondeat calcri
ventris equini: idq; per dies 7. vel 14. vel 21.
Non dubium est, quin hæc septenarij multi-
plicatio clam aliqua includat arcani: sed
quia particula illa dubitativa sive disjuncti-

VA VEL, toties repetitur: non satis perspicio
 quid de temporis certitudine inde auguran-
 dum sit. Interim tamen paullo post tempo-
 ris mensura manifestius ac clarius detegitur:
 Ubi author dicit, tempora terra esse in aqua
 & fieri quousq; ipsum ei superponas. Quod
 hunc in sensum accipi potest: Materia cognitio,
 universa ad opus necessaria, simul complecti-
 tur. Hanc si noveris, de modo agendi quoq; cer-
 tus eris: ita ut materia vera & tempus con-
 junctionis sint inter se reciproca & conversiva.
 Nisi enim perfectum ac completum conjun-
 ctionis tempus exploratum habeas, de mate-
 ria perfecta non potes certi quid asseverare:
 & vicissim materia perfecta cognitionem
 vix habebis, nisi totum cum toto conjun-
 gere recte sciveris. His duobus igitur,
 materia videlicet, & debito digestionis
 tempore, probe cognitis, prima decoctio sive as-
 satio fiat igni debili, qualis est calor ventris e-
 quini, h. e., qui sufficiens sit ad primum dige-
 stionis gradum. Quo peracto, draco comedit
 suas alas, & seipsum mortificat, h. e. materia
 incipit in terrâ Philosophicâ dissolvi & corrup-
 pi. Postea verò solutionis tempore completo & abso-

absoluto, calor ignis paulatim augendus, & materia in furno sine athanere Philosophorum continuis coquenda est ignibus. Vas autem, quod materiam continet, accuratissimè sigillandum est, ne spiritus minerales, qui insignè penetrandi vim obtinent, transpirent, & reliquæ cavea, hoc est, corpore mortuo, evolent. impus igitur erit luto sapientia, cuius preparato est, ut sequitur:

R Collæ ustæ unc. 1.
 Farinæ hordei unc. 2.
 Cineris de ligno viridi
 Salis
 Calcis vivæ
 Arenæ
 Scoriæ ana unc. 1.

Omnibus in pulverem subtilissimum contritis, incorporentur cum succo plantaginis & albimine ovorum, ad justam luti consistentiam. Si hoc luto vasis orificium illinatur, & probè claudatur: nulla timenda erit amplius spirituum evaporatio.

P 2 HER-

HERMES.

EO igitur liquefacto & combusto, accipite cerebrum ejus, & acerrimo terite aceto, vel urinâ puerorum, donec obscuretur. Hoc peracto vivit in putrefactione, fuscae nubes, quæ in ipso erant, antequam moreretur in suo corpore, convertentur. Reiteratus autem, prout descripsi, iterum moritur, &, ut dixi, inde vivit.

SCHOLIUM.

Lapis in se latenter continet omnes mundi colores, qui tamen non manifestantur, priusquam is liquefiat. Quoties enim liquefit in igne, toties ex eo oritur novus color, donec tandem consummatâ omnium colorum serie totus in cinerem comburatur. Hic enim cinis est Phœnix ille occultatus à Philosophis, qui senio confectus seipsum in igne comburit & consumit, & cujus cinere resurgit vermiculus, qui successu temporis per se reformatur in avem: ita ut Phœnix, mediante Pyrotechnia, cum juventute suam commutet senectam, & denuò quasi rejuvenescat.

Post

Post mortem quoque hominis, similis remanet vermiculus, qui non cum reliqua corporis substantia corrumpitur, aut in nihilum redigitur: sed reservatur in spirituali mortuorum mundo, usque ad resurrectionem generalem: in qua omnes homines indutis novis & incorruptibilibus corporibus rejuvenescunt. Hic autem est ille vermis conscientie, sive bonae sive male, qui non moritur: de quo legitur apud Prophetam. Certius ex natura argumentum pro stabilienda mortuorum resurrectione non datur, quam hoc ipsam: quod si mundicola nostri, quorum cor totum adheret caducis tantum, vanis, & corruptibilibus mundi thesauris, id penitus ac diligentius scrutarentur: maiorem forte curam susciperent de aeternis, stabilibus, & in perpetuum duraturis bonis conciliandis, quam pro dolor solent. Sed pergit author, & vocat hunc cinerem cerebrum, propter spiritum subtilissimum, qui in eo latet. Sicut enim cerebrum sedes est & domicilium spiritus animalis, purissimi & subtilissimi in toto corpore humano, sive microcosmico: ita hic cinis quoque est habitaculum nobilissimi & preciosissimi spiritus totius mundi majoris,

P 3

sive

sive macrocosmi. Aceto igitur acerrimo seu
 urinâ puerorum, hoc est, Planetarum metalli-
 corum, teritur hic cinis, id est, solvitur tandiu,
 donec putrescat, & appareat primus operis co-
 lor, sive nigredo. De tribus autem primariis o-
 peris coloribus, saepe hæcenus dictum est. Sed
 sciendum nunc est, quemlibet ex istis bis appa-
 rere in lapide. Fit enim lapis bis niger: bis al-
 bus, & bis rubeus. Hac igitur causa una est, cur
 author hic repetat putrefactionem, de qua e-
 tiam paulo ante egerat. Sed & ipse mani-
 festè declarat rei causam, ubi dicit: Reitera-
 tus iterum moritur, hoc est, semel corruptus
 & putrefactus, secundâ quoque vice putrescit.
 Per cerebrum autem, ut dixi, intelligitur spi-
 ritus sive substantia mineralis subtilissima
 in aceto Philosophorum radicato solvenda.

Si aceti huius radicati rectificatio sive præ-
 paratio innotuisset Philosophiæ studiosis, aliud
 Philosophorum solvens non esset investigan-
 dum: neque alia aqua vitæ metallica & mercu-
 rialis, neque alia lapidis aqua, quia aceti radica-
 ti præparatio hæc omnia in se continet.

HERMES.

Ne ejus autem vita & in morte spiritibus utimur. Sicut enim moritur, spiritibus ablatis, sic restitutis vivivifatur, & ipsis lætatur. Ad hoc autem fervientes, id quod quaritis affirmatione videbitis. Narro etiam vobis justificationis signa, & quod suum corpus figit.

SCHOLIUM.

Quando Philosophi locuti sunt de spiritibus, aut lapidem suum operam spirituum consideraverunt, multi sinistrè spiritus vocabulum interpretati, sibi opinionem, nescio quam, inxerunt de spiritibus malignis sive cacodæmonijs conjurandis, & in operis sui ministeriū accersendis, aut convocandis. Sed qualem inde vitæ exitum experti sint plerique, qui à magia hac naturali, scientiâ omnium nobilissimâ & divinâ, ad nigromanticam illam & diabolicam temerè desciverunt, sat abundè testatur historia, ita ut nemo sit vir pius, quin ex illarum relatione, horrore maximo concutiatur. Hinc multi quoque reperiuntur, qui rudes verae magiæ sive Philosophiæ, traducunt

magnum illum & insignem Philosophum Theophrastum Paracelsum: quem, licet summo jure Theophrastus, hoc est, ex DEO, non ex proprio cerebro aut cacodamone loquens, appellatus fuerit, præter suum meritum tamen, cacodæmonum operâ quoq; usum fuisse impudentissimè mentiuntur. Magus fuit, fateor, hoc est, Philosophus. Igitur & magicam secutus est loquendi formulam sive rationem. Spretis enim mortuorum corporum cadaueribus de sola spirituum naturalium investigatione, prout verum decet magum sollicitus fuit. Ex his spiritibus nonnulli sunt boni & benigni, utpote qui arte exaltati, & in arcana sunt redacti: Aliqui verò pravi & maligni, quorum videlicet substantia adhuc circumfluit fece corporeâ, malignâq; ac venenatâ qualitate. Sed quàm diversis utriq; præditi sint facultatibus, notum ac manifestum fit in ijs, qui vel bona vel adversa utuntur valetudine. Sani qui vident, hoc beneficium & donum maximum, solis spiritibus bonis, tanquam veris sanitatis authoribus, acceptum ferunt. Quod sanè beneficium non exiguum est, sed tanti æstimandum, ut cetera omnia, felici-

felicitatis genera facile huic uni cedant. Unde rectè dicimus proverbio Gallico: *La fante surpasse tout: id est; Nihil bonâ valetudine optabitius aut præstantius.* Homines enim in perpetuâ sanitate degentes, in hoc mundano Paradiso, hac in parte similes fiunt angelis in cœlesti Paradiso, qui soli à morborum contagio immunes & securi vivunt. Econtrà verò qui crebrâ, veletiam continuâ morborum tyrannide di vexantur, hujus rei causam, non nisi malignis spiritibus, ascribere possunt: à quibus sæpenumero tam magnis & intolerabilibus afficiuntur cruciatibus, ut vix majus supplicij genus excogitari possit: & sic omnes, qui in tanta miseria ac calamitate vitam transigunt, similem ferè sortem cum damnatis & maledictis cacodæmonibus in hoc seculo experiantur. Hi verò spiritus tam boni, quàm mali, hoc est, salubres & insalubres, in omnibus corporibus naturalibus mixti reperiuntur: præsertim autem in chao nostro Physico, ex quo elicimus medicinam nostram catholicam sive universalem.

Unde Hermes vitam & mortem ab iisdem quoque spiritibus induci affirmat: ablatis scilicet

cet bonis mortem: reparatis vero iisdem vitam. In quo omnino consentire videtur cum ipso Paracelso, ita ut planè stupido sint cerebro, quicunque non advertant, Paracelsum de naturalibus tantum loqui spiritibus, quos interdum à tam horrendis morborum ac symptomatum effectis, malignos seu demoniacos, per similitudinem vocat. Qui verò alium sensum Paracelso affingunt, hi illum vel non intelligunt, vel ex singulari malitiâ depravant. Sed redeamus ad authoris textum, in quo clarè ostenditur: vitæ & mortis causam in spiritibus esse indagandam; in spiritibus viarum naturalibus: qui in tria genera dividuntur, in animales, vegetales & minerales. Qui noverit minerales tanquam mortuos revivificare, & sic preparando depurare, ut vegeti & animati in corpus humanum vires suas exerant: ad maximum pervenit arcanum.

Et hoc est illud, quod quarunt omnes: quod si adepti fuerint, gaudio maximo perfusi, Deo maximo opt. merito gratias agent infinitas. Medicinam enim non modo summam ad corpus humanum habebunt, sed poterunt quoque qualibet corpora perfecta & impura figere,
& in

& in summam argenti auriq; perfectionem
tingere.

HERMES.

HAc autem figuratione priores ve-
stri, quemamodum ad propositum
pervenerunt, ecce mortui sunt. Jam
vobis metam demonstravi, & peritis li-
brum aperui, occultas res celavi, seque-
strata continere feci, diversas figuras
conjunxi, & spiritus sociavi. A Deo hoc
munus accipite.

SCHOLIUM.

Indicat author, artis scientiam antiquos
Philosophos adumbrasse figuratis locutioni-
bus & similitudinibus. Sed quia non amplius
in vivis supersint, illorum loco jam authorem
artis scopum, ad quem omnes sapientes colli-
mare debent, demonstrasse: ita tamen, ut non
nisi periti, hoc est, genuini & legitimi ar-
tis discipuli, inde veritatis saporem sint gu-
staturi.

Celavit enim res occultas, juxta illud: quod
occultū vis, nemini dixeris: Rerū separationē
absolvit. Res diversas, h. e. superius & inferius
cōjūxit; & inter spiritus mortiferos & vivificos
pacem

pacem fecit, ita ut nunc ambo in perpetuam concordia societatem conspirent.

Qui igitur non poterunt ex his, quæ dicta sunt hætenus, secretum artis capere, hi divinam majestatem precibus incessanter sollicitent, ut spiritum intelligentiæ ac veritatis ipsis largiatur.

Finis capituli quinti.

CAPITVLVM SEXTVM.

HERMES.

OPortet vos Deo gratias agere, qui omni sapienti ipsam largitur, quæ de miseria & paupertate liberat nos omnibus ejus substantijs probabilibus miraculis sum tentaturus, & Deum suppliciter deprecaturus, ut, dum vivimus, ad eum perveniamus.

SCHOLIUM.

INchoat author hoc capitulum, ab exhortatione seriâ ad gratiarum actionem & pietatem

tatem erga DEUM. Cum enim verissimum sit, omne donum perfectum de super descendere à patre luminum, qui largitur bona sua, & imprimis hanc scientiam, cui vult: meritò nos gratos praebeamus erga tam benignum & misericordem patrem ac dominum nostrum. Misertus enim miseria & inopia nostra, manum suam aperit, & ingentem sanitatis & divitiarum ad nos è caelo mittit thesaurum: quo nostrum huius vitae defectum subleuat. O pium! O propitium! O clementem dominum, qui tam caelesti, tam angelico & divino planè munere nos indignos dignatur vermiculos.

Ecquis est inter mortales, cuius animus omni adamante magis induratus sit, qui ex recordatione tantorum beneficiorum non emollescat? aut quis est, qui non pro tantis donis, noctes diesq; coràm Deo fleat genua, ipsum adoret, & laudibus hymnisq; infinitis celebret. Modo unica saltem guttula vel scintillula supersit pietatis in homine, dubium non est, quin, dum in memoriam sibi revoCAT infinita illa & innumera divina misericordia ac benignitatis erga genus humanum argumenta, guttula ista pietatis residua in amplissimum mare

mare, & scintillula in maximum incendium
 excreſcat. Si igitur Deus tantis nos cumulat
 donarijs in hoc mundo immundo, dum adhuc
 in corpore mortis, peccatis obnoxio, habitamus:
 quātis putas maximis & inenarrabilibus eter-
 nae vitae bonis nos ornabit in ſecutura vita:
 Vbi ab omni peccatorum immunditie liberati,
 erimus illi, qui venimus de tribulatione ma-
 gnā, & lavimus ſtolas noſtras, & dealbavi-
 mus eas in ſanguine agni: ideo erimus ante
 thronum DEI, & ſerviemus ei die & nocte in
 in templo ejus: & qui ſedet in throno, habita-
 bit ſupra nos: non eſuriemus, non ſitiemus am-
 pliūs, non cadet ſuper nos Sol, neq. ullus aſtus:
 quoniam AGNUS, qui in medio throni eſt, re-
 get nos, & deducet nos, ad vitae fontes aqua-
 rum: & abſterget DEUS omnem lachrymam
 ab oculis noſtris. Apocalyp. 7.

HERMES.

EXinde filij Philoſophorum unguen-
 ta, quæ retrahimus ex ungvibus, pi-
 lis, viridi æris, tragacantho, & oſsibus in
 antiquorum libris ſunt ſcripta.

SCHO-

SCHOLIUM.

PER unguenta intellige omnis generis sulphura arte Vulcanica è rebus naturalibus ducta: ex quibus omnibus unum tantum reperitur fixum & incombustibile. Hoc verò investigandum erit in subiecto omnis mirabilitatis, ut Corn. Agrippa loquitur, & est res, quæ in terris & in cælis est: ipsa est actu animalis, vegetalis & mineralis, ubiq; reperta, à paucissimis cognita, à nullis suo proprio nomine expressa: sed innumeris figuris & anigmatibus velata, sine qua neq; Alchemia, neq; naturalis magia suam completam possunt attingere finem. Per sulphur autem illud fixum, cuius sæpè numero apud Philosophos fit mentio, nihil aliud intelligitur, quàm verum Nature balsamum, quo corpora metallorum mortua peruncta, à corruptione perpetuà conservantur. Vita enim diuturnioris longiori q; causa est solum hoc balsamum, quo res naturales si magis abundant, diutius etiam ab interitu præservantur. Ex rebus igitur, ejusmodi balsamo abundantibus, nostra medicina universalis elicienda, ut eò fiat efficacior ad corpora humana infantilis statu conservanda, & ad morbos
suis

sive ex mala victus ratione, sive hereditaria propagatione, aut quavis alia occasione subortos, abigendos & radicitus extirpandos.

Noli igitur existimare, tale sulphur reperi in unguibus, pilis, viridi eris, tragacantho, ossibus & similibus rebus momentaneis & cito perituris: sed hæc sunt tantum nomina externa, quibus author ex libertate Philosophica utitur ad internam rerum essentiam ab indignis & impijs occultandam.

HERMES.

AMplius unguenti, quod tincturas continet, fugientia coagulat, & sulphura decorat, dispositionem oportet nos exponere, & omnibus alijs unguentis figura, quod est unguentum occultum & sepultum, cujus nulla videtur dispositione, & habitat in corpore suo, sicut ignis in arboribus & lapidibus, quod subtilissimâ arte & ingenio oportet nos extrahere absq; combustionem.

SCHOLIUM.

Unguenti sive sulphuris veri Philosophici conditionem, nunc author pluribus explicat

at verbis: & primum id tincturas continere
ait: Tincturarum enim magna est latitudo.
Quicquid enim tingendo colorem aut proprie-
tatem corporibus naturalibus imprimit, id tin-
turae nomen meretur: ita ut omnis medicina,
sua corpora in bonâ & naturali conservat
constitutione, & aufert morbos, rectè appelle-
tur tinctura sanitatis: & sic econtrâ res de-
ruentes, ac agritudines corruptionesq; corpo-
ribus inducentes, nuncupentur tinctura mor-
borum & mortis. Quæ igitur in mundo res
veniuntur, sanitatis & morborum cause,
et etiam tinctura statuenda: quas in univer-
sum omnes in se complectitur unicum istud
philosophorum unguentum. Habet deinde
idem unguentum facultatem fugientia coagu-
andi, & sulphura decorandi, hoc est, volati-
lia figendi, & obscura illustrandi. Eiusmo-
di autem volatilia nihil aliud sunt, quàm o-
mnia inferiora & imperfecta metalla, qua
per hoc unguentum transmutantur in opti-
mum aurum & argentum. Tandem un-
guentum hoc absconditum latere dicit in cor-
poribus, non secus ac ignis sive calor naturalis
non autem hic sermo est de igne vulgari,
2 aliàs

aliàs mechanicus dictus, omnia comburens & destruens) tempore veris in arboribus succum sive viriditatem generat, & temporis progressu producit gemmas, folia, & flores, tandemq; completam fructuum seminumq; maturitatem absoluit: Vel sicut idem calor in montibus & intimis terra visceribus (linea namq; viridis gyrat universum) simplicissima rerum corpora sive elementa primum miscet, & lapides inde diversis proprietatum differentiis insignitos fabricat: sic sulphur natura sive Philosophorum tineturas veras, quas in se continet, per varias temporum revolutiones explicat: immatura perficit: inconstantia figit: immunda abluat: ignobilia & vilia nobilitat. Propter varias ejusmodi & eximias dotes, quibus praeditum est, longè latèq; antefertur ceteris sulphuribus, adeo ut propterea non immerito divinum ab authore appelletur. Vas est hoc in loco materia ipsa, quæ continet essentiam pretiosam, cœlestem, astralem, & vitalem spirituum copiam impregnatam. Hi spiritus, qui instar Mercurij volatilis, fugitivam habent naturam, ingeniosa & mira arte extrahuntur, & per sublimationem magis magisq; exaltantur.

ntur, tandemq; figuntur. Sed industriâ
 immâ præca vendū, ne in gradibus ignis pec-
 tur. Calor enim nimis materiam nostram,
 ut diximus, celestis sive astralis istius es-
 entie vas est sive domicilium, comburet, &
 fracto carcere, captivus ansugiet.

HERMES.

ET scitote, quod mediocriter coelum
 cum terrâ jungitur. Mediocre autem
 est figura cum cœlo & cum terrâ, quod
 est aqua. Omnium autem primò est a-
 qua, quæ exit de hoc lapide: secundum
 erò aurum: tertium autem ferè & me-
 iocre aurum, quod aquâ & fece no-
 ilius.

SCHOLIUM.

Hic agitur de tribus lapidis partibus. 1.
 de aqua. 2. de cœlo, sive mediocri au-
 ro. 3. de auro sive face terrestri. Noli verò
 mirari, quod aurum hic facis vicem: gerat, &
 aquâ cœloq; vilius aestimetur. Loquitur enim
 hic author de auro non vulgari, sed de Philoso-
 phico, quod in uno tanquâ sacco continet omnia
 corpora, tam perfecta, quam imperfecta.

pretiosa & vilia; pura & impura: gemmae
& silices: aurum & plumbum: ita ut plum-
bum Philosopho nil aliud sit, quam aurum le-
prosum & imperfectum: aurum autem vicif-
sim sit plumbum fixum & perfectum. Pra-
stantius autem plumbo & auro, dicitur caelum
mediocre, vel serè aurum. Mediocre autem
ideò dicitur, quòd auri quidem pondus, colo-
rem, & cæteras proprietates habeat, sed mul-
to sit, spiritualius, excellentius & potentius:
utpotè cuius virtutes exuperant vulgare
aurum.

Unde etiam vulgare, per projectionem tin-
gitur à mediocri, & plusquam perficitur: estq;
hoc aurum mediocre, verè lapis ille pretiosus,
in cuius comparatione omne aurum, arena est
exigua, & tanquam lutum aestimabitur argen-
tum respectu illius. Sap. 7.

HERMES.

IN his autem tribus sunt fumus, nigre-
do & mors. Oportet ergò nos ab
aquâ fumum superexistentem, ab un-
guento nigredinem, & à facie mortem
depel-

epellere, & hoc dissolutione. Quoperato, maximam habemus Philosophiā, & omnium secretorum secretum.

SCHOLIUM.

In his tribus, hoc est, in unico subjecto, ex tribus composito quod notum est in capitulis, continentur haec tria, fumus, nigredo, mors; quae non nisi unum sunt: caput nimirum mortuum: quod epuratur & revivificatur per solam dissolutionem. Nisi enim corpus salvatur, nulla fit spirituum coagulatio. Solutione enim corporis impuri & fumosi, spiritus puriores & nobiliores, tanquam succenturiati, novas indies & praestantiores vires atque proprietates induunt: & nigredine ablata, albos & rubicundos Philosophorum flores proferunt: mortemque expulsam vitalibus & astralibus tineturis omnia perfundunt atque replent. Et haec est Philosophia consummata, & omnium secretorum secretum. Sed quid sit Philosophia consummata, in superioribus fusè explicatum est. At quamvis Hermes hinc tantummodò loqui videatur de transmutatoriā Philosophiā: alibi tamen disertè fatetur, omnes sapientias suae sapientia

23 pientia

pientia subditas esse. Cum autem Christus Sal-
 vator noster, unica & sola vera sit sapientia
 ab aeterno, non existimo, aliquem vere sapien-
 tia participem fieri posse, nisi is & spiritum
 Christi simul habeat. Per hunc enim spiritum
 solum, accessum habemus liberum ad abscon-
 dita tam divinarum, quam naturalium re-
 rum mysteria pervenienda. Is enim est, qui, te-
 ste Paulo, scrutatur omnia, etiam profunda
 DEI. Nemo enim cognoscit, quae DEI sunt, nisi
 idem, quem accepimus, spiritus DEI. Huius so-
 la virtute similes efficiamur in hac vita Enoch &
 Elia. Sicut enim hi, teste scriptura, vivi fu-
 erunt assumpti caelum: ita & nos per Christi spiri-
 tum, in his terris adhuc ambulantes, tanquam vivi
 in caelum extollimur. Cum enim per caelum ni-
 hil aliud intelligatur quam vita aeterna: Chri-
 stus autem sit ipsa met vita: de se ipso enim lo-
 quens, inquit: Ego sum via, veritas & vita:
 necessario inde sequitur, quod qui in Christo
 manent, & Christus in illis, non amplius in
 mundo, sed in caelis, ubi Christus est, versentur,
 hoc est, non amplius terreni ac mundani idolo-
 latrae, rebus caducis, sed spirituales & immor-
 tales Christo soli adherent. Non igitur expe-
 ctan-

Tandem est alius Enoch, aut alius Elias, qui
 ante adventum Christi in mundum veniat. Sicut
 enim Antichristus non habitat in uno solummo-
 do individuo, sed in toto Antichristiano corpo-
 re, quod ex pluribus constat membris, diffusus
 regnat: ita Enoch & Elias spiritum non acce-
 perunt sola quadam singularis persona: sed omnes
 veri Christiani & pii, praesertim Philosophi,
 qui in eodem ambulantes spiritus in vasis suis
 fictilibus, ut cum Paulo loquamur, habent the-
 saurum immortalem & incorruptibilem, nem-
 pe Jesum Christum: à quo Elias olim, tanquam
 de spiritali petrâ bibens, spiritum quoque eun-
 dem acceperat, ita ut spiritus Eliae non alterius
 sed ipsius quoque Christi fuerit: qui solus est ve-
 rus Elias artista, nos deducens in omnium ar-
 tium veritatem: quin imò solus is est con-
 summata Philosophia, & omnium
 secretorum secretum.

Finis capituli sexti.

CAPITVLVM
SEPTIMUM.

HERMES.

O Filij Philosophorum, corpora sunt septem, quorum primum est aurum, perfectissimum, rex & caput, quod nec terra corrumpit, nec res comburentes devastant, neq; aqua alterat, quia eius complexio est temperata, & natura directa, in caliditate, frigiditate, & humiditate, nec superfluum quicquam in eo est. Ideo Philosophi ipsum prætulerunt, & magnificaverunt, dicentes, aurum sic haberi in corporibus, sicut Sol in stellis lumine suo est splendidior: eo enim Dei nutu, omne vegetabile, omnis terræ fructus perficitur: sic aurum omne corpus continet, vivificat, quod Ixir fermentum est, sine quo nequaquam perficitur.

SCHOLIUM.

Septem corpora, sunt septem metalla, aurum, argentum, stannum, æs sive cuprum, ferrum,

ferrum, plumbum, & argentum vivum. Inter
 hac præstantissimum est aurum. Vnde et iam
 reliquorum rex & caput ab authore vocatur.
 Sed erras, si hoc dictum putas de auro vulgari,
 cuius usus est in officinis monetariorum & au-
 rifabrorum. Aurum enim nostrum, inquiunt
 Philosophi, non est aurum vulgi, sed est as, si-
 ve electrum minerale, cuius compositio in se,
 complectitur omnia metalla: juxta illud, O-
 mne aurum est as, sed non omne as est aurum.
 Hoc verò as sive aurum rectè comparatur So-
 li, qui, teste Hermete, post DEUM gubernat
 mundum, & illuminat omnia mundana, sive
 animata sive inanimata: & est gubernator
 vitalium, vel totius vivacitatis frequen-
 tator & dispensator: de quo Palingenius ita
 canit:

— — — — O Sol, qui tempora mutas,
 Et cum temporibus, quicquid generatur in
 orbe.

Hujusmodi virtus generativa & seminaria,
 cuius vi crescunt & propagantur omnia, inest
 quoque in viriditate æris nostri: de quâ Philo-
 sophus loquitur: Totum illud, inquit, quod est
 perfectum in ære, est illa sola viriditas: quæ

ℒ s

in

in ipso est: quia illa sola viriditas per nostrum
magisterium vertitur cū in verissimum au-
rum nostrum. O benedicta viriditas, qua cun-
ctas res generas: quod vel inde constat, quod
nullum vegetabile atq. fructus nullus appa-
ret germinando, quin sit ibi viridis color. Ex
quo manifestè colligitur, aurum hoc Philoso-
phorum siue as habere longè alias proprietates
atq. vires, quàm vulgare illud: quod, teste
Mirandula parvo pulvere insperso in igni
fugit: ac potest resolveri in calcem & aquam
limpidam: imò hydrargyrius id penitus de-
struit: ita ut longè differat hoc vulgare à ve-
rò Philosophorum auro: quod præter comme-
moratas virtutes etiam perfectissimum est, &
incorruptibile: quodq. naturam habet Elixiris
siue fermenti. Est autem Elixir, ut Rosarius
inquit, medicina completa, magisq. depurata
& digesta, quàm aurum & argentum, eò quod
ipsam Elixir habet vim convertendi omnia
imperfecta corpora in aurum & argentum,
quod ipsa per se minimè perficere possunt: quia
si de perfectione suâ atteri darent: ipsa imper-
fecta existerent: eò quod non possunt tingere,
visi quantum se extendunt. Hinc constat, au-

rum

ram Philosophicam esse quid præstantius, nobilius ac pretiosius ipso auro & argento, cæterisq; omnibus metallis vulgaribus. Quæsi verunt multi hanc auri sive aris vñiditatē in vitriolo, & cupro sive ære vulgari: sed errore decepti a vero scopo longè aberrarunt. Causa erroris fuit ipsorum crassa ignorantia, qua secuti sunt literalem in scriptis Philosophorum sensum, cum tamen Philosophia Chymica non contēpletur metalla, quatenus sint corpora, sed quatenus redacta sint in substantiā subtilissimā, spirituales ac cælestē. Est ergo aurum nostrum non corporeum: sed summè deparatum, & ad astralem naturam adductum. De quo hac dixisse sufficiat.

HERMES.

Sicut enim pasta sine fermento fermentari non potest, sic cum corpus sublimaveris, mundaveris, & turpitudinem à facie separaveris, cum conjungere & simul miscere volueris, pone in eis fermentum, & aquam terrā confice: donec lixir fermentetur, & ut pasta fiat fermentū. Meditamini & videte utrum ei fermentū fiat de alio, quam de sua natura.

Inspi-

Inspicite ergò, quomodo fermentum non est, nisi de pasta ipsa.

SCHOLIUM.

PAulò superius mentionem fecit author fermenti, idq; aurum esse apertis & manifestis verbis indicavit. Pergit igitur nunc pluribus demonstrare necessitatem fermentationis: & aliquas ordine operationes ponit: quales sunt sublimatio, mundatio, facum separatio, conjunctio & mixtio, qua singula necessario requirunt fermentationem. Est enim fermentum quasi anima, quæ pastam eadem proprietate, quâ ipsa est insignita, fermentat. Ne verò dubites, id verum artis esse fermentum, ab authore suprâ propositum: considera solummodò finem intentionis tuæ, & mox fateberis aliud non esse, quàm hoc ipsum. Aurum vis producere: Ergò aurum tuum quoq; erit fermentum. Quemadmodum fermentum pastæ ex eadem materia constat, ex qua ipsa pasta: utriusq; enim materiâ est farina: sic fermentum lapidis aurifici est aurum: argentifici argentum. Vide saltem, ut fermentum,

tum, quo uti voles, semper sit re fermentanda
 efficacius, purius, & astralius, magisq; digestū,
 & non errabis. Expurgate vetus fermentum, inquit D. Paulus, ut sitis nova conspersio.
 Ad regenerationē enim novi hominis, requiritur novum fermentum, quod veteri isto longē
 sit efficacius, purius, nobilius, cœlestius, spiri-
 tualius. Tale autem novitatis, puritatis,
 sinceritatis & veritatis fermentum est ipse
 Christus, quo in baptismo per ipsius mortem o-
 mnes, verē credentes, fermentantur. Vnde
 Matth. 13. simile dicitur esse regnum cœlorum
 fermento, quod acceptum mulier abscondit in
 farina satis tribus, donec fermentatum est
 totum.

Quale igitur hoc novum est fermentum,
 talis quoq; debet fieri pasta inde fermentata. Ni-
 si enim pasta eandem cum fermento virtutem
 & proprietatem acceperit, verē & debito mo-
 do fermentata dici non poterit. Hinc elucet
 evidens discrimen inter Christianos veros &
 falsos. Veri, virtute novi fermenti operan-
 tur juxta novum hominem veritatem & vi-
 tam: falsi autem secundum veterem hominem
 mendacium & mortem. Hac autem postrema
 tene-

tenebrarum opera, regenerato homini omninò
 de vitanda & fugienda sunt. Modicum enim
 enim fermentum, scilicet veteris hominis, ut
 Paulus docet, Gal. 5. corrumpit totam massam.
 Quicunq; igitur massam suam, tam theologicè
 quam Chymicè, rectè fermentare volet: ve-
 tera impuritatis & corruptionis corpora relin-
 quat, nihil enim stabile aut laudabile in illis
 nunquam inveniet. Est autem in utraq; scien-
 tia fermentatio necessaria. Qui enim in Theo-
 logia ignorat Christum, ab eodem quoq; igno-
 rabitur. Nosse autem Christum realiter, est cre-
 dere ipsius verbo, & servare ipsius mandata.
 Sic enim cum ipso erimus una massa, & à pro-
 prio ipsius verbo in essentialem & perpetuam a-
 micitiam ejus fermentati. Jamq; non amplius
 nos dicet servos, sed amicos. Amici enim, inquit
 ad discipulos, mei estis, si feceritis, quae precipio
 vobis. In Chymia quoq; necessariam fermentationem
 esse palàm fit ex eo, quòd si non mescas fer-
 mentum cum Elixire, non coloretur corpus, sicut
 debet, quoniam sine fermento non exhibit neq; Sol,
 neq; Luna. Est enim fermentum anima, quae cor-
 pori imperfecto, mediante aqua, vitam tribuit,
 quam prius non habebat, & in meliorem for-
 mam reducit.

HER.

HERMES.

ET nota, quod fermentum confectionem dealbat, combustionem verat, tincturam, ne fugiat, continet, & corpora laticat, & invicem conjungi & ingredi facit. Et hæc est clavis Philosophorum, & finis operum, & hac scientiâ corpora emendantur, & eorum opus, Deo annuente, peragitur.

SCHOLIUM.

Dubium maximum hic de fermento oriri videtur, quod antea aurum esse diximus: nunc autem fermentum confectionem quoque dealbare auctor confirmet: sed facile id solvitur per Philosophum, qui dicit: non est aurum, nisi prius fuerit argentum: Item aurum nostrum, est tinctura sive anima sive fermentum operis, sine quo nequaquam peragitur, sed quando dealbatum fuerit aurum, i. e. corpus album: neque sit argentum, nisi prius fuerit Mercurius. Vnde sol fingitur à Philosophis tres habere facies in cælo: nigram, candidam, & rubicundam: ita ut facile credendum sit, fermentum hoc non tantum dealbare confectionem, sed etiam, ut auctor jam post docet, à combustionem & fugam

cursio-

custodire tincturam, eiq^{ue} in projectione conciliare ingressionem. Sed quia fermentum non potest ingredi corpus mortuum, nisi mediante aquâ, quæ facit matrimonium & copulam inter fermentum & terram albam: id in omni fermentatione notari debet pondus uniuscujusq^{ue}. Si igitur terram foliatam albam ad album Elixir volueris fermentare, ut stabit in complemento tincturæ super corpora à perfectione diminutâ, tunc recipe terra dealbata seu foliata corporis mortui patres tres, & de aquâ vitæ reservatâ partes duas, & fermenti partem alteram dimidiam. Fermentum autem sit preparatum, ut fiat calx alba fixa & subtilis, si ad album tua procedit intentio: si verò ad rubeum, tunc sit calx citrinissima auripreparata, & non erit aliud fermentum. Tanta igitur est fermentationis prestantia, ut author eam non dubitet appellare clavem Philosophorum, hoc est, principium & finem operum, videlicet albi & rubei: utpote cujus beneficio corpora emendantur, hoc est, in superiorem perfectionis statum exaltantur: sicq^{ue} tandem opus rubeum ultimumq^{ue}, divina aspirante gratiâ, perficitur, & ad finem perducitur.

HER.

HERMES.

NEgligentiâ verò & malâ de eo opinionone, opera corrumpuntur, ut fermentum massæ, & coagulum lacti ad caseum & moscus in aromatibus.

SCHOLIUM.

NE fortè quis erret in secreto fermentationis, & falsâ quadam opinione, de eadem conceptâ, opus potius per ipsam corrumpi, quàm corrigi & emendari existimet: author tria proponit exempla, quæ tacitè spectanda esse præcipit. Ut enim fermentum massam, coagulum lac, & moscus aromata non corrumpit in deterius, sed ut ex massa fiat panis: ex lacte caseus: & aromata grato mosci odore a corruptione & carie conserventur: Ita etiam fermentum Philosophorum materiam nostram primò corrumpit quidem, & in nigredinem ipsam convertit: non tamen, ut eò redactum opus ita in nigredinis morte relinquatur: sed potius tota confectionis massa, per omnes colorum mutationes fermentetur ac tingatur. Calor namq. agens in humido primò efficit nigredinem: & calor in sicco causat albedinem: nec non in albo citrinitatem & nimiam rubedinẽ. *Quæ varietas colorum soli fermento adscriben-*

R

da

da est: & sic corruptio unius, est generatio al-
 terius: est q̄ fermentum fermenti fermentum:
 veluti Philosophus inquit: Qui non gustave-
 rit saporem salium, nunquam perveniet ad op-
 tatum Fermentum fermenti: fermentat enim
 finitum per excellentiam. Appropria ergo fer-
 mentum, quod est anima ante fermentatio-
 nem, ut sit pulvis calcinatus, solutus, & indu-
 ratus: quoniam si bene non preparas ferment-
 um, nil valet tuum magisterium. Et scias,
 quod non est fermentum, nisi Sol & Luna, hoc
 est, aurum & argentum, istis Planetis appro-
 priata. Ideo quia sicut Sol & Luna alijs Pla-
 netis dominantur, & ipsa ad suam naturam
 convertunt: ideo a plurimis Fermentum di-
 cuntur. Oportet ergo fermentum in cor-
 poribus introduci: quia est ejus anima:
 Hacq̄ anima vitam inducit corporibus
 mortuis, & imperfectis: ut simul cum vivis &
 perfectis vivificentur & perficiantur. Sic enim
 verbum Christi verum est fermentum sive a-
 nima vivificans in Lazaro mortuo, & quatri-
 duum jam sepulto ac fœtente. Quamprimum e-
 nim Christus dicit: EXI FORAS Lazare: ecce
 statim mortuus resurgit, & prodit de sepulcro.
 Tam efficax enim est verbum Christi, ut illico

in effectum producat id, quodcumq; per illud
pronunciatur. Quod infinitis propemodum ex-
emplis, tam ab ipso Christo, quam à suis disci-
pulis, alijsq; sanctis viris atq; Prophetis, prae-
stis, passim in sacris comprobatur literis. Et hoc
est integrum ac verum verbum Dei ex perfe-
ctâ & verâ fide profectum. Ideo etiam essen-
tialiter statim per id efficiunt omnes sancti,
quicquid volunt. Multi equidem hodiè glori-
antur in hoc verbo, sed dum putant se integrum
ac verum habere, vix ac ne vix quidem di-
midium sunt adepti. Nam ab ipsorum effectis si-
ve fructibus, manifestè cognoscimus, ipsos non
habere nisi nudam literam, & mortuam um-
bram verbi, nequaquam verò ipsam verbum
verum, essenziale & efficax: adeo ut merâ paleam
vacuâ granisq; careat, triturare videatur.
Si enim verum haberent, etiam per illud de-
monstrarent effectus, similes effectis verbi, ab
ipso Christo, ab apostolis & alijs viris sanctis
prolati. Lumen enim, quod non lucet, nec aë-
rem finitimum collustrat, non est lumen, sed
luminis tantum inane & sterile nomen. Lu-
men autem lucem simul ac splendorem rebus af-
ferens, hoc verò luminis verum & essenziale no-
men meretur. Quamobrè sicut hodiè infinitus est

numerus eorum, qui hoc inani & sterili verbo
utuntur ad lucrandum tantummodo panem
pro corpore suo alendo: paucissimi autem sunt,
imò vix unus atq; alter, qui hoc verbum effi-
caciter & essentialiter adhibeat tam pro sua
quam aliorum animarum salute: ita etiam in-
gens est alchymistarum deploratorum multi-
tudo, qui artem Chymicam exercentes solum-
modo inhærent rebus sive fermentis mortuis,
& particularibus quibusdam sophisticationi-
bus: pauci verò reperiuntur, qui vivam & ef-
ficacem Naturæ essentiam, & universalem o-
mnium corporum medicinam, legitimo modo
inquirunt atq; scrutantur.

HERMES.

Certus aurei color ad rubedinem, &
natura non est dulcedo, ideò de eo
sericum constituimus, quod est Ixir: &
de eo constituimus encaustum, quod
scripsimus, & si illo regis lutum tingi-
mus, & in eo colorem cœli posuimus,
qui se videntibus vitum augmentat.

SCHOLIUM.

Quamvis non satis constet, quid author
velit per dulcedinem & sericum: infe-
rius tamen sese explicat, adeò ut facile conje-
ctari

Elari liceat, id esse fermentum aureum ad ru-
 bedinem: cuius descriptionem vel adumbratio-
 nem potius per encaustum, hoc est, figuras, si-
 militudines, & tropicos loquendi modos, ha-
 ctenus in his capitulis tradidit. Notandum au-
 tem hic est, sigillū regis, hoc est, auri sive Solis,
 quod lutum, hoc est, est massam mercurialem
 tingit, esse unum ex secretis sapientum. Unde
 etiam a quibusdam dicitur sigillum sapien-
 tum: vel sigillum Hermetis sive Mercurij.
 In quo inquirendo multi hactenus, sed plerique
 in vanū laborarunt. Non enim id est cera Hi-
 spanica, neq, suber, neq, colla sive gluten, neq,
 luti quoddam genus, quo vasa vitrea, terrea,
 aut alia huius generis perlutantur, vel obtu-
 rantur: sed est quaedam naturæ dispositio cer-
 ta, ad cuius legem infallibilem res in vase
 Philosophico inclusa, suis obsignantur proprie-
 tatibus ac coloribus, usq, dum omnium facta
 fuit apparitio, & tandem etiam prodeat exop-
 tatissimus ille color Cyaneus sive cælestis, qui
 salutari splendoris sui efficacia, visum intuen-
 tis non obscurat aut obtundit, veluti fieri vi-
 demus ab externo Solis splendore: sed acuit
 potius eum, ac roborat: neq, hominem suo visu
 enecat, ut Basiliscus: sed potius morti jam pro-

ximos, profuso proprio sanguine revocat, & pristina vite incolumitate ipsis restituit, ut Pelecanus. Dicitur enim Pelecanus rostro suo in gyrum flexo, proprium odere pectus & sanguine inde effluente, pullos suos mortuos irrigare, & sic vitæ restituere. Unde Chymici instrumentum quoddam habet de stillatoriū, quod huiusmodi Pelecanici gyri circuli vè formā refert. Sed admonēdi hīc sunt veri artis indagatores de hoc Pelecano, magnum arduumq; secretum in illō a Philosophis occultatum esse. Sicut enim Pelecanus avis est viva, non mortua, ita etiam Philosophi ad magisterium suum postulant corpora non mortua sed viventia, hoc est, spiritualia, & summā vitalium facultatum fecunditate prædita. Sicut etiam sanguis effluens ex pectore mortuis pullis reddit vitam: ita viriditas nostri Leonis rubei, vitam in mortuis & obscuris metallorum corporibus consopitam resuscitat, eaq; pristino splendore & claritati restituit. Et sicut tandem sanguis ille non elicitur, nisi factō prius ab ipso Pelecano gyro sive circulo: dum enim rostrum applicat pectori, totum collum cum rostro flectitur in circularem formam: sic artifex verum & tingentem Leonis sanguinem evocare non poterit, nisi prius spiri-

Spirituum circulatio siue destillatio circularis fiat: hoc est, exterius intrò, interius foras: item, inferius sursum, & superius deorsum pellatur: ita ut exterius & interius: inferius & superius simul in uno circulo conveniant, neq; amplius cognoscias, quid vel exterius, vel interius, inferius vel superius fuerit: sed omnia sint unum in uno circulo siue vase. Hoc enim vas est Pelecanus verus Philosophicus, nec alius est in toto mundo querendus: ac sine hoc frustra laborabit omnis falsarius alchymista. Sed ut melius intelligantur ea, quæ modo dicta sunt, hanc placuit sequentem subscribere figuram.

C



E

A est interius, & tanquam principium & fons, à quo reliquæ literæ defluunt: & simul etiam finis ultimus, in quem cæteræ omnes, tanquam fluxu in Oceanum siue mare magnū refluunt. B. C. D. E. Hæ quatuor significāt exterius.

R 4

C.F.

C. F. Superius. E. G. Inferius. Quæ literæ in universum omnes A. B. C. D. E. F. G. septenarium Magicum occultum, manifestè exhibent: de qua aliàs copiosè satis à nobis tractatum fuit, ita ut supervacaneum sit, nunc plura de eo addere.

HERMES.

Aurum ergò pretiosissimus est lapis, carens maculis, temperatus quoque, nec ignis, nec aër, nec aqua, nec terra corrumpere potest fermentum universale, cuncta rectificans temperatâ compositione, quod flavi sive veri citrini coloris est.

SCHOLIUM.

Iam apertè fatetur author, aurum Philosophorum esse lapidem pretiosissimum, longèque plures dotes, & munera ipsi tribuit, quàm vulgare possidet aurum. Et ut de cæteris nihil dicamus, manifestum hic apparet discrimen inter aurum Philosophorum & vulgare: quòd vulgare lapidis pretiosissimi nomine, nullo jure appellari possit: siquidem simplici perfectione tantum ornatum, à corporeâ illâ coagulatione nondum sit liberatum: Et quamvis sit purum, temperatum, & ab ignis, aëris, aqua vel terra

terra injurijs tutum & immune: non tamen
ut fermentum universale, cuncta ad tempe-
ratam naturam reducere potest: sicut flavus,
verusq; ille citrinus color, hoc est, auri essentia
quinta sydereâ & cœlestis, à corpore suo crasso,
impuro, ac terrestri segregata:

Si sapias, umbrarum fuge mortua corpora.

Namq;

Constans est solus SPIRITUS: umbra fugit.

Universalitas enim sive Catholicismus non
consistit in corpore, sed in spiritu. Spiritus enim
solus penetrat omnia, quantumvis solidissima,
corpora. Sic Catholicismus religionis, seu veræ
Ecclesiæ, non consistit in visibili quodam &
corporeo hominum cœtu: sed in invisibili & spi-
rituali, piorum ac verè credentium in unicum
Jesum Christum, consensu ac conspiratione.
Qui enim extra hunc Regem omnium regum,
verè catholicum, in quo & per quem sunt o-
mnia, quiq; solus est & unicus spiritualis ve-
ræ Ecclesiæ pastor, præsul, & episcopus summus,
subscribit particulari cuidam Ecclesiæ, is jam
est sectarius, schismaticus & hæreticus. Regnū
enim DEI nō venit cū observatione, sed est in-
tra nos, inquit Salvator noster ipse Luc. 17. Item
ibidem quoq; hortatur suos discipulos: ut ab

R s

ejus-

ejusmodi sectariorum seductionibus sibi caveant: ubi inquit: Venient dies, quando desideretis videre unum diem filij hominis, & non videbitis: & dicent vobis: Ecce hic: ecce illic: Nolite ire, NEQUE SECTEMINI. Ex quibus palam convincitur, quod certa externæ sectæ non sit subscribendum: quemadmodum hodie fieri videmus: ubi plurimi hominum, ex nimia simplicitate seducti, huic vel illi sectæ nomen suum dant, falso sibi persuadentes, se sub numero certorum sectariorum, horum vel illorum, comprehensos, errare amplius non posse, sed certius certo inde anima beatitudinē & vitam æternam reportaturos, cum neq. Ecclesia, quam unusquisq. suā solummodo verā esse perperam opinatur, errat. Unde tot dissensiones & controversie in religione repullulāt, in quibus singula pars suam opinionem mordicus propugnat: magis autem pleriq. illorum occupari videntur in particularibus sive proprijs verborum phrasiumq. delirijs, quam in universali scripturā sacrā & verbo Dei serio piēq. excutiendo. Si enim hujus virtutem cognoscerent, infinitas quæstiones stultas, inutiles, & vanas, quæ non nisi contentiones & lites generant, intermitterent: & hominem hereticum post unam

¶

& secundam correptionem de vitarent, scientes, quia subversus est, qui ejusmodi est, & delinquit, cum sit proprio judicio conaemnat. Tit. 3. Sed quæres, ubinam sint illi veri Christiani, ab omni sectariorum contagione liberi? Ut tibi respondeam ad hanc questionem, velem scias, illos non esse quærendos in monte Samaria, non Ierosolymis, non Roma in Italia, non Geneva in Gallia, non Lipsia in Germania, non Cracovij in Polonia, non Praga in Bohemia, non Olsmutzij in Moravia: sed ubiq, per totum dispersos mundum, in Turcia, in Persia, Italia, Gallia, Germana, Polonia, Bohemia, Noravia, Anglia, in America, etiam ad extremos Indos. Ex omni enim natione, DEUS sibi colliget Ecclesiam. Vera autem verarum Christianorum nota hac erit propria, quod, teste ipsa veritate Christo, Joan. 4. neq, in monte hoc, videlicet Samaria, neq, Ierosolymis, neq, alibi adorabunt patrem. Sed venit hora, & nunc est, quando veri adoratores adorabunt patrem in SPIRITU & VERITATE. Nam & Pater tales querit, qui adorēt illū Spiritus est DEUS: & eos, qui adorēt eum, in spiritu & veritate oportet adorare. Ex his igitur cognitis perspectusq, unicuiq, nunc iudicandū relinquo, quæ nam.

quinam sint illi, qui sunt sub verâ Ecclesiâ, nec
ne? & ubinam locorum in hoc mundo, verus
Christianismus, veraq; colatur & exerceatur
relligio. Factâ itaq; comparatione, idem esto jus
diciû de Chymia verâ & falsâ: sive de univer-
sali & particulari: deq; veris & spuris ejusdem
indagatoribus.

HERMES.

Aurum sapientum coctum & benè
digestum ignea aqua lxsir conficit.
Aurum enim sapientum est pendentius
plumbo: quod est temperata compo-
sitione fermentum lxsir: & è contrario di-
stemperatû distemperata compositione.

SCHOLIUM.

Aurum & aqua ignea, quantumvis exqui-
sitissimè per artem cocta & digesta, nul-
libi tamen perfectiora, meliora & prastantio-
ra reperiuntur, quàm in mineris & radicibus
suis: ubi nullum adhuc ignem sunt experta.
Sicut in auro videre est, modo è terrâ suâ ex-
tracto, quod planè crudum adhuc existit, & à
superfluitate suâ nondum sejunctum aut sepa-
ratum. Unde quoq; ejusmodi aurum magis ap-
tum est, & idoneum ad regenerationis opus.
Siquidem spiritus ejus adhuc sunt liberrimi,
nullaq; ferri corporum coagulatione detenti.

Hinc

Hinc promptius agunt, velociusq; tincturae
 preparationem accelerant, quam si auri corpus
 prout vulgò habetur, accipiat. Omnia namq;
 corpora, sicut & supra mentionē fecimus, prin-
 cipijs suis viciniora, præstant ijs, quæ per diu-
 turnam coagulationem à primitivâ suâ spiri-
 tualitate & fecunditate longius recesserunt.
 Non mirandum ergo est, quòd patres primi in
 seculo aureo, quod creationi proximum & à
 benedictis & fecundis creatoris uteribus qua-
 si nondum ablaetatum, tanto virium virtu-
 tumq; vigore, hoc ferreum nostrum longè su-
 perabat, in tam multos longævitatis annos suâ
 produxerint vitam. Hominum enim corpora,
 tum temporis nondum tam fædè corrupta erāt
 à teterrima illâ luxuria bestia: quæ sensim per
 propagationē adeò increvit, ut in hoc ferè ul-
 timo seculo, nihil ab eâ sanū appareat. Hæc cor-
 ruptela mox successit vitæ brevitās. Unde jam
 Nascendo morimur, penderq; ab origine finis.
 Eidem calamitatis iugo quoq; sunt metallorū
 corpora obnoxia, quæ vix è mineris suis eruta,
 statim corporeo rigidoq; mortis carcere inclu-
 duntur, ex quo nulla speranda liberatio, nisi re-
 lieta nobis esset aurea illa vitæ clavis, quâ solā
 omnes portas clausas in mortis isto carcere re-
 sera-

seramus, & captivos inde spiritus in pristinum
vita theatrum producimus. Per hanc autem vita
clavem intelligo, vitales mineralium radices, in
quas si corpora reducantur, fiunt novae regene-
rationi apta, ita ut veram ex illis tincturam tum
habere possis. Accedit insuper aqua ignea, qua
nihil aliud est, quam Mercurius Philosophorum
ex ysdem mineralium radicibus educus. Hae a-
qua est mater, qua aurum in ventre suo conce-
ptum solvit, eiq; inter digerendum, debitum pre-
bet nutrimentum, donec 40 septimanis elapsis,
terminoq; gestationis Philosophici foetus abso-
luto, pariendi tandem sive nativitatibus hora ad-
veniat. In fine igitur digestionis, quando nimi-
rum instat dicta hora nativitatibus, demum ori-
tur anima: non autem prius neq; citius. In hoc
igitur puncto: totum est periculum.
Transacto autem hoc puncto nullum amplius
est periculum. Aurea igitur proles nostra in lucem
producta, quamvis respectu Saturni senioris,
sive plumbi, ob aetatis imbecillitatem inferior vi-
deatur, longe tamen latèq; illum superat pondere,
colore, viribus, constantia ceterisq; virtutum donis
Frigidus enim qualitatibus nimis corruptus Sa-
turnus propter intemperiem suam, neq; ignem, neq;
aerem neq; ceterorum elementorum injurijs resistere
potest. Infans autem noster fortissima & tempe-

ratissima est cōpositionis: ita ut non solū repel-
lat a se omne vim externā, sed propter facundā
virtutū affluentiam & copiam, quā abundat,
proprie parentū infirmitates sanat, & quēvis
corporum Mercurium in summam auri perfe-
ctionē tingit. HERMES.


PRImū enim opus ex vegetabili fit, se-
cundū ex animali in gallinæ ovo, ma-
ximū est subsidiū, & elementorum con-
stantia, ac terra nostra aurū est, de quo o-
mne fericum constituimus, quod est fer-
mentum Isir. SCHOLIUM.

DIstinguit hic author opus magnū sive ge-
nerale in duo specialia, nēpe in vegeta-
bile, & in animale, quod ultimū in gallinæ ovo
perfici ait. Sed quāvis plura & infinita huiusce-
modi opera fingatur a Philosophis: tamē non est
nisi unū verum, quod ab elementorū aequali &
temperatā permistione solum constās, firmū &
fixū est: ob quā causā maximū quoq. sanita-
tis est subsidiū, nec minus inopiæ. Fundatur
autē in terrā auri, quæ meritō Isir, sive Eli-
xir, sive fermentum Philosophorum appella-
tur. Hoc autē fermentū duplex esse, paulo suprà
monuimus: Solis videlicet & Luna. Per ferme-
ntū Solis intelligitur sperma viri: & per fermentū
Luna sperma femina: ex illis fit primò cōiunctio,

postea generatio vera & casta: fermentū aurī,
aurū est: sicut fermentū panis, panis est. Et si-
cut in operatione panis modicum fermenti le-
uat & fermentat magnam copiam paste: ita
etiam illud modicum terra, quod continet iste
lapis, sufficit ad nutrimentū totius lapidis. Un-
de Avicenna inquit: Fermentum reducit sibi
appositum ad sui naturam, colorem, & sapore
ad omnem modum, videlicet de potentia in a-
ctum. Nam confectionē dealbat, seu multipli-
cat, spiritualitatem corroborat, combustionem
annihilat, tineturam continet, ne fugiat, cor-
pora leuiat, & se invicem facit ingredi, & con-
jungit, quod finis est operis, sine quo Elixir non
peragitur, quemadmodum pasta sine fermento
non fermentatur: quod dicitur fermentum
fermenti, & coagulum coaguli. Non enim fer-
mentat tantum corpora inferiora & imperfe-
cta, sed ipsum quoque aurum reddit de perfecto
corpore plusquamperfectum: estque secundissi-
ma mater, qua, quò sepius imprægnatur, tantò
pluries concipit ac parit: & in infinitum sua
speciei prolem propagat. Ipsa sola est clavicula,
qua claudit & aperit: & iterum claudit, & ne-
mo aperit sine qua claviculā nemo in hoc secu-
lo potest pervenire ad perfectionē huius sciētiæ.

Finis capituli septimi.

Con-



Conclusio totius tractatus.

IÆc sunt, vir Nobilissime ac magnifice, fautor & Mecœnas observande, quæ de ptem hujus tractatus capitulis, in tui gratiam commentari visum fuit. Utinam quid in me est, quo grati erga te animi significationem, tantulamcunq; ponere possem: me haberes etiq; ad omnia paratissimum. In Galliam enim toties te advenisse audiebam, toties summo erfusus gaudio ac lætitiâ, mihi unicè gratularar. Ut enim de cæteris tuis meritis jam nihil dicam, quibus me multis tibi modis obstrinxisti: ex solâ tuâ conversatione & colloquio quotidiano, à quo me discendi avidum non tantum non repellebas, sed amicè potiùs invitabas, & humanissimè insuper rogabas, in cursu meo Philosophico tantum hausi utilitatis, ut cum Alexandro Magno verè mihi nunc liceat dicere: vivendi me principium à patre, benè vivendi autem à te accepisse: ita ut generatus quidem à patribus. nunc verò per te ab Eliano quodam vel divi nopotius spiritu regeneratus planè videar. Hanc autè laudē quamvis tibi imprimis tribuam, nolo tamen inficiari, me quoq; aliorum plurium adhuc virorum doctissimorum colloquijs interfuisse, tam in Gallijs, quàm in Germaniâ, quæ ubertate quidem, & fertilitate maximorum, & præstantissimorum ingeniorum, alias regiones in

S

ab-

abstrusis ejusmodi artibus indagandis quodam-
modò languidam, ne dicam pigram, & omnino
torpescientem, longo post se intervallo relinquit.
oprandū sanè esset, ut alij, honestā quādam amu-
latione perciti, hac in parte Germanorum in-
dustriam & solertiam summam imitarentur.
Non enim honori & laudi tantum, sed maximo
quoque emolumento id futurum esset cōmuni pa-
triæ. Cum igitur, ut dixi, tibi imprimis accep-
tum feram omnem studiorum meorum fructum;
equum esse duxi, tibi eorundem quoque pri-
mitias, pro debita gratiarum actione con-
secratas atque dicatas offerre. Quicquid
autem hoc tandem sit, rogo ne patiaris in alic-
nas incidere manus: antequam pro tuo, quo
polles, ingenij acumine, & solidā rerum expe-
rientiā probè examinaveris, & limis tuis politis-
simis & exquisitissimis, splendidius & magis ex-
ornatum reddideris. Sin verò accadat, ut ad a-
liorum quoque manus perveniat, & aliquis exi-
stimet, non omnino sibi satisfactum in quibus-
dam vocabulis obscurioribus, barbaris, & exo-
ticis explicandis: velim ne tam severo id judicio
male vertat: sed culpam potius transferat in
eum, qui scriptum hoc, ex nativo sermone, no-
latinius puriusve traduxerit. Interim tamen
operam pro ingenij nostrā tenuitate sedulam
navimus, ut Philosophiæ studiosis, veritatis for-
tem, si non in minutissimis syllabarum & dictio-
num apicibus, tamen in generali totius operæ
explic

explicatione, satis apertè commonstraremus. Sin verò quis dilucidiorē rei demonstrationem postulat, iniquum hoc Philosophis videbitur postulatū. Secretissima enim est nostra scientia, nec nisi secretorum initiatis & Philosophiæ mystis propriè convenit. Ex his si unus fuerit per electionem divinæ providentiæ vocatus, nihil ampliùs morabitur qualescunq; locutiones, quantumvis maximè ambiguas & obscuras: sed in medijs his fallaciarum tenebris, illucescens solum veritatis lumen observabit, quod nec omnia ipsi succedent in bonum & exoptatum eventum. Viam ad hoc lumen unica parat pietas. Fingete te tanquam ferrum, cupidum esse, per attractionem magnetis alicujus divini, in profundam hujus secretissimi mysterij scientiam descendendi: sed viam præ vitiorum multitudine, quæ tanquam corpus densum, inter Deum, verum piorum magnetem, & te, interponuntur, occlusam esse. Quid hinc aliud agendum censes, nisi ut vitiosum peccatorum corpus tollas, quo sublato radij hujus divini magnetis, statim te splendidissimo collustrabunt fulgore, mentemque tuam nebulosam ab omnibus obscuritatibus, & errorum tenebris penitus vindicabunt. Ego enim, inquit Christus, Salvator noster, lux in mundum veni, ut omnis, qui credit in me, in tenebris non maneat. Ambula igitur in luce, dum lucem habes, ut filius lucis sis, nec te tenebræ comprehendant. Joan. 12. Credere

S 2


autem

autem in Christum, non est tantum ore fateri, *Credo*: quod potius temeraria quædam confidentia, quàm vera fides appellari meretur. Nisi enim cor simul cum ore, & opera cum confessione conspirent, fides hæc mortua & instar lucernæ, cujus lumen extinctum, inutilis & vana habetur. Quemadmodum enim è diametro inter se pugnant, lucere, & non lucere, sive lux & tenebræ: ita fides vera distat ab orali sine operibus. Ex quibus differentia spectatur maxima inter Chymia studiosos veros & spurios. Qui enim ambulant in veritate, veritatem consequuntur: qui verò luce hac relictâ, externam tantum splendoris umbram sectantur, ad veritatis lumen nunquam perveniunt. Quoniam igitur maximam hominum partem videmus, umbrâ potius, quàm rei essentiâ delectari, hoc est, delicijs hujus mundi caducis plures esse deditos, quàm perio pietatis studio: non mirum est, quin maxima sit raritas eorum, qui voti sui compotes fiant. Multi enim sunt vocati: pauci verò electi. Et sicut terra magnam copiam luti suppeditat, unde sit fictile: parvum autem pulverem, unde aurum sit: sic etiam est conditio præsentis seculi. Multi enim creati sunt: pauci autem salvabuntur. Esdra 4. cap. 8. Quamobrem sicut ab initio hujus tractatus exemplum Hermetis, hujus disciplinæ studiosis imitandum proposuimus: ita nunc in fine idem propositum alterius Philosophi, nempe Alani testimonio confir-

confirmatum volumus: qui in libelli sui, de lapide Philosophico, principio, ita artis alloquitur discipulos: Ad DEUM, inquit, mi fili, & cor, & mentem convertito, quàm ad artem magis: ipsa enim donum DEI summum est, cuique beneplacitum fuerit, eam largitur. DEUM igitur ex toto corde totaq; anima tua diligit, atque in eo solo & spe & fiduciam omnem locato, sic procul omni dubio hac arte nobilissimâ cum gaudio perfrue.

✠(*)*)(✠

DEO SOLI GLORIA.




S 3

Si

Si adhuc hominibus placerem, Christi servus
non essem. Gal. 1. Nihilominus tamen, si
malè locutus sum, testimonium perhibe de malo:
sin autem benè, quare me cadis? An quid
tanquam Aquila spuria radios solares aspicere
nequeas? an quod prorsus datus sis in repro-
bum sensum. Sed stultum si contudere in mor-
tario quasi ptisanis, feriente de super pilo, non
tamen auferetur ab eo stultiia eius. Pro-
verb. 28.

Aperi, quaeso, o J E H O V A H, oculos e-
orum, ut videant. 2. Reg. 6.

F I N I S.



LIPSIÆ,



Valentinus Am Ende imprimebat.

ANNO M. DC. X.

